



**Mo?nstersche inquisitio, : Dat iss: Veer vnd Vo?fftich
Frageartickel vth den Concilio tho Trent genamen, etliker mate
vnnu?tte, kindisch, na?rrisch ... Sampt einfoldige
Schriftmetige antwort vnd gr?ndtlicke Wedderlegginge
ders?l?en, den framen vnd Godtsfruchtigen, darsuluest tho
denste gestellet,**

<https://hdl.handle.net/1874/453041>

2

Wönsterſche Inquiſitio,

Dat iſt:

Seer vnd **G**öſtlich

Frageartickel vth den *Concilio* tho Trent

genamen/etliker mate vnnütze/ kindiſch/ närrifch; Thom
dele heylloſ vnd vull Gadeslaſtere / darmit in negeſt vorlophen tein Ja-
ren de Paſtoren vnd Kerckendener/ſo des Euangelij haluen vordechtrich
weren/vp er Eedt tho antworten gedrungen ſint. Alle van Nid-
miſchen Wedderchriſt darhen gerichtet / dat des Sa-
tans Synagoge/ Chriſto Jeſu vnd ſynem
Ryke tho wedderen/des ordes er-
holden werden.

Sampteinſoldige Schrifftmetige anwort
vnd gründelicke Wedderlegginge derſäluen / den
framen vnd Godtsfrüchtigen/darſälueſt tho
denſte geſtellet/dörch einen Leſfheb-
ber der Warheit.

1. *Timoth.* 6. 3. 6.

So jemandt anders leret / vnd bliſſt nicht by den heylſa-
men Wörden vnſes *H e r e n* Jeſu Chriſti / vnd by der Lere
van der Godſällichkeit / De iſt verdüſtert / vnd weth nictes/ſunder
iſt fiſch/in fragen vnd wortfrigen / vth welckeren entſpringet/
Nydt/ Rader/Laſteringe/böſe argwahn/Scholhader/ſolcker Män-
ſchen/de verdoreuen ſinne hebben/vnd der Warheit berouet ſint/De
dat menen/de Godſällichkeit ſy ein handel. Holt dy van ſolcken.

ANNO M. D. LXXXIII.

die Gebhardi *Epis*: den 27. *Auguſti*.

THE HISTORY OF THE
CITY OF BOSTON

FROM THE FIRST SETTLEMENT
TO THE PRESENT TIME
BY
NATHANIEL BENTLEY
OF BOSTON
IN TWO VOLUMES
VOL. I.
BOSTON: PUBLISHED BY
J. B. ALLEN, 1857.

Allen Godtsaligen vnd framen Lebde-
 maten/Vorwandten vnd Ingesetenen des löstiken Stif-
 tes Münster / Gnade vnd erkentnisse der warheit
 dörch Jesum Christum/ in krasse des
 Hilligen Geistes.



So nimpt / Frane / Belouige/
 mannigen Menschen groth wunder/
 dat de Christen in so velen vngeliken Sec-
 ten gedelet sint / welcker misuorstand vnd
 erdome nicht alle können ertelt werden/ dar-
 uth dachtlic/ so lenger jo mehr Byendschop/
 Zwedracht/ Ergernisse / Affgäberne / Vor-
 folginge / Krych / Rouen / Blothuergeten
 vnd Vorwiffinge der Lande vnd Steden
 wert vororsaket: So doch men ein Christus vnd Middeler sy/
 vnd nichts starcker als de Warheit / welcker is Gades worden
 in hilliger Byblicher Schrift voruater/ bliuende wann Hem.
 meli vnd Erde vorgah.

Den süluen künde einer vele orsaken dusses vnheyls anteken/
 vnd thom deele dem Sathan solekes thomeren/ de ein lögenhafftrich geist
 is / vnd vornoret den Erdbodem: vorblendet der vngelouigen gemide/
 dat em dat licht des Euangelij der klarheit Christi nicht erscheine. Etili-
 ker mate des Menschen angebaren vnuorstand / darinne he nicht be-
 gripen kan / wat des Geistes Gades is / vnd leuet de Düsternisse mehr
 als dat licht/ Wo oec de vnredeliken Creaturen/ als Nachtrauen/ Bie/
 Fledermeuse / etc. vor der Sönnen vpganck in düstere winckel siet vor-
 truppen. Man möchte oec seggen/ Godt slöge de Werlde/ als ein rechterfer-
 dich Richter / mit blindheit vnd kreffteigen Erdömen/ vnd vorsöke de
 Synnen/ efft se en oec van ganken herten leuen. Dat were alle na der
 H. Schrift geredet/ vnd hefft syne stede.

Derwyle auerst de Menschen gemeinlick alle schult Meister-
 lick van sief vp andre weren tho leggen / vnd süluest dennoech eres egen
 vorderues orsake syn/ vnd nene entschuldlinge herudr bringen können/ So

3. Esd. 4.
 35.
 Iohan. 17.
 17.
 Lu. 16. 17.
 & cap. 21.
 33.
 Iob. 8. 44
 Apocal.
 12. 9.
 2. Corint.
 4. 4.
 1. Corint.
 2. 14.
 Iob. 3. 19.
 2. Thef. 2.
 11. 12.
 Deut. 13.
 34.

Vörrede.

Jerem. 5.
30. 31.
Dre orsa
te by den
Minschen
so veler
Seecten vnd
Dumers tho
allen tyden.

sint alle vdr wol tho betrachten de orsake alles vngelückes/de de
Hillige Prophete Jeremias settet vnd secht/ Idt steith grüwe
lick vnd schüßlick im Lande/ De Propheten leren valsche/ vnd de
Prester herschen in erem ampte / vnd myn Volck wilt so heb
ben. Wo wilt sw tho lesen darauer gahn?

Ihr sind dre Stende der Minschen / als Propheten / Prester
vnd dat Gemeine volck / vnd by einem idelicken eine sunderige sünde/
darumme Gode törnet vnd den endlicken vorderff vnd vnderganck sy
nem volcke drowet. De erste sünde is/ Valsche lehr der Prophe
ten. De ander/ Gewalt der Prester. De drüdde/ des Volckes luff
vnd wille thor valschen lehr vnd egendom in der Geistlosen herschinge.
De Propheten vnd Prester sint der saken eins/ slan sück vnder anderen
den Vall tho / vören dat arme dancklose volck by der Nesen vmmehet
wo se willen/ lachens sätuest in de Bust vnd geith alle vngemereket hen/
beth dat beide de Blinde vnd de Blindenleider in eine Kullen fallen.
De seamen auerst mören middelerwyle ducken / lyden vnd in gedult er
leuente bestiren.

Luc. 21.
Luc. 6. 39.

Papistis
sche Prophe
ten edder
Prediger
vnd wat ere
Diente syn.

De Propheten / dat is/ alle Lerer/ so in des Antichristi be
stellige sint/ brufen geswinde Practiken/ künstrücke/ rencke vnd
anslege / darmit se den lop vnd vortganck Götlicker warheit
vorhinderen/ vnd dat Concilium tho Trent allenthaluen inuören mö
gen. Dar geuen se sück vor warhaffte Propheten vnd Lerer vth / be
mäntelen vnd smücken sück mit deme hilligen Namen vnd Worde Ga
des / rhömen eren ordentlicken Berop / olden gebrueck/ lange gewanheit
vnd Besitt in der Kercken/ syn Confirmeret edder bestediget van högster
gewalt vy Erden. Dar jegen schelden se vnd flamen wedder de
rechte trüwe Propheten vnd Dener Gades. Nömen se spöttisch
Sassische Propheten/ als de nicht van Geistlicker Duericheit sin
beropen/ vngewyet vnd Leyen/ können nene Sacramente bedenen / vorbe
den/ gude wercke / ehren de Hilligen nicht / Syn van der Catholischen
Kercken affgefallen vnd im Banne. Dar söken vnd schrappen se
vth allen winkelen heruör/ wat denen mach/ de lüde tho vorchre
cken/ vnd de warheit in vngerechtheit vptholden vnd vorharet tho
maken. Schryen mit groter vngestümmeheit / Wilt du noch Lu

therisch!

Dörrede.

löfinge vām Dāuel/ Helle vnd ewigen Dode/ Den Hemmel vnd Christum Jesum sūuest. Herschen auer de gemenen Kerckhōue/ dat niemande dann ere Kopslāde darup tho rouwen kamen. Vouele sint leuendich tho Aschen vorbrandt / de vp den Straten vnd in den Kercken ere Gōgen nicht woldden anbeden? De ander gewalt der **Prefter is** / *Brachium seculare*, dat is. De Weltlike Quericheit/ der se vele mit groter list / falscher *persuasion*, Dāuelschen teken vnd wunderen/ oec thom deele mit gewalt vnd gude tho erem gefallen etlike hundert Jahr betamen hebben / als de Baels Prefter den Babylonischen Keyser. Darūmme steith van em also geschreuen. Beide de Propheten vnd Prefter leren vmmē gelt allesampt valschen Gadesdenst / vnd trōsten myn Volck in synem vngelücke / dat se idt geringe achten schōlen / vnd seggen : Frede / frede / vnd is doch nicht frede. Solcke Prefter brachten Christum in Pilati hende vnd int Graff : Hebben den Apostolen vorbāden im Namen Jesu tho predigen / vnd se darūmme gestūpet / gefangen / vorjager / gedōdet. Het h dat nicht im amptē herschen? Kan oec ein Wulff den andern so getlick syn / als Nye Prefter den Olden? Darūmme oec so vele Secten by den Jōden weren / als Pharisēer / Sadduceer / Essēer / Zeloten / Libertiner / Samariter / &c. welcken Christus mit synem anhangē vordechtig was.

Dith were alle dōrch Gode tho auerwinnen / wann dat Volck thor Warheit geneigede oeren vnd herten hedde. Auerside Schrift secht : **Myn Volck wilt also hebben.** Item : **Se spreken / dar wert nicht vth / wy willen na vnser gedanken wandern / vnd ein idtlicker dhon na den dūncken eres bōsen hertē.** Wat is dann des Volckes dūncken vnd behely / darmēde se sūuest reitgen vnd fordern by bauengedachten Propheten vnd Preftern tho beharren / Edder wat hebben se ene ingeblasen / darup se buwen?

Thom ersten seggen se / **De Kercke kan nicht irren.**

Thom andern / sehn se vp lange gewanheit vnd olden gebruck.

Thom drūdden / se hebben ein mal gedanke / vnd alle lust tho den Reye / sy em entfallen.

Dan. 14.

Hier. 6.

13. 14.

Sünde
des Volckes.

Hier. 18.

12.

Besserley
behely
des Volckes.

Vörrede.

Thom verden/se spegelen sich an ander lüde Exempel/ denn
idt mit dem Euangelio nicht wol geraden sy.

Thom vöffen/then se an de olden guden tydt / darinne grote
Leue/ Frede / Wolfelinge vnd alles vullup gewesen sy/ dewyle men
vastede/ Bedeuareh ginck/ Misse hörede/ de Hilligen droch.

Thom söffen/vören se gemeiniglich desse worde im munde/ Schol-
den de alle verloren syn/ de ock so gedhan hebben?

Hyrmede leth sich de gemene Mann vele düncken / Dar-
ümme will ick vp ein jedlic mit weinich worden antworten/ vnd an-
wisinge dhon/wo kindtlich/sichferdich vnd närrisch/dar alle mit einan-
der geredet sy/vp dat den framen/der warheit wyder nachodencen/ an-
leidnge gegenen werde.

1. Thom ersten/ Ob de Kercke ock erren köne.

Van desser Sake moeth mit groten vnderscheide gehandelt
werden. Dat wordet/ Kercke / wert vnderwylen int Gemein vor de
ganken Christenheit/ aller gelouigen Seelen vnd Engelen Gades thogelike
genamen: Vnderwylen vor eine besundere Gemeinte in einem
idtsliken Lande edder Stadt. Vnderwylen also/ dat Christus als dat hön-
net thogelike / mit synem Geistliken Hye vp Erden in bedinget werde.
Vnderwylen ane Christo/ vor de affeltige/ trünlose Ebreferinne/ de Chri-
stum eren Brudegam vorlaten/ andern Voten/ dat is/ Göden anhanget.
Item: Nu herh se *Ordinaria*, dann *Extraordinaria*.

Wat nu der Kercken belanget/ de allene vth sünthafften Män-
schen besteide / so is aewis / dat se geerret hebbe/ vnd noch erren köne/ als
geschreuen steith: **Wy giengen alle erre wie de Schape/ ein idtslic**
sach vp synen wech. Item: **Alle Minschen sint Lögener.** Was
nicht de allgemene Kercke in Adam vnd Eva? Drögen se nicht dat
herlike Euenbilde Gades/ in hillicheit vnd gerechtheit/ vnd hebben den-
noch geerret: Vnd alle Minschen sint in Em gestoruen.

De Particular Kercken können vele mehr erren/ vnd erren
vaken / als Apocal. 2. gelesen wert. In der sint vaken einfoldige gude
Lüde/ de in Gelouens saken/ so vele dem waren grunde belanget/ nicht er-
ren / auerck de hebben kein gehör/ sunder möten dücken vnd bucken/ bech
Gotd de sake wende/ De Euangelista secht/ De Schriftgelerden vnd

Antwort
vp ein 19
der.

Hebr. 12.
22.

Ephes. 1.
22. 23.

Colof. 1. 24

Ezech. 16.

Hier. 2.

Eesai. 53. 6.

Psal. 116.

11.

Rom. 3. 4.

Roma. 5.

18.

Luce 19.
47.

Hogen

Hörrede.

therisch / Caluinisch / Euangelisch werden? Hefft du wedder
lust tho danken? Jocken dy de tände wedder na Ratten / Rat-
ten / Mäuse / Scholappen &c? Mit sodanen vñ dergeliken bedroch vñ
valschen schyn vullen se vntellick veler Menschen oren vnd ogen / dat se
fry hen ruschen / gelouen als er Pastor / dencken der sake nichts nha / bli-
uen im olden Surdege vnd erdom vñ den breiden wege der verdemenisse.
Vnd dewyle se nicht apene reine Kercken tho laten willen / wer-
den vele Secten vnd Kotterye / de der ganken Christenheit hyr-
namals genoch werden tho schaffen geuen.

Auerst ein vorstendich Lesshebber der Warheit / keret sich
nichts an dat pralen vnd tungendörtschen / hefft dat sichte Gōdtli-
kes Wordes vōr sich / gedencet / Wo deser Propheten Patriarchen /
wandages mit den rechten Propheten ock Husholden hebben / als Bede-
kia / Achabs vnd Jesabels Pawest / de sich des Geists vnd hoger Kunst
rhōmede / Micheam in vngnade des Königes / in verachtunge / gefeng-
nisse / hunger vnd gefahr des leuendes brachte. Vnd wat Ezechiel secht /
De Propheten dōnniken mit losen Kalke / Predigen lose dedin-
ge / vnd Wyssagen em lōgen vnd seggen / So spreckt de H Ere /
so idt doch de H Ere nicht geredet hefft. Vnd Jeremias / Vñ
den Propheten tho Jerusalem / sehe ick grūwel / wo se Ehebrefen /
vnd gahn mit lōgen vmmē. Vnd baldt. So spreckt de H Ere Ze-
baoth. Horcket nicht den Worden der Propheten de juw Wys-
sagen / Se bedregen juw / dann se predigen eres herten gesichte /
vnd nicht vth des H Eren munde.

1. Reg. 22.
24.
Ezech. 22]
28.
Hier. 23.
14.

Auerst gy Mōnstersche Prediger / Nemet nicht vor vngudt /
dat ick ein weinich mit juw sūluest rede. Ick frage juw vor Gades an-
gesichte / efft gy nicht wedder juwe egen Conscientien handelen / wann gy
de Reformirte Euangelischen Kercken / mit der losen Wedder-
dōpeshen Secten vorlifen? Solde gy so vnerfaren syn / vnd nicht
weten / dat wy so ver van ander sint / als de vpganck der Sūnnen vām
Neddergange? Vnd dat de Mōnstersche Krich / Anno 1534. nicht de
Euangelische lehr / sunder der Wedderdōper raserye allene tho dempen
sy vōrgenamen? Vnd dat de bēse Geist / nicht allene tho Mōnster / sun-
der ock an mannigen orde Dūdischer Nacton mit deser schendlicker

Vörrede.

Godtlasterliken Secten de Euangelischen Kercken mit vprohr vnd grose bejweringe hefft angefochten vnd vorharet tho maken sie vnderstanden? vnd dat tho Mönster ane twiuel vele frame Christen/darunder ock im anfangen nicht weinich einfoldige vnberichtede Minschen gewesen / van den vrlendischen instikenden Wedderdöperen mit list vnd schyn der hillicheit (darmit sie desse heilose Secte insunderheit werh tho imincken) sint auereilet/ock gewaltsamer wyse binnen der Stadt beholden/nicht mit en in gewilliget/vnd offte se schonen wol erbarmitlic vngelamen/dennoch im waren gelouen / dörch de krafft Gades/thor Salicheit bewaret sint? **Mit wat bescheidenheit make gy vth solken wedderwerdigen dingen eine böse sake? Eder sint gy de Menner / de dem Mönsterschen vorwifferinge dohn können / dat se by des Antichristi grüwelen vnd anderen lasteren densiluen anhengich nene gefahr tho besorgen hebben? Eder sint alle Euangelische Stede vmmes Gades warheit/als Mönster einmal vmmes des Sathans lögen / in sodane gefahr geraden? Scholden gy dann nicht / gedencen / men möche van einem idtliken vnnütten worde/dem Richter Christo rekenschop geuen. ic swige van vnwarheit/böse lehr vnd valschen rüchenissen?**

Wat dhon de Prestier? Se herschen/ secht Godt durch den Propheten / in erem ampte. Dat is / Se vnderwinden sie nicht ere sake vnd Gadesdenste mit hilliger Schrift tho erholden vnd anderen anzhobringen/sunder mit gewalt. Der Prestier gewalt is desse. Erstlic / de Excommunicatio edder Bann / darmit binden se den Gadesdenst vnd Nimmelrike an gewisse Personen / Order/ Ceremonien/Wercke vnd Tyde. Ere Gadesdenst vnd Kramerye berouwet vp Brodt/Wyn/Water/Solt/Bühr / Olye/Rock/Do denknaken/Was/Erüge/Banen/ Absoluceren / Seelmissen/Vigilien/Klofenflanc vnd dergeliken. Dar ist nicht fry de wahrthe kopen edder nicht / sunder dwingen de Lüde mit Vordömen/Bannen / Nichten an Elende/Vorsolginge/Gefahr/Lyues/Ehr vnd gudes / vnd möten ock de doden em Jarliks Lins vnd Tollen geuen. Vnd wann se schonen verkeffe hebben/döruen se nicht leuceren / vnd holden vaken gelt vnd wahre thosamen. Dat mehr is/Vorkopen effmal dat in erer gewalt nicht steych / vnd siluest noch part noch deel daran hebben/als vorgeuinag der sünde/ vor-

Der Prestier sünde vnd gewalt.

Hier. 26.

11.

Vörrede.

Hogenprester vnd de vörnemsten im Volcke / trachteden em na/dar se en vmmebrachten/vnd vünden nicht/wo se em dhon scholden / dann alles Volck henck en an vnd hörede em. So isset noch jekunds. Dar erreden jo de Hogenprester / Schriftgelerde vnd Weltsike Quericheit / vnd by dem armen Volcke was de rechte Kercke.

De ordenlike Kercke / darinne de *Succession* vnd lange gewanheit syn / kan ock erren / vnd valen van der *Etraordinaria* wedder Reformeret. Dann Propheten vnd Prester erren. De Wyshheit der Wyssen geit vnder / vnd de vorstandt der Klofen wert vorblendet.

Ezech. 7.
26. 7.
Esai 28.
Esai. 29 14.

Darümm de Kerck allene / welcker höuet Christus is / kan nicht erren / darümm dat se syne stemme allene höret / vnd van synem Geiste wert geregeret. De Prester / so vth den munde Gades reden / Deut. 17. 11. vnd mit gerechticheit bekleidet syn / Psal. 132. 16. vnd de dat Gesette holden / Malach. 2. 6. erren nicht / Darjegen erren vnd sint vorvörer alle de dar ropen / De Schrift is eine Wasse / ne Nese / de Bybel is ein Ketterbock / Man moeth de stridtsaken nicht vth der Byblien / sunder na dem Decret vnd Tridentischen Concilio sichten.

2. Van der gewanheit.

Yde is swar vth einer olden gewanheit in vngewanheit treden. Olde Böhme laren sich nicht vmmen planten. Olde Hunde sint nicht wol bendich tho maken. Christus secht / Men deith nicht Most in olde Wynbelge. Item : Dar is nemande de vam olden drincket / vnd wille balde den Nye / dann he spreect : De olde is beter. Wat is Gewanheit ane Warheit ? Nichts anders dann ein olde verdemlick erdom. Christus secht nicht / Ick bin de Gewanheit / Sonder : Ick bin de Wech / de Warheit vnd dat leuendt. Godt secht dörrch den Propheten / Tredet vp de Wege vnd schowet / vnd fraget na den vörtgen wegen / welcker de gude wech sy / vnd wandert darinne / so werde gy rowe vünden vor juwe Seele. Dusent Jahr vnrrecht dhon / is nicht einen dach recht gedhan. Jo lenger men bliffet im Bnwege / Jo wyder men van den rechten Wege aff wickt.

Matth.
9. 17.
Luc. 5. 39.

Vide Di-
stinct. 8.
cap. Ma-
la 1. 10.
Ioh. 14. 5.
Hie. 6. 16.

3. Van olden Dantze.

Dat

Vörrede.

Das men vmmes des vörzigen vnfalls willen der warheit Gades wedderstreuer / vnd halbsstarrich by dem olden Surdege beharret / iß nicht anders / als wann ein vngehorsam Kindt gestüpet were / vnd spreke : Ich bin gestüpet / darüm will ick in keinen dinge mynen Vader gehorsam syn / dar dat jegendeel geschehen scholde. Godt secht allen segenthoch / den Steden de syn Worde annemen / wowol dat Crüke nicht vthebliffte. Auersst den stoek vnd vorderff den anderen / etc. Idt sint vngelike Orsake / dat Christen vnd böse Bonen gestraffet werden.

4. Van ander Lüdees Exempel.

De werlt
ergert sich
an dat
Crüg der
Bercken.

Wann man grote straffen an anderen Menschen süth / vnd dörrch vormydinge der Orsaken sodanigen vörthotamen gedencet / iß wol vnd wyslic gehandelt. Auersst so men an den orsaken erret / so kümpt men erst midden int vngelücke süluest. Als wann Godt ein Volck straffet vmmes vorachtinge willen synes Wordes / vnd du beldest dy in / Godt straffe vmmes des wordes willen / vnd vorachtest dann thogelike darsülu mit den anderen / so kant dy entlic ock nicht beter ghan als den jennen. Christus wart vrsolget vmmes der Warheit. Deden dann recht de darümme en nicht wolten annemen? Dauid wart mit den synen vorhatet / vorjaget / vrsolget. Was darümme syne sake vnrecht? Christus secht / Ich hebbe em dyn Wordt geguen / vnd de Werldt hatet se. Dhon dann alle recht / de sich an der Apostolen Crüke ergeren / vnd dat Wordt Christi van em nicht willen annemen? Vnd wann du schon de ganze Werldt gewinnest / vnd vorlörest dyne Seele / wat were dann dyn vordeel? Man moth nicht na Exempelen / sunder na wissen Regulen / beuchl vnd willen Gades / im Worde vthgedrucket / handlen.

Iob. 17. 14

Luc. 9.

Heb. 11.

5. Van guder tydt der Götzendenste.

Hie. 44.
17.

Dat iß de olde Sancel der Götzender by Jeremias tyden / Da dem worde / seggen se / dat du im Namen des Heren vns sechst / wille wy nicht dhon / sunder na vnsen düncken / vnd rökeren der Königinnen des Hemmels / vnd darsüluen Dranckoffer offeren / als wy vnd vnse Väder / vnser Köninge vnd Fürsten / Dann sint der tydt do wy hebben affgelaten der Königinnen des Hemmels tho rökeren vnd Dranckoffer tho offeren / hebbe wy allen mangel geleden / vnd sint dörrch dat Swert vnd hunger vmmekamen. So möste ock recht syn / dat de Spötter reden / Malach. 3. Wy pryfen de Vorachters / wente de Godtlosen nemen tho /

se vor-

Vörrede.

se vorsöken Godt/ vnd idt geith em alles wol vth. Vnd de Epicurer vnd
Weltkinder / achten salich allene de jennen/welcken dat tydtlike gelncke
thoualt/vnd seggen/Wol dem Volcke/den idt also geith. **Barlick**
wann dith gelden mach/ So is Machomets grüwel ock recht / an-
gesehen dat de Türcken de hertikesten vnd gewaldigesten Lande/Rykedom
vnd lust der Werlde hebben? So moeth ock de Rike Drasser salich syn/
vor dem Lazaro? Nabal vor deme Dauide? Elias eth Brodt vnd drin-
cker Water/de andern rechten Propheten hebben sic in den Stenklüff-
ten vorstecken/lyden groten hunger vnd noth/Auerst de Baalspapen fre-
ten van des Königes vnd der Königinen Dissche. Is dann dar-
ümme Baals Religion recht?

Auerst de ware Christen sind vele anders gesinnet als des-
se Buchdener/Gedencken an Mosen/Welcker erwelede leuer mit dem
Volcke Gades vngemack tho lyden/dann de tydtlike Wollust der sünden
tho hebben: Vnd achrede de schmahet Christi vor groter Rykedom/ als
de Schette *Aegypti*. Dann he sach an de beloninge. Idt mören des
Antichristi Rykedome in einer stunde verlarren werden.

6. Solden de dann alle vorlaren syn/de vor vns ock
also gelouet vnd leuet hebben?

Antwort. De Schrift leret/dat mit der Vörüederen Exem-
pel nemandt sic in bösen saken beschiltten köne: Vnd dat wy nicht wer-
den schölen/als vnse Affgödische Alderen: Vnd dat men se solle vorlaten/
van em vthwyken vnd se vorgeten: Vnd haten vmmme des Namens
Christi willen: Vnd dat de Kinder/erer Veder Missedadt dragen mö-
ren/so se em im bösen volgen. Schal dann ein Christen Minsch so
vnbedechtrich reden/vnd nicht vy Gades wördt sehen? Ich frage dy wed-
derümme/Wat westu van vnser Vörüaderen stande vnd gelegenheit?
Hesttu breue vnd gewisse kundschop van Hemmel entfangen/dat ed-
der desse salich vnd de andere verdömet sy? Wat kansu ordelen van ei-
nes idtlicken ende vnd vthgange van desser bedröueden Werlde? Dar-
sint ock alle tyde im schüßliken Pawstdom vntellic vele bewaret wor-
den/de dat Malteken des Dehrts nicht entfangen hebben/sunder sint
einsoldich by eren Gelouen in stille gebleuen vnd salich geworden.
Wann du nu erer vörigē sünde vnd Affgöderye folgest/vnd nicht ere be-
teringe vnd bekeringe tho Godt/wodannich Kindt vnd nasolger bist du

dann

Psa. 144
13.

Luce 16.

19, 20.

1. *Sam.*

25, 10.

1. *Reg.*

19.

1. *Reg.*

18, 4.

Hebr. 11.

Apoc. 18.

Hie. 9. 14

Ezech. 18.

Psal. 45.

11.

Luc. 14.

26.

Exod.

20, 5.

Thren.

5, 7.

Dörrede.

Heb. 10. 31
Hebr. 6.

dann? Biffstu dann oek nicht dynen framen Voruäderen vassche richte-
nisse? Soldestu so lichtferdich swaken vnd plagen van so hogen nödigen
saken? Ist dy so weinich an dyne salicheit gelegen/dar du desünnen vp sol-
cke vngezwise Exempel dörest buwen? Denckest du so weinich vp de ewi-
ge Ewichheit? Bestu nicht dar idt erschrecklic ist in de hende des leuendi-
gen Gades thofallen? Vnd dat ein jdtlic synne egen börden dragen möre.
Vnd dat de Erde/de vaken den regen entfeneckt/vnd dennoch nicht frucht
drecht/dem stoke vnderworfen ist. Vnd entlic/dar de wech thom leuendi-
enge sy/vnd weinich en wanderen/vnd du wult dy vp den groten hupen
beropen? Des möre sich Godt erbarmen/vnd so mögelick/dy vth gena-
den bekeren/etc.

So hebbe gy nu/ Godtsalige vnd frame Bröder in Chri-
sto/de 5 4. Artikel der Antichristischen Inquisition / in Düdi-
sche Sprache vprichtig auergesetzt / vnd mit einfoldiger / doch
Schriftmetiger Antwort / beschedenlic wedderlecht / Doch also
dat nemandt dardörch iniuriet werde / dewyle de sake Geistlic ist / vnd
den Antichrist vornemlic antreffet / vnd my oek nicht twyuelt / dat oek
vnder den Geistliken süuest erlike den Antichrist wol kennen / vnd Göt-
likes Wordes vortganc zern befördere segen. Dar my auerst de In-
quisitores mit eren lächerliken vnd närrischen Poppenwerke
orsake geuen / hebbe ick de fryheit gebruket / als Elias de der Baalspa-
len spottede. Vnd Paulus des Hogenprestlers Ananie. Ick hebbe my al-
lene der einfoldt vnd warheit besytet / den einfoldigen tho gude. *Veritatis
enim simplex oratio.* So sy Gade allene de Ehre / vnd ein ider gewarnet /
dat he na so mennichfoldigen anholden vnd berecht Götliker aüdichet
Babel vortare / vp dat he nicht erer plage deelhaftich werde. Wydde den
Vader vnser Heren Jesu Christi / he wille dörch den Dode vnd
Blotvorgeren synes leuen Söns / vth aller gesencknisse
vnd erdom Minschliker Gesette vnd Lere / ge-
nedichlic de Synne entledigen/
Amen / Amen.

1. Reg. 18

27.

Act. 23. 5.

De erste Artikel/

Wet des Pastors Name vnd Thoname sy/ Vnd wo oft. Ofte he Ehelich edder Vnchelich geborn sy. Vnd so he vnechte/ esse he den ock auer synen geborth mangel eyne Dispensation hebbe / vnd dat he de thom schyne bringe.

Antwort.

Idih is eyn gemen Sprickwort/ Ein Narre konne wol so vele fragen als Vyff wyse Menschen beantwortet worden souden. De wyse auer der Narren frage gemenlich Narrisch/ mager edder lacherlich sint/ so secht de H. Geist: Antwore den Narren nicht nha syner Dörheit/ dat du em ock nicht gelick werdest. Nu sint ock solcke Narren/ de van der vsinnigen Werlt vnd sympeleu Volcke vor Wyse dappere Lüde/ Ja vor Süle vnd Pyler des Vaderlands vnd Christliker Kercken gehalten werden / vnd der wegen ere frage vnd vörsege groth ansehen by den vnberichteden Man hebben: Darumme secht ock balde darby de Wyseman/ Antwore den Narren nha syner Dörheit/ dat he sich nicht Wyß duncken late. Also künde men ock mith stillezwigen vele fragen desser Inquisitorn spasseren laten edder allene mith schympliker antwort fögelych affwysen / wan ere böse gründe vnd nichtige fundament/ sampt allen vorborgen tücken den frommen/ wolmenenden/ eyntfoldigen Leyen genochsam bekant weren/ de van des Antichristi gesinde vele Hundert jhar (Godt erbarmes) genarret getuschet vnd by der Nasen jamerlich vmmegeuöret sint.

Dan Leuer/ is am Namen vnd Thonamen eynes Pastors so vele gelegen/ dat men eynen Schriffstücken Fragartikel darvmine instellen mote / de iw thouoren doch wol bekant was: Wan gy vprichtich her yn treden/ nicht lichtferdige/ sunder dappere vnd nodige frage vorstellē wolden/ so scholde gy den Kercke Deneren Frage vam Namen vnd Thonamen Jesu vörleggen vnd erforschen/ esse se ock wüssen wat de beduden nha vtwysinge

Proverb.!
26. 4.

Ibidem
vers. 5.

1.
Name
der Pas-
toren.

10.
Math. 1
21.
Ioan. 19.
19.
Math. 2.
23.
Esa. 11. 1.
Hier. 23
6.
Esa. 7. 2.
9.
1. Tim. 2.
5.
Act. 4. 12
Act. 10.
43.
Ioan. 1. 6.
23.

der H. schrift/ Nemptlik/ dat Jesus so vele sy als Salichma-
ker daromme dat he syn Volck salich make van eren sünden.
Darnegeest wat he vor eyne Thonamen hebbe/ als Nazarenus/
dat is/ affgesundert/ gehilliget/ gekrönet thom enigen vnd ewigē
hogen Preister syner Christenheit; Dat schone reyß vch deme
stamme vnd wortel Jesse/ vp den de Heiden hopen/ Item wath
de andere namen vnd epitheta beduden de he in der schrift
heffe/ als Iehoua vnse Gerechtigheit/ Emanuel/ ewige Vader/
starcker Godt etc. Nemptlik dat he sy war Godt vnd Menschē/
de enige Middeler tusschen Godt vnd vns armen sünderen/
buten welken nen ander Name gegeben is/ dardurch wy können
salich werden; Den alle Propheten tuchenisse geuen/ dat durch
synen Namen vorgeuinge der sünde erlangen alle de an em gelo-
uen. Item fragen solde gy/ esse de Pastorn ock allene ym Na-
men Ihesu Predigen/ beden/döpen/ vorgeuinge der sünde vor-
kündigene Dffe se ock dat arme Volck leren/ Godt den Vader
ym Namen Ihesu Christi allene anropen / mit angehangener
ehofage / dat se erhöret werden etc. Van den vnd der gelyken
hebbe ich in dessen 5 4. fragen nicht eyne worth vornomen / als
dar den Catholischen niches angelegen is.

ij.
Oude
der Pasto-
ren.

Marc. 1
16.
1. Tim. 4
11.

De ander frage/ deses artickeles is vām older des Pastors.
Wath heffe dat tho beduden? Is yde nicht genoch dat he so oft
is als syn kleneste vinger? Edder scholde men nicht vele mehr
fragen nha den Studeren/ gelertheit/ Geiste/ Juer vnd gauen/
darmith allene der armen Kercken gedenet werth? Elaias,
Hieremias, Daniel syne junck thom Propheten ampte gekomē.
Christus heffe de Apostel/ vnder welken Ioannes ein jungelindē
gewesen/ na dem older nicht gefraget. Paulus secht/ Nemandē
vorachte dyne zogedr. Ein junck geschicket godselich Man / de
Christum kende / recht leret vnd eyne gude leuent vöret / is oft
genoch vnd vele beter als eyne oft hucheler/ sabel vnd lügenden
Prediger etc.

ij.

De drudde frage in der ersten/ is vān der Ehelichen vnd vn-
ehelichen

eheltchen gebort. Idt isz twar eyn gewünschet dinck recht vnd
Ehlich geborn syn / darnha ock alle frome Christen trachten
sollen / dat se nene dan allene Ehelike Kinder tugen. Auer wat
deit de fleischlike geborth tho den gauen des H. Geists / ane wel-
kere nen recht Pastor syn kan? Woromme fraget men nicht
nach der Weddergeborth vnd vornyerlinge des H. Geists / wel-
ker nicht an den willen des mannes noch an den wille vnd ge-
borth des fleisches gebunden isz / sunder wercket vnd deith in
gnaden vnd gerechticheit allent wat he wyl? In eynem seliken
bewysen sicc de Gauen des Geists / thom Semenen nutte. Wat
willen dan de hern Inquisitorn / Mach eyn vnechte nicht Pa-
stor / Preister edder Geistlick werden?

Solde men de vnechten / vnd insunderheit der geistlicken
Kindere vth Klostern / styfften vnd Kercken allenthaluen vth-
munstern / so worden vele stede ledich werden. Iha wat wolde
men van velen Paussten sagen / der eelike vth horerney / eelike vth
bekanten Ehebrock / eelike vth apenbaren blofschanden geborn
syn. Darumme moeth wat anders vnder dessen fragen schulen.
Gewisslich.

Dan vor dat erste / willen dese Inquisitoren alle satinge vñ
gewonheit der Pawesten vnd erer Kercken durch vth besiedigen /
darunder mith inlopt / dat ein idilich Pawest / wan he geforen /
wol betastet vnd vor werdich erkant ys / synen rechten Döpena-
men vorlaten vnd eynen andern nyen annemen moeth. Welke
gewonheit erem anfanck Anno 843. van Sergio. 2. de tho
vorn / Os Porci / dat isz / Swine snute genant was / genomen
hefft: vnd recht / dan nha Wysfaginge des Propheten / de wilde
swine tho der tidi vpt schrecklikest den Wynberch Godts anfen-
gen tho vorwosten. Auer dese Ehre werden keine frome Predi-
ger begeren / vnd synt also eres namens vnd Thonamens tho
rechter tidi wol stendich / etc.

Den Older belangende / hefft Pausz Zacharias de Preister
Wye van dem Dertigesten vpt Dyff vnd twintigeste jhar ge-
bracht. Rosel dinck / etc.

11.
Gebott
der Pafte-
ren.

Io. 3. 5.

Io. 1. 13.

1. Cor. 12.

1.

Intent
vnd Ende
desses artte-
tels.

Pauweste
leggen eren
Döpenamen
aff.

Psal. 80.

14.

2.

Ao. 743.

1. 2.

3.

Darnegeft söfen se gelt vnd ransuen by den Pastoren so wol als by den gemenen Volcke/ dat licht tho vorstahn ys by den Worde/Dispensation: Dan de vnechten können de Echtschop Vor gelt wol bekommen vnd darnha tho Geistlichn ampten gestadet werdē. So auer etliche vorhandē/ dede Dispensation nicht gelöset hadden/ dat als dan desuluen coram nobis komen vnd maken einen afforach darmith se ym rowlicken possels mogen beharren. So hefft Hadrianus/ Des namens de erste de vnechten Kinder vshgemunstert. Vnd nha em Alexander de drudde. Item im negeden vñ teinden Consiliis Toletanis vnangesehn dat Alexander des namens de ander den Preister kinderen tbor Wyse Wyse gudt geleide hadde tho komen laten. Auer wat vor vordel hefft disse dispensatio? Ist anders wol im hemmel edder vp erden/ de den geborths mangel vprichten könne dan Godt allene? Vnd de dat gyfft ane gelt vnd weddergeldinge? Worumme telle gy den gelt/ dar kein broth ist/ vnd leggen juwe arbeit/ dar gy nicht satt werden können? De Dullen Junckfrowen künden mith den Dlye/ den se vam fremers gekofft hadden/ nicht bestahn/ etc.

Anno. 4.
Añ. 1181

Iob. 14. 4.
Esa. 55. 1.
Ibidem
vers. 2.

Math. 25
9. 10.

De 2. Artikel

Van der
Prester
Wyse.

Vor vnd van welcken Vielbischoppe men gewyct sy: offt men ock geexaminert vnd thogelaten alle orden edder Wyngē/ so wol de klenen als de groten vp vorscheiden/ doch darto bestempen tyden entsanzen/ edder desuluen heimlich/ vorstolener wyse nach/ buten gebürliche tide vp ein mal bekommen hebbe/ Vnd auer dat alle Dispensation/ ock gudt formlich bewyß davan vorbringen können?

Antwort.

Desse Artikel geht vp de vmmestende der Presterlickē/ Wyngē. Als van der stede/ Vam Vielbischoppe suluest. Vam Examen/ van seuen orden vnd van der tide. Wilt den grunde/ dar dyth alle vpgewet ist/ hefft ide desse gestalt/ Pausst Siricius hefft geboden/ dat de orden vp verscheiden tyden gegewt werden.

Gelasius hefft dre tyde im jahr dartho bestemmet. Pausi
Nicolaus hefft beuolen dat Examinern. Hilarius hefft de
vngelerden affgesetzt. Honorius/3. Wyl dat vngelerde
nicht thom Presterlicken ampte gestadet werden.

Wat nu den Wyelbisschoppe edder Papenmaker/ Item de
Seuen Orden vnd gewissen tyden belanget: hefft in der hilli-
gen Schrifft gar neuen grunde / wo ock nicht de Milla, vnd
ganke Godes denst des Antichristi suluest/ Sunder is ein tande
vnd los gedichte des Satans vnd Antichristi.

Dyt is auer Godes beuel vñ ordentliche wech de Kercken mit
rechten Deneren tho bestellen / vnd wert so wol yhunds in allen
wolbestalden Gementen / als vorhen / flytich vnd truwelick ge-
holden / Nemptlic dat gude Particular vnd hoge Scholen /
mit dapperen / gelerden vnd Godesaligen Menneren bestalt /
vnderholden werden / darinne de soget in den nodigesten Spra-
ken / fryen Kunstē vnd hilliger Schrifft Christlick vpertogen vnd
institueret: mit den Dye des hilligen Geistes tho heylsamen
wercktugen vñ vaten der genade Godes gewyct: Schriffmērich
geexamīnret: Ordentlick beropen vnd bestediget / mit anro-
pinge Godes des H. Geistes in den Kercken denst treden. So
dane Personen mogen vnd schollen mit guder frolicher Con-
sciēzien den Wyelbischop sampt synem galstrigen / sincken
den kresen / Dye / Schmer / Dette / Vater / solt / blasen / quaste vñ
gangen laruen fram vnd Bökelwerke / als des Duuels Bunde
vnd Louerpe allerdinge vorachten / myden / varen laten: vnd
op gude vorloff des hogen Presters Ihesu Christi er ampt bede-
nen. Dan wat gemenschop hefft dat vnfriedige stanckwerk
mit den gauen des H. Geists? Des Beests mallecken / mit
der vorsegelinge Christi? Man sehe vpt leuende vnd wandel
der gewyeden Papen / so werth men wol inne werden wath ga-
uen / krafft / doget / Geist vnd hillicheit enen de wielbischop hebbe
ingeblassen. Nur dat mach wol dorch den widen open slach-
bom / dewyle men vā wyelbischope breue als gude Catholische
Presters op de Seuen Orden heruor bringen könne.

Christli-
cke Middelt
vnd Wege
gude Pasto-
ren tho be-
tomen.

Apoc. 14.
10.

Offt men ein rechte Pastor sy vnd einen rechmetigen besitt
vnd Collation hebbe/vnd van wen/vnd dat men ydt bewyse.

De 4.

Edder so men ein Hurlinck sy/dat dan de rechte Pastor nam
fundich gemaket werde. Item/offt men ock van Archediaken
thogelaten sy/vnd ein Ehrlick vnderholt hebbe.

Antwort.

1.
2. 3.
Pastor
im Paust
dom.
Hurlinck.

Disse beide Artikel sint vp dre frage gericht. Van de rech-
ten Pastoren. Van Hurlingen. Van erer Vpkumpst vñ besol-
dinge. Rechte Pastoren nomen se/de jennen/de als gewyede Pre-
ster de Kercken vam ordentliken Collatore tho Lene emfangen
hebben/se bedenken dan den dienst suluen/edder nicht. Eyne
Hurlinck nomen se den Kerckendener/de vmmen ein gewis bedin-
get lohn vam Pastor mit dem des Archediakens guden willen ein
tidtlang den Kercken dienst vorwaltet.

Eyne recht
Pastor
Ezech.
34. 2.

Auer in der H. Schrifft is dat nen recht Pastor/de Melck
vnd wullen vam Schapen nimpt/vnd se nicht weidet: Sun-
der de se weidet vnd syn leuende darby vpsetter/de Hurlinge heb-
ben im worde Godts nenen berop/Loff noch Lohn. So
maket ock de vpkumpst dat gelt/edder lohn nenen Pastor noch
Hurlinck/sunder dat ampt/werck vnd de dath suluest. Dar-
umme sint dat alle vnd allene rechte Pastoren de Godts wort
rein leren / ere Schape kennen vnd van ene wedderumme er-
lant syn/ mit dem guden exempel vnd leuende den Schapen vor-
gahn/vnd beth ant bloch vor se striden. Vnd dariegen/de
solcks nicht don/sint edder hurlinge/edder Deue vnd Morder.

Psal. 23.
3.
Ioa. 10. 12.
Ibidem.

Ioh. 10.

Archidia-
ken edder
diaken
ampt.

Vam Archediaken vint man in der schrifft nicht / sunder
der Diaken werth wol gedacht/nicht dat se der Apostolen vñ an-
der Kerckendener Heren/sunder medehelper vnd insunderheit
vorstender der armen gewisen syn. Nu is am namen wey-
nich gelegen / so dat ampt van Godt vnd dat werck gudi is
vnd thom gemenen besten angewandt werdt / als de kercken

mit

mit guden personen bestellen/ desuluen ernsthafftrich thom wer-
ke eines Euangelisten vormanen vnd forderen/ Medelinge vñ
Hurlinge affschaffen/ der Kercken vnd armen guder nicht laten
vorrucken/ vnderghan vnd vorbrassen / den Kercken Deneren
vnd de armen mit Nottruffe vorsorgen/ etc.

Auer gy archidiafen/ fraget iuwen egen geweten/ esse gy iuwe
Pastoren/ Hurlingen/ Cappellanen dermaten kennen vnd ge-
wis sint vor Gode / dat dat arme Volck mit den suluen / als
rechten truwen kerckendeneren vnd Selesorgeren wol vorwaret
sijn / edder nicht? Ofte gy ock suluen vele Pastoryen besneden/
kercken vnd Armē gudere an iuw Archidiaconath gebracht heb-
ben/ vnd darmide bueck/ horen/ hengeste/ hunde vnd hundetrecker
stoppen vnd mesten? vnd dariegen velen kerckendeneren vnd Ar-
men Luden miserien smelten/ hunger vnd noth lyden laten/ ed-
der nicht etc.

Polid: schrifte/ dat de Olde Paust vnd hillige Martyr Eua-
ristus Seuen Diafen vorordent hebbe/ den predigeren bystande
tho leisten in guden saken/ vnd tho vorhoden/ dat se nicht van
Volcke vorachtet / sunder geeret worden. Wol iuw / so gy
dat ock dohn etc.

Polid: 1
Verg: l. 4
c. 9.

De 5. Artikel.

Of men ock ein Monnick gewesen/ de Rappen vorlaten vnd
ein Apostata/ dat is/ affelliger geworden sy?

Antwort.

De Monnicke weren anseflich Clusener vnd einseddeler/
mit loffen vnd Eden nemandt dan Christo vorplichtet/ dar-
na vntrent 530. jar na Christi gebort hefft Benedictus de erste
Monnicke Regulen gedichtet/ vnd einen grotten antal Menner/
vnder welke weren leyen vnd gelerde/ jungelinge vnd wedener
thosamen gesammelt/ wusten auer nicht van solcken Rappen als
skundes de Monnicke dragen / sunder hadden ehrliche bequeme
kleider van manigerley varwe vnd forme vyffhundert jahr na
Benedicts tiden als Sabellicus betuget. Vnd synt de Elo-
ster schole gewesen / vnd soldent noch sijn/ darvth men personen

Der Mon-
niste her-
tumpst.

Monniste
tappen erst
erfunden
vor vyff
hundert
jahr.

Enn. 9. l. 2
Eloster be-
horen Scho-
len tho sijn.

vor-

vorderen konde de Kercken vnd Scholen wusten tho regeren. Nu is dith/wo alles/im Pausdohm thom heytlosen misbruck gera-
den/also dat van klederen grote hillicheit erdichtet is. Jdt wolde
tho lanck fallen/wan ick allein S. Francisci Kappen Historien
in de lenge vortellen solde/van welcker lenge/gestalt vnd varwe
eine rume tide gedisputert is. Erslicke in eren Capittelen/darna
dewyle den Ordens brodern de sake vele tho hoch was vitho-
flume/is se an Paus Nicolaum/4. gelanget doch nicht geslich-
ter. Dar na auer ein vñ dertich jahre ant Concilium tho Vien-
ne/dar Clemens 5. jegenwerdich was. Dessenemen de sake wol
an/konden auer den Ordens brodern de Conscientien noch
nicht befredigen. Entlich is se vnder Iohanne 22. vordragen
desser gestalt/dat S. Francisci broderken ein lange Grawe Kap-
pen (Gelucke tho/mith ein par guder langen ohren) dragen sol-
len/darinne se nemptlick Boldewino Sackdrager /bp Mon-
stersche sprake/den Eselen/so wol in der varwe/ als in wedder-
willen/vnlust vnd tracheit tho allen guden geluck sin mogen-
t. Vnd desse kappen sin so hillich/(wo wol vul vnflades) dat gro-
te Lude sich darinne gern begrauen laten/ der thouor sicht S.
Franciscus werde se vor Conuents broderen erkennen vnd me-
de dorch lopen laten.

Warlick is den Monnieken/de kappe so suhr angekommen/
vnd mith solecker hillicheit begaueet/nimpts mi nen wunder dat
diffe Inquisitoren, na Spannischer wyse/ oer so stitich geden-
cken/vnd mith korten worden dat ganze Closter leuendt besied-
gen/vnangesehn dat vele Scribenten im Pausdohm dar we-
der gescholden vnd gesacht hebben/dat de Monnieke/so ledich-
genger vnd Alnussen freter sint/dat Hemmelrike nicht besicte
werden. Is dat so/wat solen dan desse Inquisitores anders/dā
dat alle Closter Lude im stande der vordomenise bliuene Jesu-
iter Monnieke synde allen anderen tho klöck/dragen nene Kap-
pen/laten sich nicht in de Clostere bezingelen/bliuene vñ ru-
me:wowol se Closterevnd Clostergüder nicht vorsmaden/Godt

geue wor de anderen Mönniken vnd Suster bliuen.

Doch ick möchte wol van dessen Heren erfahren/wo veyl vnder
schesdes tüsschen Papen vnd Mönniken sy/ sintemale se alle vp
einen grunde gestiftet/erem Convent vnd Colegien/vnd de
me Römischen Natten Rünige mit Eden vorplichtet/sint em
oek trüwe vnd gehorsam (vthgenamen de Godt erredet) berh
int Begesühr hentho: So sint oek de Dohmheren vp der Mön
niken Regulen, de man Canonicos Regulares nomet/gestiff
tet/vnd dragen des Winters Rappen/vnd des Sommers Bes
sen/so wol als jene Mönniken. Nu isset den Dohmheren fry/vth
erem Ede tho treden / Rappen vnd Bessen afftho leggen / Kri
geslüde vnd Ehelick tho werden/ane vorletringe erer Ehre vnd
gewetens: Worümme isset den bedrengeden Closterlüden oek
nicht fry/dewyle in Päwsticken rechten der Mönniken profesio
vor kein recht Eede gehalten wert / vnd vthorsaken daruan Ab
solueret werden? Dik wovele vorlovene Mönniken sint im
Stiffte Mönster Pastorn edder Kerkendener? Jha / segge gy/
de bliuen Catholisch. Ergo so maket de Rappe nicht Catholisch?
Wat grunde hefft dann desse Artikel? Als de dar folget.

De 6. Artikel.

Esse men alle dage syne Tyde lese/als idt sich geböret?

Antwort.

Wor steit dat geschreuen? Eilike willen/Pawst Pelagius 2.
Hebbe de Seuen Tyde ingesetter. Vrbanus 2. hefft vth sinder
liker andacht der Junckfrowen Marien oek Seuen Tyde dach
lichs geschencet. Nu wolden de Catholischen disse Tyde gern
mit der Hilligen Schrifft bemantelen / vp dat se nicht vor ein
Minschen gedichte vthgeschreyet worden / darüm trecken se by
den Haren/als men secht/ einen versch vth dem Psalm herin/de
also ludet: Jek laue dy des dages Söuen mal/vimme der Rech
te willen dynere gerechticheit. Auerst dat will nicht klingen/dann
so de Seuen Tyde vum Propheten vnd Könnick David in ge
settet weren/queme so Vrbanus de Pawst ganz vnschuldig dar

17.

Vnder
scheit tüssche
papen vnd
Mönniken.

Dohmheren
sint Mönniken.

Van den
seuen Tyden
der papen.
A^o. 557
Polyd. 6.
c. 2. o
A^o. 190.

Psal. 119.
164.

E

by.

by. Edder de Kercke hadde in Aendertalffbusent Jahr ere Tyde nicht gehalten/dat wunderbare gedanken maken wolde.

Auerst desse meninghe heffe idt/Dauid holdende de gewönlige arth vnd wyse tho reden / settet einen gewissen Fall vor einen vngewissen/als ock Salomon. De Gerechte velt seuen mal vnd steith wedder vp. Daruth folget nicht/dat ein Gerechter bauen seuen mal nicht sündige vp einen dach : Als ock nicht vth Dauids spröke/ dat he noch müß noch mehr dann seuen mal des Tages/Godt gelauet hebbe. He gedencet ock nenes gebots daruth he seuen Tyde gelesen edder gesungen hebbe / vnd syne nakömelinge ock dohn möten : Sunder redet vth der tükhenisse eines guden gewetens/dat he den allerhögesten dach liek mit danken/lauen vñ anbeden gedenet hebbe: Syne wunderdat verkündiget vnd vthgebreidet/ idermanne tho einem Exempel/&c.

Math. 28

19.

Marc. 16.

15.

Math. 28

20.

1. Tim. 4.

Tit. 1. 2. 3.

Christus heffe den Apostolen neen gebot noch Exempel van seuen Tyden tho singen edder tho murmelen vörgestalt : Sunder van andern hogen vnd wichtigen dingen / Als / Gabe hen vnd leret alle Völeker/Prediget dat Euangelium allen Creaturen/Leret se holden allent wat ick juw beualen hebbe/&c.

Paulus an de Kerckendener schriuende / vormanet se de Schriffe stitich tho studeren/de Schape mit gesunder lehr/groten uer vnd guden leuende tho weiden. Gedencet auer der Söuen/edder achte Tyden nichtes.

Gebeter
Christen.

1. Io. 4. 21.

Psal. 130.

Corinth.

14. 15.

Luc. 18. 1.

1. Thes.

5. 16.

Wat auerst deme Christliken Gebede angeith/ is ane noth sunderleke form / tyde/arth/wyse/stede vnd mit gehülpe den jenen vor tho schriuuen/de im Geiste vnd warheit vth der Düpe des herten mit vnuthspreckliken süchten den Vader vnseres HERRN Jesu Christi anropen/danken/prysen/vnd lauen. Item: De noth vnd angeist des herten : Ock de Beloue/Leue vnd Höpeninge driuen den Godesäligen Menschen mehr als Söuen / Sunder vntellick vehl mal thom Gebede dachtlick/ als geschreuen steith. He sede auer eine Belikenisse/ Dat men alleende Beden vnd nicht möde werden scholde. Item: Weset alleende frölick/be-

det ane vnder lath/weset danckbar in allen dingē/wente dat ih̄ de wille Gades in Christo Jesu an juw. Item weñ du bedest/ schalt du nicht syn als de Nuchelers/de dar gerne stahñ vñ beden in den Scholen/vnd an den orden vp den straten/vp dat se van den liden geschen werden/Warliken ick segge juw/se hebben eren lohn enwege. Weñ du auerst bedest/so gha in dyn kamerken/vñ sluch de dore tho/vnd bede tho dynem Vader im verborgen. Vnd dyn Vader de in dat vorborgen säch/wert ide dy apenbar vorgelde. Vñ weñ gy beden/schöle gy nicht vele klapperē/also dhon de Heyden/wente se menen/se werde erhōret weñ se vele worde make/&c.

So dennoch einer gewisse form des Gebedes/der he sich dachlikes im Gebede gebrücke/begeret/de neme dat vthbündige reyne Bedebock/den Psalter Davids/vnd der anderen hilligen gebede/der in der hilligen Bybelen vele tho vinden sint/vull Geistes/lehre vnd trostes/vnd öue sich wol darinne/so schal he der anderen balde möde werden/insunderheit der vnreinen lästerliken Papisischen Breuieren/Lydeböke/hortulen animæ vnd vntelliker scharteken der Papen/Mönniken vnd armen dummen Dwalkloster süsterken/vull lögen/sabulen/Narrenwercks/Pupperye/Dockenwerckes vnd lasterworde wedder dat allerhilligeste Lydent/Wunden/Dode/Bloth vnd Sacramenten vnnes einigen vnd waren Erlösers/Middelers vnd Salichmakers Jesu Christi/vnd darümme tho myden/&c.

Papisische Bede böte vut aff gödische laster worden.

De 7. Artickel.

Effte men oek eine Concubinen edder Ehesfrowen tho Huff hebbe/wol se thosamen gegeuen hebbe? Wo vele kinder men dar mede hebbe/vnd woher se gebarn sin. Effte men oek mehr als eine Concubinen edder Frowen hebbe?

Antwort.

De Catholischen hebben vele snaps van einen Geistliken/Rüschē/Lüchtigen Junserliken leuende/welcker de allerhilligste Standt sy negest der Presters chop (mit gunsten gesecht) vnd vülle der Papenheime/ hebbe viffstichfoldt frucht mehr als

Der Catholischen eüschett.

de Ehestande. Auerst wat secht S. Petrus? Se holden vor wol-
lust dat tydelike wolleuent. Se sint schande vnd laster / Pralen
van juwen Allmissen / brassen van den juwen / hebben ogen vull
Ehebrekerre / laten sich erer sünde nicht wehren / locken an sich de
lichtferdigen Seelen / hebben ein dörchdreuen Herte mit gyrtich-
heit / vorflöde Lude / vorlaten den rechten wech vnd gahn erre/
vnd folgen den wech Balaam, &c. Dat dich van küschen Pawst-
dohm insunderheit geredet sy / is by den rechten Christen kein
twyuel / vnd ick konde dat mit sehr velen Exempeln der vntucht /
Vnminschliken vnd Sodomitischen lasteren / van Päwesten /
Cardinalen / Bisschöpen / Mönniken / Papen vnd Nunnen / be-
dreuen / lichte vnd wol bewysen: Will ick auerst vp dich mal an-
sthan / vñ by folgenden Antichesi berowen laten / darmit de gan-
ge handel den leffhebben der warheit / klar genoch syn wert.

Van der
Geistliken
Ehe.

1. Timot.

4. 1.

Paschalis

2. Tom.

Concil. 1.

Genes. 1.

Psal. 128.

Greg. 7.

Deut. 20.

6. 24.

Proverb.

18.

1. Cor. 7.

Pelag. 2.

1. De H. Schrifte nömet de Eheuorbeder / Lude / de van gelo-
uen affgetreden sin / vnd anhangen den vorudrischen Geistere
vnd Lehre der Düuelen / de in glyshenerre Lögenreders syn / vnd
brandmale in eren Conscientien hebben. De Antichrist hefft
den Prestern de Ehe verbaden: Vnd wert van Papen vor ei-
nen küschen geistliken Mann gehalten.

2. De Schrifte secht / Gode hebbe de Ehelude gesegent / vnd
den Segen thogesecht. De Römische Antichrist mit synen an-
hange vorbannen de geistlike Ehelude.

3. De Schrifte secht / dat de HERRE junge Ehelude mit sun-
derliken Privilegien besyret hebbe. De Antichrist nimt den
süluen ere fryheit / ehr vnd gude / wann se Ehelich werden / stöten
se henuth / vnd bringen se ymme dat leuent / so se können.

4. De Schrifte secht / Wol ein Ehwylf vinder / de vinder wat
gudes / kan guder dinge syn im HERRN. De Papen seggen /
ick sy böse / vnd man könne neen gude geweten darby beholden.

5. De Schrifte secht / Ein jeder bliue in synem berope / dar en
Gode in beropen hefft. De Antichrist secht / dat de Geistliken
Diafen / edder ere Frowen / edder er ampt verlaten schölen: Vñ
hebb

hebben de Mönike vnd Papen vele Fürsten vnd ryke lüde vth dem Ehestande in de Kappen geprediget/vnd dat getrennet/wat Godt thosamen geföget hadde/vmme eres geldes willen.

6. De Schrifft secht/ide sy beter fryen/ als bernen/ De Antichrist wil vele dusent Menschen an lyff vnd Seelen leuer bernen sehen/ als de Ehe gestaden.

7. De Schrifft secht/ dat Ehebedde sy ehrlick by Iderman. De Antichrist secht/ide sy nicht by den Prestern ehrlick.

8. De Schrifft secht/dat Ehebedde sy reyn/vnd dat eine gelouige Frome dörech kinder telen saltich werde/ so se im gelouen/Leue/hilginge vnd tucht bliue. De Papen holdent vor nene tucht vnd hilginge/ anders wyseden se de swangern frowen nicht vth den geistliken Husern hen wech/ wan se telen schölen. Den dörech reinheit/hilginge vnd tucht kan so nen Huf vnrain werden.

9. De Schrifft nömet de Eheliken Bisschöppe vnd Diaken vnstrafflick. Ide schal auer ein Bisschop vnstrafflick syn/eines Wyues Man/de gehorsame kinder hebbe mit aller Erbarheit. De Papen setten ere Bisschöppe/Churfürsten vnd van Godt geuene ordenilike Quericheit vth eren stande/vmme der Ehwillen/ vnd setten andere wedder in de stede/richten tumult/vp-rohr/bloetade vnd allerley vngelücke an/setten landt vnd lüde in de vterste gefahr/leten vele leuer dat Vaderlandt vnd de ganze werlet sincken vnd vorderuen/als Ehelike Bisschöppe düliden.

10. De schrifft secht/dat de Prester/ Propheten vnd ock de Nazareer/de thom sunderliken wandel Gades gehilliget weren/ere Ehefrowen vnuorletet eres standes/ehrn vnd gewetens gehadt hebben. De Antichrist hefft den Presteren dat gelöfste van der küscheit vpgelacht/ vnd wan se na der Wyinge gefallen hadden/mösten se nene Wisse mehr dhon.

11. De Apostel secht/hebben nicht ock wy macht ein Schwester edder gelouige frowen thom Wyue vmmehar tho vören/als de andere Apostel vnd des H E R E N Bröder/vnd Cephase. De Antichrist hefft den Prestern de macht genamen.

2 f.

1. Cor. 7.

Hebr. 13.

Heb. 13.

1. Timot.

2. 15.

1. Timot.

3. 2.

Tit. 1. 6.

Symma-
chus.

Veilia-
nus.

Leuit. 20.

Ezech 44

Osee. 1

Judic. 14.

Volater.

de Mar-
tino.

1. Cor. 9. 5

Luc. 1.

Iohan. 2.

Isidor.

Tom. ex

Concl.

Neo casar

Synodo.

Luc. 1. 2.

Iohan. 1.

1. Cor. 6.

Heb. 13.

Ephes. 5.

Ezech. 16.

Syrinus.

Grat.

Dist. 82.

Distinct.

32.

C. Nullus.

Von Pres
sler tleben.

12. De Schrifft secht/dat de Engel in der Ehestiftunge gewes
sen syn. Item Christus mit syner Moder vnd Apostolen vp der
Hochtydt. De Antichrist vorbüch den synen vp de Hochtydt
tho gahn.

13. De Schrifft secht/Joannes de Döper sy vth einem Prester
likem Ehebedde gebarn/vnd nicht tho weiniger darümmen mehr
als ein Propheete. Ja de hilligeste vth Moderlyue gebarn. Im
Antichristendom hedde he in kein Wulner/Schoner edder der
geliken ampt kamen können.

14. De schrifft secht/Gode werth de Horerer/Ehebreker vnd
Sodamittische bouen ordelen vnd richten. De Papen seggen/
jdt sy beter teyn edder mehr Concubinen vnd horen hebben/
dann eine Ehefrouwe.

15. De schrifft vorgelicket den hilligen Ehestande mit deme
hogen Geheimnisse des Söns Gades vnd der Kercken syner
Brut. De Antichrist nömet densäluen ein werck des fle
sches/vnd etlike van den synen hebben laueböke van der So
domittischen affgeseelten vntuchē /de by den Catholischen sehr
gemein is/geschreuen/vnd ein Gödelick werck genömet. So
vehr weren de van Sadoma vñ Gomorra noch ne geraden/etc.

16. Ich wil jsunde swigen/wo im Ersten vnd Berden Con
cilio Tolerano/Item im Drüdden Carthaginenli / Item
in Anticyrano den Geisliken de Ehe fry nach Gades wort
thogelaten/dargegen auer Concubinen edder horen tho heb
ben/vorbaden sy. Item dat Paus Nicolaus nicht alleine de
Papen de Concubinen hebben/sunder ock alle de ere Wisse hö
ren/in den Bann gedahn hefft etc.

De s. Artickel.

Diffe men ock presterlike kleder drage/vnd eine bescharen
platten hebbe.

Antwort.

Eine demödige/bequeme vnd Landes gewönlige kleding/
kan einem Pastor/so weinich als andern ouel anschan. Auers

sat

234
settinge daruan maken / is nicht in etliker lüde macht / ock nicht
tho der Religion / sunder thor Politie gehörich. Wert darü-
me nicht gelauet / etliker lichtsferdiger Kerckendener kleidunge /
darinne se landsknechten geliker syn / dann Geistliken personen.
Men mach händen mit vorwunderen ansehen / wo vaken / ock ve-
le vnder den groten Geistliken / ere Kleidermuster voranderen /
vnd thohacket / gepludert / krus vnd struß herin treden / als Nym-
rots Jäger nemals gedahn hebben. De bedarueden wol eine
gude Inquisition / wann by etliken de Kramere / Wantsnyder /
Goldsmede vnd andere Ampflüde nicht am meisten dartho be-
söget weren / &c.

Wat hefft dann de Platte vor grunde? Thom ersten / By
den Egyptischen Heydenschen prestern / de sich ock scheeren leten.
Thom andern / by den Babylonischen affzödischen Papen / dan
so secht Baruch van densüluen / De Prester sitten in eren Tem-
pelen mit witten Thorröcken / scheeren den Barth aff / vnd dragen
platten / sitten dar mit bloten Köppen / hülen vnd schreyen dar
vor eren Götzen / &c. Thom drüdden / hefft Pawst Vitellianus
dat Plattenscheren van genanten Heyden vp syne Papen ge-
brachte. Sint gekrönete Höwsprincken / &c.

Auerst ic / leuen Inquisiters / holdes daruör / dat neen rede-
lick Mann jennitger gewalt auer syne hare edder platten juw ge-
stendich sy / daruan ock neen Tyranne ane Gades willen ein här-
lin affnemen kan. Mögen derwegen Gecke scheeren / (Dat ich nicht
wat anders segge) vnd Narren maken / so lange juw lüstet.

De 9. Artickel.

Esse men ock de H. Bybel hebbe / als ost vnd nye Testament /
vnd wat vor eine auersettinge.

Antwort:

Desse frage is in sich nicht thostraffen. Wehr auer wol
herlick tho wünschen / de Pastorn vnd kerckendener wurden dar-
hen bewagen / dat se ock nha Bybelscher schriftt eindrechtich lere-

den /

Van der
Papen bes-
scheren plat-
ten.
Baruch 6
30.

Apocal.
9. 7.

Welcke
Bybelen de
besten sin.

den / vnd alle dinc mit Ceremonien / edder Sacramenten in
den Kercken anrichteden. Wo vehr auerst dat noch van Hush
is / werden de nhsafolgende Artickel wol vshwysen. Nicht vme
süß wert na der Bybelen auersettinge gefraget / dewyle der skunds
in Latyn vnd Dädisch veshl syn / vnd nicht im geliken pryse / vnd
den Catholischer vnder allen de Olde / de beste is / vmmе еtlіcke
darinne vorhanden vnrichticheit / darmit se еtlіcke еrer еrdōme
vormenen tho bemāntelen vnd allen Pastoren inthobilden als
were se allen anderen auersettingen vortho tēhen / vnderm schyn
ne des Hilligen Hieronymi / de se nicht gemaket / sunder vnder
velen domals valschen vnd vordechtigen auersettingen vor de
willesten geholden / als darinne de Lehr van der Hochhilligen
Dresoldicheit / de tho densūluen tyden van Keteren angefochten
wart / vnuorselschet gebleuen / thom dele approberet heffe. Y
skunds heffe men in Latin vnd Dädisch (daruor Godt hoch tho
danken is) vele auersettinge / de men alle wol gebruken kan.
Effe schone by еtlіcken etwas mangels (gar genowe angesehen)
gespūret wert / So is dennoch deme Gelouen / vnd syne m fun
dament dar nіchts in affgebraken. Vnder den Dädischen By
belen sin de Zürichsche vnd Lutheri de allerbesten. Heffe einer
lust der hilligen Schrifte in geswinden Ciceronianischen Lat
tin tho lesen / de heffe Castalionem, doch darby moth vorsich
ticheit syn. Wat mangelt den Heren an der allerschōnesten a
uersettingen Tremelii vnd Iunii? Kōne gy de mit fogen tade
len? Is se vnrecht so bewyset dat / Is se recht / so vormanet de
Pastoren / desūluen tho kōpen. Is se juw auerst vmmе de Stede
willen vordechtich / worūmmе brufe gy dann nicht der Catho
lischen Pagnini vnd Vatabili Version, welcke sehr gude / wo
wol vnderwilen wat obscur sin? Edder ide sollē insunderheit de
Heren Examinatores ordinandorum, vnd vōrnehmste Pas
tores, de stedes dat grote wordt auer de Ketter vōren / De H.
Schrifte in еrer hilligen Modersprake lesen vnd vorstahn kōn
nen / darmit se den einfoldigen Landpastoren / dar ide nōdich /

ex ipsis Fontibus, den sinn vnd willen Gades vörleggen/alle
dubia vphueuen vnd wech nemen möchten.

25.

De 10. Artickel.

1. Effe men in eigener person vpd de Sondage vnd Feste/de E-
uangelien vnd Epistolen deme volcke vnd beualen Schäpken
vthlegge/vnd wat vor eine Postillen men dartho gebroke?

Antwort?

Vorher is gesacht/vnd wol bekant/dat vele Pastoren stum-
me hunde syn/der Schape/wullen vnd melck geneten/vnd doch
desäluen nicht weiden/dar gewis einmal de Hagel na slan wert.

Esai. 56.

10.

Ezech.

34. 3.

Van Pos-
tillen.

De frage van den Postillen/wer wol nödich/wann se recht
gemeneet were. Dann der Postillen is sunds vele/vorscheiden
vnd vngelik/vnd etlike vnrowige köppe bruken dessen vordel/dat
se in den Postillen / (de vngelerde Pastoren nicht wol entraden
können/vnd erer kein vnderseheit weten) eren zändtischen wahn
mede inslicken/vnd also vorisetten vnd vthbreden. Wat wolden
de Herrn dann vor Postillen hebben? ane twyuel Catholische/ol-
de vnd nye: van den olden Rosarium, Thesaurum, Pomeris-
rium, Grietsch, Bige salutis, Dormi securè, vnd exempla
Discipuli vram Begeführ. Recht. Welcker auerst vram nyen?
Wat holde gy van Fero, V Vicelio: Nicht vele/dann se straf-
fen de geistliken/vnd sint vns ock süß vordechtlich. Gy möden
dennoch nye Postillen hebben/wat düncket iw dann by Broder
Hans Nasen Postillen vth Beyeren? D recht geraden. De
Beyer / de Beyer / de Beyer / als gudi Spanisch vnd van der
Inquisition is vnse rechte Man.

De 11. Artickel.

Effe men lere vnd bekenne den Gelouen vnd de Religion/
welchern de hillige/Catholische/Rechtgelouinge / Apostolische/
Römische Kercke bekant.

Antwort?

Vorßlöset sy iderman / de dat nicht doht will. Auerst de
frame leser harre ein weintch.

D

De

De 12. Artickel.

Esst men ock de warheit des Catholischen Gelouens van
 aller Ketter bedroch wete tho vnterscheiden/ vnd wo? Vnd dat
 men int gemein darup antworte.

Antwort?

Wol dat nicht wech/ de is blindt vnd ein blindenleider.

De 13. Artickel.

Esst man ock vorscha/ wat warhafflich vnd egentlik Ca-
 tholisch sy?

Antwort? Ja.

Catholicon is ein Griechisch wort/ vnd heet allgemein.
 Im elfften artikkel wert de Römische Kercke beschreuen/ dat se
 hillich/ allgemein/ rechtgeldutch vnd Apostolisch. De rechte
 Christenheit kan de Römische Kercke genant werden/ daromme
 dat Christus vnder der Römischen Monarchia/ welck de leste
 is/ gebaren na der Propheten wyssaginge vnd bech anth ende si-
 ae Kercken darunder erholden wert. Catholisch is se daromme
 dat vp den ganzen Erdbodem ere kinder de Christen/ vorstrou-
 wet vnd an keine stede gebuaden sint. Darum/ wat hillich/ alge-
 mein vnd Apostolisch is/ dat wert ock billik Catholisch genant.
 Der rechten Römischen Catholischen/ allgemeinen Kercken
 kenteecken/ summarische Lehr vnd Confessio/ is de allerschönste
 vnd nödigeste Epistel/ de Paulus an de Römer geschreuen/ vnd
 van der ganze Christenheit vor eine Glouens regula vnd erklä-
 ringe der Propheten schrifte angenamen vnd bekant wert/ de-
 wyle darjegen de Papistische Römische Kercke/ in der Dadt vnd
 warheit den grunt gedachter Epistolen vimmessode vnd vorlö-
 chet/ kan se nicht hillich/ noch Apostolisch sin/ sunder is eine
 particular secterische Kercke/ dat geistlike Babylon/ eine Syna-
 goge des Satans/ ein nest vnd sibel des Antichristi vnd aller
 vnreinen Geister hull lögen/ affgöderye/ mordes/ bedrochs vnd
 falschheit/ druncken vam blode der Marteler Jesu/ der de pütte
 des affrundes bereit is/ etc.

De alt.
 Römische
 Kircke.

Luc. 2. 1

Dan. 2.

45.

Catho-
 lich.

Malach.

1. 11.

Apostol.
 lich.

17y. röm.
 sche Kercke.

Apo. 16. 1.

Apoc. 2. 9.

13.

Apoc. 16.

13. 14.

Apoc. 17.

5. 6.

Apoc. 19.

20.

Esse man oec geloude/dat de warheit des Catholischen Gelo-
uens/sampt vnderwysinge van tucht vnd Christliken wandel/
nicht allene im geschreuenen worde Gades / als im olden vnd
nyen Testament/sunder oec in Sattingen der Catholischen Ker-
cken/als im vngeschreuenen worde Gades ingeuatet vnd begre-
pen sy :

Antwort :

An dessen artickel lech sieck de Cumanische Löwe mit den oh-
ren/vnd dat Beest mit synem egentliken gelude edder stemme
recht mercken. Vnd dick is de inholdt.

Apoca.
13. 5. 9.

1. Dat de H. Götlike Schrift allein nicht genoch sy/den ge-
louen vnd wandel darup tho gründen.

2. Dat der Römischen Papisischen Kercken Sattingen ein
grunde des Gelouens vñ leuendes syn/als ein vngeschreuen wort
Gades. Warmit kan men dat bewysen?

Thom ersten/Phocas de Keisermörder vñ vnflath aller vn-
fläder des Erdbodens/hefft Bonifaciū 3. vñ syne nasolger thom
Heren aller Bisschöppe/vnd Roma thom höuede der ganken
Christenheit gemaket. Dat is auerst nicht römens wert. De an-
der grunde is dat Concilium tho Trent/dariñe hiruan also be-
slaten is / dat de Sattinge der Römischen Kercken mit deme
worde Gades in geliker werde sin tho holdē. De drüdde grunde/
sin de tūchenisse so veler Catolischen Scribentē/insunderheit de
by vnser tyden geleuet/vnd de Papisische Römische Kercken mit
dem högesten flyte hebben bawen helpen. Darmit icck nicht den
Leser mit velen dersüluen tūchenissen beswere / so will icck allene
vñ den Lindano men twe invören.

Decret. 1.
Sess. 4.

Traditiones non scriptas firmum, certissimum & in-
dubitatum fidei nostri esse fundamentum.

Lindan.
l. 1. c. 4.

Et ipsius Sacrae scripturae auctoritatem non constare,
sed euanescere penitus & in vanissimos fumos solui, si

Idem l. 1.
c. 4. & 5.

demq̄ scripturæ futilem & friuolam esse, nisi eam traditio
in fundamentum stabiliat.

Dat is/

Der Pa
pisten
Godestafte
re van wor
de Gades in
hilliger
Schriffte.

De vngeschreueue Sattinge sin ein vast/gewiß vnd vngewiß
twiuel fundament edder grund vnsers Gelouens. Item: Der
H. Schriffte ansehen vnd werdicheit könne nicht bestahn/sunder
vorfwinde ganz / vnd werde thom idelen danpe/ Ja de geloue
der Schriffte sy ein slicht/vnnützte lichtferdich dinck/wo se nicht
de Sattingen thom fundament vnderholden.

Vn diffem allen gederecke isundes de godtfrächteige Leser/
mit wath ernste disse Inquisitores im negenden Artickel na der
H. Bybel gefraget hebben. Item wo vnvorstendich edder tüc
kisch se im Elfften Artickel de Pawstlike kercken/Apostolisch ge
nant hebben/so se doch hyr van Apostolischen grunde affre
den vnd vp ere egen dröme/gedichte vnd fabulen buwen. Lath
doch hören wat Godt de Here hiruan säluest redet.

Dat de H. Schriffte nicht mangelhafft/sunder allene vnd
vullenkamen sy eine Regel vnd grunde des Gelouens vnd
leuendes.

Psal 19. 8.
Rom. 1. 16.

De tüchemisse des Hern is gewiß / vnd maket de alueren
wiß/is richtich/lutter vnd erlichtet de ogen. Dat Euangeli
um is eine krafft Godts/de dar Salich maket de daran gelouē.

2. Timot.
3. 14.

Du auer blyff in deme/dat du geleret heffst/ vnd dy thoge
erüwet is. Na demmale du weist/van weme du geleret hebbest/
vnd dewille dat du van kindt vp de hillige Schriffte weist/ kan
dy desäluue vnderwissen thor Salichheit durch den Gelouen an
Christum Ihesum/wente alle Schriffte van Gade ingegeuen/
is nützte thor Lere/thor Straffe/thor Veteringe/thor Tüchtin
ge in der gerechtichheit / dat ein Menschē Gades sy vullkamen/
tho allen guden wercke geschicket. Desse vnd dergeliken vntel
lick vele spröke mehr/tügen dat de H. Schriffte sy eine krafft Ga
des / make den Menschen gewiß / vullenkamen vnd salich.
Darjegen seggen de Antichristianer / de Schriffte sy duncker/
vngewiß

vngeuif/vnuullenkamen vnd ein Ketterbock. Heth dat nicht der bekanten warheit wedderfteuen? Vnd in den H. Geift fündigen/den fe der lögen straffen?

Myn wort vnd myne predige was nicht in vernüfftigen reden/Menschlicher wyfheit/sunder in bewyfsinge des Geifts vnd der krafft/vp dat iuwe Geloue beftia/nicht vp Minschen wyfheit/sunder vp Gades krafft/ etc.

Sehet tho dat iw nemande beroue durch de Philosophia vnd lose veruödringe na der minschenlere/vnd na der Welt settinge/vnd nicht na Christo. Item:

IoT sine Minschengebode vnd lere / welekere hebben einen schyn der wyfheit / dörch säluest erwelede geiftlicheit vnd demodt.

Gy Hächelers/Esaias hefft wol van iw gewyffaget vnd gesproken/Dich volck nalet sich tho my mit synem munde/vnd eheret my mit synen lippen/aerst er Herte is verne van my. Auerst vorgeuens denen se my / dewyle dat se leren solcke lere/deniche anders dan minschen gebode sine. Item:

Alle planten de myn Hemelische Vader nicht plantet / de werden vigeradet / latet se varen / se sine blinde vnd blindenleiders. Wan auerst ein blinde den andern leidet / so vallen se beide in de kulen.

Paulus secht / dat Minschen gebode van der warheit affwenden. De Minschen weten nicht wo vaeken se feylen. Bauen dich alle is de Antichrist ein dull Herde vnd Göke.

Solde dan ein Christ van der reinen / gesunden lere Gödtlikes wordes wiken / vnd den verflöckten Römischen fantasten vnd eren lögen vnd Fabulen anhangen? Steit nicht geschreuen / Duerst so ock Wy / edder ein Engel vaim Hemel / iw würde ein ander Euangelium predigen / dan dat wy iw geprediget hebben / de sy verflöket? Item:

Wol van Godt is / de höret Gades wort. Darumme höre gy nicht / wente gy sine nicht van Gade.

2 98

Wat men
scheitete lehr
re vnd
tattung sin.
1. Cor. 2. 4
Colof. 2. 8.

Colof. 2.
212.

Matth.
15. 3.

Matth.
15. 13.

Tit. 1. 14.

Pfal. 19.

19.

Zach. 11.

15. 17.

Hier. 2. 13

Gal. 1. 9.

Ioa. 8. 47.

Der olden
Römischen
Kercken sen-
tentie van
der hilligen
Schriffte.

Apocal.

2. 4. 14.

18.

Apocal.

22. 18.

Ephes. 4.

14.

So jemand myn wort wert holden/de wert den dodt nicht seken ewecklick.

Sol nicht ein volck synem Gade fragen? Edder solde me de doden vor de leuendigen fragen? Ja na deme Gesette vnd tuchemisse/werden se dat nicht seggen/so werden se de morgenrode nicht hebben. Euen dith salue is ock im drüdden / werden vnd böfften Concilio Carthaginenli beslaten / dat buten der Schriffte in der Christenheit vnder den namen Godelickes wordes nichts schöle gelesen werden. Item Pawst Zozimus heffe saluesi geleret / dat de Apostolische Kercke etwas wedder Gades wordt thosetten / nene macht hebbe. Dann alle particular Kercken können erren / vnd werden gestraffet / wat kan men dan van der Papisischen Kercken sagen / de in der warheit vor nene rechte Kercke Christi / wo se isundes is / kan geholden werden? Welcker vñe desser Luciferischen homödicheit wille / ein schrecklick ordel van Gade geuellet is / dat he se plagen werde / vñ eren deel aff dohn / van den boke des Leuendes / vnd van der hilligen Stadt / dat se mit aff vnd thodohn dat wordt Gades voruelsen vnd schendet. Darümme schöle wy nicht mehr kinder sin / vnd vns bewegen vnd wegen laten / van allerley winde der Lere / dörch schalckheit der Menschen / vnd tüscherie dar se vns mede beslikten tho voruörende.

De 15. Artickel.

Dewyle de H. Schriffte van den einen süs / van den andern so / na eines iuliken meningge werde vthgelacht / dat idt na den gemenen sprickwordt leider war sy / so manch minsche / so manich sinn. Welcken vorstandt der H. Schriffte men dann vorrecht holde? Vnd efft idt nicht allene de sy / den de Catholische / Apostolische / Römische Kercke alle tydt geholden heffe vnd noch holde?

Antwort:

Idt sieich den Inquisitorn tho bewysen / dat de Römische Papisische Kercke Apostolisch sy / vnd alle tydt einerley Schriffte

Van ei-
nigkeit der
Römischen
kercken.

meitze

metige vchlegginge/ vorstande vnd ddinge der H. Schrift ge-
 hatt vnd beholden hebbe. Auerst dat kan in ewicheit nicht ge-
 sehen. Dann so man de sake by dem lichte besüth/ treffe dat
 Sprickwort/so mannich höuet/so mannich sinn/ nene Secten
 mehr an/als de Römische geistlose Synagogen / darinne eine
 lange tydt gedisputiret is/ offte de Pawest mehr sy als ein Conci-
 lium : Edder offte dat Concilium auer den Pawste sy/darauer
 vp beiden syden wol vele gesacht vnd besloten is / sinds auer ne
 eins geworden. Thom andern/de Concilia sinds ock vneins/
 vnd verdömet eins dat ander. Thom drüdden/hefft idt mit den
 Pawesten desse gestalt gehat / Tho einer tydt is de Pawest ein
 Eutychnisch ketter gewesen. Vp eine ander tydt ein Swart-
 künstener vnd düuensch Louener. Vnderwplen sint twe edder
 dre Paweste thogelike geweest/dar de eine de andern int affgrunt
 der Helle verdömede. Vp eine ander tydt / steith de Römische
 Kereke ein tydelanck ane höuet/dat is/ane Pawest. Dañ kumpt
 ein Pawest de den vörigen vth der Erden leth wedder vpprauen/
 de fleyder vthtehen/de vinger affhowen vnd in den Flöte Tyber
 werpen/vordömet ock alle sine acta vnd settinge. Walde dar-
 na kumpt ein ander / de verwerpet dessen/vnd rechtsferdiget den
 vörigen wedderüme. Können gy Catolische Heren hir ein wort
 in tadelen? Isset nicht vaken also gescheen? Wat schal ick seggen
 van so velen vorscheiden Secten/ Orden/ Stiffen / Mönniken-
 ryen/ de vnder siec süluen vneins sin/vthbescheden Jesum Chri-
 stum syn wort vnd kercken tho vorfolgen? Ick swige der Jesui-
 ter bouen/de den andern Mönniken vpsettich sin/vnd wedder-
 ümme van densüluen gehatet werden : de nu ock döorch euliker
 Ghyffener list tho Mönster beginnen in tho nestelen / vnd dat
 Bröderkloster gerne in besitt hadden. Vnd körtlick/wat is in
 den groten pluderwerck iuwes Decrets anders / als idale con-
 tradictoria edder wedderwerdich dinc? Nu segget her gy Inquis-
 sitoren/welckes Confilii, welckes Pawsts/ welker Secten sen-
 centie, meininge/düdinge/ordel vnd consent de beste sy/vnd na

Vnainich
 eit der Con-
 cillen.
 Vnainich
 eit der Pa-
 weste.

Vnainich
 eit der Mön-
 nite Sec-
 ten.

Wdder
 ward eit
 des Decrets

tho

tho volgen? Wodanigen einigen vorstande vnd ddinge hebbe
 gy alle tyde beholden? D gy Bylle vorköper / wo lange wille
 gy dieß Gökelspel mit den armen menschen driuen/etc?

De 16. Artickel.

Esse men oek gelöue / dat idt der kercken alleine / vnd nenen
 besunders menschen geböre / vam rechten vorstande vnd vthleg-
 ginge der H. Schrift tho ordelen / vnd so wat twiuelhaffts in
 gelouens vnd Religions saken vöruele / tho slichten.

Antwort:

De frage is. 1. Vol ordelen schöle vam vorstande vnd auer
 de vthlegginge der H. Schrift. 2. Item by wenne de macht
 sta / twistige lehr in Gelouens saken tho schlichten / vnd by tho
 leggen. Vp alle beyde werth geantwordet / dat idt nicht ey-
 nem jlichen besunderen Menschen geböre / vnd darümme der
 Papischen Römischen Kercken werck allene sy.

Schrift
 recht tho
 vorsahn vñ
 vththetogge
 is nicht au
 eine gewisse
 stede noch
 personen ge-
 bunden.
 Psal. 80.
 & 87.
 Hag. 2.
 Joa. 1. 45.

Dat ist eine falsche Conclusio. Wösten de Heren Inquisi-
 toren erst bewisen / wañ wy en gelöuen scholden / dat tho Rome
 allene ein licht berne / daran jderman sin kerffen ansticken möte.
 Jerusalem hadde dusentmal mehr thosage van Gades jegen-
 wart / gnade / lichte / vorstande vnd erkentnisse sines willen / dann
 Rome / sintemale nergen geschreuen steith / dat de Here sich an
 Jerusalem : Vad nicht tho weniger werden de armen Bis-
 scher am Galileischen Meere / mit den rechten vorstande der
 Prophetischen Schrifte begaue / als Philippus tho Nathaniel
 sprickt / Wp hebben den geunden / van welckeren Moses im Ge-
 sette vnd de Propheten geschreuen hebben. Vnd darjegen de or-
 dentlike Schriftegelerde / Phariseer / Presier vnd Leuiten tho
 Jerusalem im Dome lesen de H. Schrift dachlick / leden se vp
 ere wyse deme volcke vth / repen vele vam Messia / auerst se kenden
 ene saluen nicht / vnd stöten en thom Wynberge hemuth / vnd dö-
 deden en / menende / Gode were an ere stede / personen / Kleidinge /

Tempel vnd vñwendigen Gadesdenste ganz gebunden / spre-
den den gemenen Manne mit erem vñwendigen valschen schyn-
ne vnd prachte / ogen vnd mulen vp / schryeden lude / vnd spre-
ken / Gelouet dar ock wor ein Auerste edder ein Pharissee an ene
sunder dat volck / dat vam Gesette nictes weeth / is verstoffet /
Item: vñ Galilea steith neen Propheete vp. Item: Christus
fraget de Pharissee / worümme David Messiam synen Söne
ock synen Heren nōme? Vnde se wustens nicht. Petrus auerst / de
Bisscher vorstundt idt wol / vnd sprack / Du bist Christus des le-
uendigen Gades Söne / wol hadde em dat geleret? Nicht fleisch
vnd blot / sunder de Vader de im Hemel is. Dar hefft sich de
gröfeste hupe des gemenen Manns geergert an der Apostolen
einfoldt / vnd Christi arme gestalt / vnd darümme by dem Dohm-
stifte vnd Tempelheren tho Jerusalem gebleuen / by welchen /
als ordenliken personen / dat Gesette / Tempel vnd Gades-
denst was. Christus spreckt auermal: Ick pryse dy Vader
vnd Here Hemmels vnd der Erde / dat du solekes den wysen
vnd vorstendigen vorborgen hefft / vnd hefft idt den vnmündi-
gen apenbaret / Ja Vader / wente idt is so wolgefellig gewest
vor dy / Alle dinc sint my auergeuen van mynem Vader /
Vnd nemandt kennet den Söne / deñ allene de Vader / vnd ne-
mandt kende den Vader / dan allene de Söne / vnd weme idt de
Söne will apenbaren. Wo leret dann de Vader vam Söne /
vnd wedderümme de Söne vam Vader? Dat geschüth ordent-
liker wyse also: Thom ersten / mit der antropinge Gades / vñ
leue thor warheit stuttich lesen / studeren vnd naforsehen. Thom
anderen / vñ dem gehöre der apenen predigen Gōdliken wōr-
des / darümme alles mit tüchemissen Byblicher Schrifft schal
bewisset / vnd twielfry gemaket werden. Als de Apostel secht /
So semandt redet / de rede als Gades wordt. Wann ick nu et-
nem höre reden als Gades wordt / dem höre vnd volge ick he sy
seye edder geleret / aewyct edder vngewyct. Des nīm ein Exem-
pel / Dat ganze Concilium Nicenum hadde vñhanden de

Joan. 7.
48. 52.
Matth.
22. 44.
Psa. 110.
Matth.
16. 16.
Ibidem
vers. 17.

Matth.
11. 25.
Vorstand
der Schrifft
warher vnd
weme de ge-
neuen werde

1. Pet. 4. 11

Socrat. l. 1
c. 11.
Zozimen
l. 1. c. 23.

Hebr. 13.

1. Cor. 2.
10.

geistliken Personen van eren echten frowen tho scheiden/ vnd in den Celibat tho dringen vnder einem schynne groter hilligen küsheit. Dat stöck Paphnutius alle vomme mit einem sprocke vth der Epistel an de Hebreer/ vnd secht / Schielick leuen sy eine rechte küsheit/ vnd men schall den Christen sölike börden nenerley wyß vpleggen. Vnd dat ganze Concilium hefft der meningē des ses enigen Manns ruhm gegeben / dewyle he redede als Gades wordt. Thom drüdden / döorch de werckinge vnd inwendige erlächtinge des hilligen Geists/ als geschreuen steith/ vns hefft idt Gode geapenbareet döorch synen Geist / wente de Geist voruorschet alle dinc/ ock de düpe der Gottheit. Wente welcher Wirsche weth/ wat in minschen is / ane allene de Geist des minschen de in em is? Also weth ock nemande wat in Gode is/ ane alleine de Geist Gades/ By auer hebben nicht entfangen den geist der Werlde / sunder den Geist vth Gade/ dat wy weten können / wat vns van Gade gegeben is / welches wy ock reden/ nicht mit worden/ de menschliken wyßheit leren kan. By disser Apostolischen lehr vnd predige/ wert ock de H. Geist gegeben den de se mit ernste vnd hunger na der warheit anhören/ Galat. 3. 2. Actor. 10. 44. Esat. 59. 21.

1. Cor. 14.
32.

Auerst darmit/ sechstu/ bin ic noch nicht gesediget/ begere derhaluen tho weten/ woruth ic weten könne/ dat idt van hilligen Geiste sy edder nicht? Ich frage dy wedderümme/ Gelouestu ock wat de Enehußasten / Schwencckfelt vnd ander Jantasten vth hogen geistliken gesichten / ingeuen vnd apenbaringen sück römen vnd heruör bringen? Neen. Recht. Auerst worümme. Dewyle desäluen nicht min noch mehr tückenisse van Gade hebben/ als de Römische Papien? Dar mostu dy / so du anders nicht wilt ewich voruöret werden / mit der hilligen Schrifft bewapent weten/ vnd mit Paulo seggen/ De Geist der Propheten schal den Prophetē vnderworpen syn/ dat is/ den worde der Propheten vnd der Kercken/ de de geister by deme worde Gades allene prouet. De Propheten/ secht he wyder/ reden/ twe

edder dre/vnd de andern latet richten. Dar steith nicht/ De Römische Baal schal Richter syn. Den rechten proueststein/ darby man weten kan/ efft de nye apenbaringe edder vthlegginge der Schriftt recht sy / wyset de Apostel dar he vp einem andern orde secht: Hesse jemandt Wyssaginge/ so schal se dem gelouen gelick sin/ so moth se ock mit dem vthdrücklikē worde Gades gelick instemmen / darup de geloue allene gegründet is. Hebben denn de Römischen Baalspapen dessen prouestten allene? Dat sy verne.

Rom. 12. 6

Hirby is tho mercken / Wann men van vthlegginge der Schriftt rede dat isde dann nicht de meningē sy/ als möte ein ider Christ alle geheimnisse der Schriftt weten vnd vorstahn/ welches vor sich ock de salicheit nicht bringet / sunder dat men Christum Jesum / de dat fundament aller Propheten vnd Apostolen is/ rechte lere erkennen. Dat is dat ewige leuent/ dat se dy/ dat du allein warer Gott bist/ vnd den du gesandt heffst/ Jesum Christum erkennen.

1. Cor. 13. 2

Joa. 17. 3.

Wann nu dieth fundament gelacht is/ kan ein Christ de hillige Schriftt ane alle gefahr lesen/ vnd so vele daruch vorstahn/ als em den gelouen tho erholden/ dat herte tho trösten/ vnd den wandel vnstrafflick tho vören/ sinen Negesten tho leuen/ van nöden is. So dan darunder em wat vörqueme/ dat synem vorstande tho hoch were / dat darff he nicht erforschen / sunder nemen den Richtschnor des gelouens/ vnd bringene edder an de Tcin gebade/ edder an de Artickel des Gelouens / edder thom Gebede des Vader vnser/ edder vpde lere van hilligen Sacramenten/ so kan em syne dädinge nicht schedelick syn/ offt he schon so genöwe den sinn des wordes nicht getreffet hadde/ vnd vp de wyse kan he ock alle stridepuncte slichten/ vnd sich vor letterye waren/ idt will mit vns armen minschen alletyde wol bliuen / wo Paulus secht : Vnse weten is stückwerck / vnd vnse wyssaginge is stückwerck / wenn auerst kamen were dat vullenkamen / so wert dat stückwerck vphören. Vnd balde / wy sehen nu dörch

Wo ein einfoldich Christen minsch de Schriftt lesen/ vorstahn vnd däden scholte.

1. Cor. 13. 9. 10.

ein Spiegel in einem dunkleren worde / dann auerst van ange-
sichte tho angesichte. Christus leret. Man schöle de Schrifte
erforschen / doch nicht wyder / ock vmmen uenes andern dinges /
denn dat wy dat Ewige leuent darinne binden mögen / dat ge-
schäth / so wy dörch anleidinge der Schrifte tho Christum kamen.

Papistis-
sche Papen
vth der
Schrifte
recht be-
schreuen.

Matth.

23.

Roma. 1.

18.

Gal. 3. 1.

2. Timot.

3. 1. 7.

De wyle auerst gy Papisten der hilligen Schrifte vorstandt
in annaten / vnd dennoch dat Euangelium süluest nicht ganz
noch rechte predigen willen edder können / vnd ock anderen tho
predigen nicht gestaden / so sint gy gewiß den Phariseen gelick /
de den stötel thom Hemelrike hebben / vnd süluen nicht darin
zahn willen / vnd den anderen / de gerne ingahn wolden / nicht
vpsluten sönder vorhinderen: De de warheit in vngerechtigheit
vpholden: vnuorstendich vnd betouert der warheit nicht tho ge-
horcken: Wilschen de van sich süluest vele holden / grotspre-
kers / vngestlich / halstark / vppgeblasen / de mehr leuen den wol-
lust dann Godt / de dar hebben den schyn eines Godtsaligen
wesendes / auerst syne krafft vorsaken / leren jülicheren / vñ nüm-
mer thor erkentnisse der warheit kamen: vnd endliken solche
knechte / de de Here vth erem egen munde wert richten / darüm
dat se er punt begrauen hebben / etc,

Matth.

23. 24. 29.

De 17. Artickel.

Esst men ock alle Böke der H. Schrifte durch vesh / de van
der Kercken vor recht erkant sint / anneme: Insunderheit der
Machabeer Böke im olden / vnd S. Jacobs Epistolen vnd
Apenbaringe Joh. im nyen Testamente.

Antwort:

Der Machabeer Böke / insunderheit dat leste / sint newerte
in Canone geuunden / als Hieronymus tüget / vnd darümme
stedes van der Kercken Christi vnder de Apocrypha gerekent.
Dat auer de Catholischen vor disse Böke so heffrich striden vnd
de Canonizeren / maket dat Vegefähr / Vigilien / Seelmiss-
sen / de se daroß gern bewisen wolden vnd erholden / vmmen der

unterschieden güdere vnd jährliche vplumpste willen de byna / alle
vnter Begeführ gegründet sint. Van S. Jacobs Epistolen
vnd Apenbaringe Johannis / is skund kein stridt. De orsake
worümme se S. Jacobs Epistolen insunderheit gedencken /
meldet sich im folgenden Artikel. Der Apenbaringe hebben
sich de Geistlike Römische Babylonier gar weinich tho erfrou-
wen / als dar se dergestelt inne affgemalet sint / dat alle vsh der
säluen gemeinschop treden möten / de dat ewige leuen dencken tho
erlangen

37.
Papisti-
sche Ecce-
miss: vñ to-
ten grunt ge-
boret.

Apoc. 18.

De 18. Artikel.

Esse men vor recht vnd war holde / de sententie vnd mening
der Kercken / dar se idt mit S. Jacob daruor helt / dat de gelo-
ue ane gude wercke dodt sy / vnd dat de geloue nicht allene rech-
terdich make?

Antwort:

Dat Concilium tho Trent is deses Artikels grunde / dat
also van gelouen vnd gerechtighet redet.

So jemandt secht / dat de Godlose allein dörch den gelouen
rechtferdich werde / de sy verstoffet.

Sess. 6.
can. 6.

De sententie vnd mening der Papisten vnd S. Jacobs
van der Rechtferdinge eines armen Sünders vor Godt / is nicht
einerley / als desse Inquisitorn den vnuorstendigen vñ einfoldi-
gen gern inbilden wolden / sunder vngelick vnd so fern van ander
als de vpganck der Sonnen van Neddergange. Bekene derhal-
uen van grunde des herten / dat S. Jacobs Epistel sy dat vn-
getwuelde worde Gades. Nu moeth ick de Inquisiter wederüme
frage / esse se ock vor recht vñ warhaftich holden / allent wat van
Artikel der Rechtferdinge in Prophetischer vnd Apostolischer
Schriffte gevunden wert? Darup möten se willich edder ane-
eren willen antworten. Ja: Doch vörbeholdlick / dat se desül-
uen Schriffte wo ock alle düden vnd vshleggen mögen na erem
gefallen / vnd dat de sake darby berowe. Dat sint rechte areb.

Frage an
de Papisten

op der Catholischen luten / darna yderman danken moeth / de ere vngnade nicht dragen will.

Auerst wenn ick de sake / mit söleken spröken der H. Schrifte / de sich nicht willen anders dreyen noch düden laten / als de bockstaff ludet / bewysen künde / dat allene de geloue rechtsferdich make / so möste ja billich de warheit recht beholden? Ick mene ja. Willen darümme thom ersten der olden Römischen Kercken gelouen vnd bekennisse anmercken / de also ludet: Nu is ane thodondt des Gesettes / de gerechticheit de vor Gade gelt / apenbaret vnd betüget / dörch dat Gesette vnd de Propheten. Ick segge auerst van soleker gerechticheit vor Godt / de dar kumpt dörch den gelouen an Jesum Christ / tho allen vnd vp alle de dar gelouen. Wente hyr is neen vnderscheide / se sint allthomale Sünders vñ en enbreckt de rhom / den se an Godt hebbē schol den / vnd werden ane verdenst rechtsferdich / vth syner genade / dörch de vorlösingē / de dörch Christum Jesum geschehen is / den Godt hefft vorgesettet tho einem Gnadenstole dörch den gelouen in synem blode / vp dat he de gerechticheit / de vor em gelt / an bede / in deme dat he vorgifft de sünde. Item: Na welcker wyse oek Dauid secht / dat de salicheit sy allene des minschen / welckem Godt tho rekent de gerechticheit / ane thodondt der wercke / dar he spriekt / Salich sint de / den ere vngerechticheit vorgeuen sint / vnd den ere sünde bedecket sint / Salich is de Mann / den Godt nene sünde thorekent / etc. Item: So de van Gesette eruen sint / so is de geloue nichts / vnd de thosage is vthe / na dem male dat Gesette torne anrichtet. Wente wor dat Gesette nicht is / dar is oek nene auertredinge. Derhaluen moeth de gerechticheit dörch den gelouen kamen / vp dat se sy vth genaden / vnd de thosage vaste bliue allem Gade. Item: gelick als dörch enes Minschen vnghorsam vele Sünder worden sint / also oek dörch eines gehorsam werden vele gerechten. Item: Ick segge van der gerechticheit / de vth deme gelouen kumpt / etc. Auermal. Iffet auerst vth genaden / so isset nicht vth vordenste der

Erkenis
se der H.
Schrift van
gerechticheit
des geloues.
Rom. 3.

Psal. 32.

Roma. 4.

Roma. 5.

wercke/süß worde genade nicht genade syn/ Iffet auerst vth vordenste der wercke / so is de gnade nichts/süß were vordensit nicht verdenst.

Item :

39.
Rom. 11.

So sy sw nu kundt gedan / leuen Bröder / dat sw verkündiget wert / vorgeuinge der sünde dörch dessen/vnd van alle den/dörch welckere gy nicht künden /im Gesette Mosi rechtferdich werden. Wol auerst an dessen gelouet/de is rechtferdich. Godt reiniget de herte dörch den gelouen. Item : Jöden vnd Heiden werden dörch den gelouen saltich. Item : Wy weten dat de Menschen dörch de wercke des Gesettes nicht rechtferdich werden/sunder dörch den gelouen an Jesum Christum. Ick werpe nicht wech de gnade Gades / wente/so dörch dat Gesette de gerechtichheit kämpft/so is Christus vorgeuens gestoruen.

Act. 13.
58.

Act. 15.
Galat. 3.

Wth gnaden sint gy saltich geworden dörch den gelouen/vnd dat silue nicht vth sw: Gades gaue isset/nicht vth wercken/vp dat siel nemandt röme.

Ephes. 2.
Inhalt
vnd summa
deser spröke.

In dessen spröken wert vor erst de gerechtichheit beschreuen/dat se sy eine genedige vorgeuinge der sünde. Thom anderen/dat ewerley gerechtichheit sy / Eine/des Gesettes vnd der Wercke/de neen sündich Winsche gehadt hebbe/vnd hebben köne / vnd also vnmögelick / vnd volgende vnnödich. De ander/der gnade vnd des gelouens allene nödich vnd vullenkamen / de vor Gade allene gelde / dörch welckere allene vor vnd na dem Gesette saltich geworden syn/vnd saltich werden alle kinder Gades. Thom drüdden/ datt dat Gesette vnd alle Propheten dissere gerechtichheit des gelouens tüchenisse geuen. Thom werden / werden de orsake desser gerechtichheit ock gesettet / als Gades genade / purlutter / vnd vnuordenet. Vnd Jesus Christus mit syner gerechtichheit/siden vnd dodt. Dat wordt vnd Euangelium sy dat Instrument dardörch se den sünthafften Menschen werde vorgedragen vñ angebaden. De geloue/sy dat Instrument allene/darmit se de Winsche vate/siel thoegene. vnd genete.

Wo kan nu mögelick syn/desse vnd dergeliken spröke der H.

Schrisse

Schriſſe anders dñden/ als er egen vnd Natürliche ſinn vnd vor-
 ſtant mit ſich bringet? Wat kan dñdeliker ſin/ als: Wy werde
 gerecht/ ane wercke/ ane vordeniſt/ ane Geſette: allene vth Gna-
 den/ dorch den Gelouen/ vmmme des eynigen Middelters Jheſu
 Chriſti willen/ de dar iſt de Gnadenſtol? De dat löchenet/ deit
 euen als wenn he ſachte/ Ja were neen: vnd neen were iſa/ Wiſt
 were ſwart/ vnd ſwart were wiſt: ſchne vnd yſ wer warm vnd
 heet: vhr wer kalt / vnd noch vele mehr.

S Jacobs
 tehr van der
 gerechticheit

Eine old
 Diegel.

Emy rley
 gelouen.

Roma. 1.

17.

Habac. 2.

4.

Lucr/ S. Jacobs ſpröke/ ſechſtu/ iſt deñoch oek warhafftiche?
 Dat iſt war / vnd derhaluen den vorgedachten worde Gades
 nicht tho wedderen / vele weniger ſo geſalt/ dat men darmde
 Roſen/ de Pſalmen vnd alle Propheten vnd Apoſtolen wold e
 tho mummelers maken/ vnd vmmgeſteten. Darümme diſt eine
 gewiſſe olde regel iſt / dat nicht vele ſpröke na einem/ ſunder ein
 na velen ſolle verſtanden vnd gedädet werden. So iſt S. Ja-
 cob dñdelick genoch / wo men en vorſtan will. He ſecht van
 twy rley gelouen/ De erſte iſt dode/ vnd kan nicht leuendich ede
 der rechtſerdich maken / iſt eine blote Hiſtorische erkenniſſe der
 dñuelen vnd aller ſyner ſchubben/ als Phariſeer/ Hñcheler vnd
 des ganzen Antichriſts geſwarmes/ de alle vor Gades angeſich-
 te (in deſſen valle) dode ſyn. 2. De ander iſt leuendich/ vnd ma-
 ket leuendich vnd gerecht alle ware Chriſten / als Paulus vth
 den Propheten ſecht: De gerechte ſchal ſines gelouens leuen.
 Nu kan ein dode geloue ſo weinich recht ſyn / als ein ſtinckende
 Abſ ein warhafftich Wñſche/ vnd ein wortelloſ Stabbe ein
 fruchtbare Bohm. Vnd als ein leuendich Wñſche nicht ane
 beweginge ſyn / vnd ein gude Bohm/ nene böſe frucht dragen
 kan / alſo iſſet oek vnmögeliſch / dat ein rechtgelouich Wñſche
 ane beweginge des H. Geiſtes vnd gude wercke ſyn könne. Ge-
 liſch als im Wñſchen vor ſynen wercken eine leuendige ſeele ſyn
 moeth: vnd in einem ideliken Bohme eine gude arth vnd natur/
 er he gude frucht dragen kan: Alſo moeth ein Wñſche erſtliſch ein
 Chriſt/ geiſtliſch / gerecht vnd hillich ſyn/ er he gerechticheit vnd

hillicheit wercken kan. Nu is ock in allen guden fruchtbaeren Bōmē nicht gelike vele fruchte/sūnder de eine drecht mehr/na gelegenheit der thouelligen orsaken/ als de ander: Also ock sint de Christen nicht alle gelick in der mate der gauē vnd guder wercke/ Daürimme secht. S. Jacob wider/dat ein ider Christ dōrch sine wercke schōle rechtuerdich werden/ dat is/syne inwendige gude Arth vnd gelouen mit fruchten der gerechticheit/ so lenger so mehr bewysen/ in maten ock Sanct Johannes dat wort Gerechticheit bruket/ dar he secht: Wol gerecht is/de werde noch rechtuerdiger. Darup S. Jacob slucks twe exempel inuōret/vā Abraham vnd Rahab / de allbeide vor eren löffliken wercken gerecht vnd hillich vor sich vnd Gade weren/ auerst dōrch ere wercke vor anderen liden eren gelouen vnd gerechticheit bewisen/vnd also ock van den Minschen vor Gerechte vnd Salich geholden vnd vthgeropen werden.

Wat hebben dann desse Inquisitores / de dar seggen/De geloue make nicht allene gerecht/Vnd den H. Apostel S. Jacob so sehentlic belagen hebben: Vnd de Tridentiner/de dar vorstōken alle /de deme gelouen de rechtuerdinge thoschriuen/vor lohn vordenet? Dat mot men na eren werck en werden. Wat dohn se dann? Se dohn vele wercke. Dat doth de Satan ock. Auerst vorgeues. Wy hebben gehōret/dat de wercke des Gōdeliken Gesettes / dat hillich vnd gut was/ nicht rechtferdich maken/ Wo wōllen dann de wercke/na Minschen gebaden gescheen / rechtuerdich maken? Edder syn des Antechristi gebade beter als des allerhōgesten? Vnd de wercke der Papen vullenkamener/ als der Propheten / Apostolen/ aller hilligen? Dat kan ick nicht gelouen. Wat dohn se mehr? Se vorstōken vnd vorbannen alle de dar seggen vū leren. Dat de geloue allene rechtferdich make. Nusecht dat Gode sūluet/ Moses/ de Propheten/ David/ alle Euangelisten vnd Apostel/ vnd de ganze rechtgelouige Christenheit. Daürimme verstōken vnd vorbannen se so in der dadt vnd warheit/ Gode sūluen vnd

Apocal.
22. 11.

Dat Censurium tho
rent vor
bannet alle
Propheten
Euangelistē
Apostolen/
vnd Gode
sūluet.

Roma. 3.

alle syne Hilligen. **D** Gadeslesterer / wo syn hefte de Apo-
stel van iw gesacht / **S**e willen der Schriffe Meister syn / vnd
vorstahn nichte wat se seggen / eder wat se setten / Erlüchte Here /
vnd bekere de tho bekeren sint / Amen.

De 12. Artickel.

Esse man ide ock daruor holde / dat der sennen lehr vnd
meninge Godtlos sy / de dar vorgeuen / dat aller gelbuigen gude
werke sünde syn / vnd nenerley wyß thor saltichheit nödich : **D**ar-
gegen auerst der Kercken lehr gesuat vnd recht / dar geleret wert /
dat de guden wercke der gelbuigen / de in Christo weddergebart /
in hillicheit vnd gerechticheit wandern / **G**ade angenehme syn
vnd dat ewige leuende vordenen ?

Antwort :

Desse frage is in twe stücke voruater. **D**at erste is eine
falsche beschuldiginge der Euangelischen Kercken vnd eren De-
nern. **D**at ander is de Bekennisse der Papisten van guden
werken.

Papisten
beschuldigen
falschlich de
Euangeli-
schen Ker-
cken in der
lehr van gu-
den werken.

Wat dem ersten belanget / seggen se / er jegendeel / (dar-
mit se ane twiuel de Euangelischen Kercken menen) lehre van
guden werken Godtlos / dewyle men lere / der gelbuigen gude
werke syn sünde : **V**nd gude wercke syn kenerley wyß thor saltich-
heit nödich / **D**at is beide eine grote vnwarheit

Vnse lehr van guden Wercken vth der **H.** Schriffe / in
einen richtigen vorstandt genamen / kan nichte Godtlos syn. **S**o
hefte noch niemand vnder allen rechtsinnigen Theologen je-
mals gesacht / dat der gelbuigen gude wercke egentlick / in sich
vnd dorch vth sünde syn. **D**ann wo könden se säß tho guden
werken vormanen / fordern / nödigen / locken : **D**at nergen
mehr / stittiger / rechter vnd ernstliker geschüth / als in den E-
uangelischen Kercken / darna men se anders / wann se sünde we-

ren /

ren / forbeden möste? Dath is auerst vnse vnd aller rechten Christen lehr/mentinge vnd geloue van guden wercken.

36.

1. Erslick lere wy / dat gude Wercke syn fruchte der gerechticheit. Dat is/so vele gesacht/ vor den guden wercken moeth gerechticheit hergahn: Vor der Gerechtheit/de Gelouue: Vor den Gelouen/de nye geborth: Vor der nyen geborth/de hillige Geist. Vnd dat syn de orsake der guden wercke/ane welcker nene gude syn können/sunder syn/Edder Heidensch vth natürliken orsaken / na welkeren ock vnuornüfftige Derte gude dohn: Edder Nüchelisch vmmen de kost / ideler ehre/vth gewanheit: De sief vthwendich reinigen/ vnd schynen fram / auerst innwendich sint se vull vndögeth. Tot moeth auerst de Bohm vor der frucht gude syn/als Christus secht: Kan men ock Druuen samlen van den Dörnen? Edder Vigen van den Distelen? Item/ane my könne gy nichts. Vnd Paulus/De natürlike Minsche vorsteith nicht wat des Geistes Gades is. Auermals/dat de Minsch als vth sief süluest nicht eine gude gedanken heruör bringen könne/ ick swige gude wercke. Vnd Augustinus. Opera sequuntur iustificatum, non precedunt iustificandum, Dat is/de wercke volgen na der rechtfertiginge/vnd gahn nicht vörher.

Der Luan
gelick Ker-
ken lere vnd
betentnisse
van guden
wercken.

Matth.
32. 82.

Matth.

7. 16.

Joh. 14.

1. Cor. 2.

2. Cor. 35.

lib de fide

& opib. C

14.

2. Darnegest/dat ein gelouich minsche tho sodaner vullen kamenheit in dessem sündeliken leuende nicht kamen könne / dat syne wercke dem Gesette Gades/dat dar sordert dat ganze Herte gemöte/krefft vnd Seele/gans gelickförmich syn vnd dat erfülten/Sunder syn vull swachheit/ gebrecks vnd mangelt allen Hilligen am rohm/we de Hillige Schrifft meldet / Alle vnse gerechticheit is als ein vnrein Kleith. Vnd dar is neen Minsche vpp Erden/de gude dho vnd nicht sündige. Item: Wann wy seggen/wy hebben nene sünde / so voruören wy vns süluest vnd de warheit is nicht in vns.

Rom. 3.

Esa. 64. 6.

Eccle. 7. 21

1. Joh. 1. 8.

3. Tot is mit einem Christen vñ synen wercken gelick als mit

vnklaren stierende water/ welck vor sich/ vnd gereiniget gude is/
auerst alletidt wldm/ beeth idt stille steith: Also synt wy in vnsem
lope/ de na dem ewigen gude gerichtet is/ beeth ant ende also ge-
stalt/ dat vnse wercke dörch vth nicht rein syn werden. Vide Ro-
man. 7. 17. 25.

3. Thom drüdden leren wy / dat dennoch der gelouigen gude
wercke vnd gehorsam Gade angenehme syn / des guden anfan-
ges/ vnd gelouens haluen/ vmmme Christi willen / des ewigen
Middelers/ an welcken de Hemelische Vader/ vmmme synes vul-
kamen gehorsams/ allene ein wolgefalle hefft/ vth welckes vülle
wy alle nemen möten genade vmmme genade.

Matth.
3. 17.
Johan. 1.
16.

4. Thom verden / lere wy / dat alle gude wercke na deme be-
sehl vnd vthgedruckeden worde Gades angerichtet werden mö-
ten/ Als de Apostel S. Jacob secht / Weset dāder des wordes.
Welcken Spröke de Papissten stedes / mit groten vnuorstande/
(wo byna alles) im munde vören/ vnd nicht mercken/ dat he vör-
dere wercke des wordes Gades/ vnd vorwerpe alle wercke/ so van
blinden Menschen erwelet / vnd vth egener andacht vörgena-
men werden / wo geschreuen steith: Vorgeues denen se my mit
Menschen gebaden.

Jacob. 1.
22.

5. Thom Vöffen/ dat men dat ewige leuendt mith den gu-
den wercken nenerley wiß/ noch vordenen/ noch köpen/ noch vor-
köpen könne/ vth dessen orsaken.

Matth.
15. 9.

Gah nicht int gerichte mit dynem knechte / denn vor dy is
neen leuendiger gerecht.

Psal. m.
143. 2.

So du wult H. Ere Sünde tho reken/ H. Ere wol wert be-
stahn? Wenn gy alles gedahn hebben/ wat jum bevalen is/ so
spreket: wy sine vnnüte knechte/ wy hebben gedhan/ wat wy tho
dhon schuldich weren.

Psal. m.
130. 3.
Luce 17.
10.

Nicht vth den wercken der gerechticheit/ de wy gedahn heb-
ben/ sūnder dörch sine barmherticheit hefft he vns salich gemaket.
Wat kan dādeliker syn?

Tit. 3.

Vth dessen allen kan de frame vnparteyesche Leser wol mer-
ken

ken Wo fälschlick vns de Antechristianer beschuldigen / als le-
reden wy van guden wercken Godtloß / vnd dat se vor Godt
sünde syn / dar wy doch van inwanender sünde im fleische / van
der groten vnuullenkamenheit / swaechheit vnd gebreke Minsch-
liker natur reden / vnd alles / Godt loff / mit guden vnterscheide
nach dem richtschnor Gódtlikes wordes.

De ander Calumnia / dat gude wercke thor salicheit nener-
ley wyß nödich syn / bedarffe weinlich wedderleginge / darinne
dat se allbereide genochsam vth den vorganden wedderlechte is /
vnd de Inquisitoren eine Fallaciam non causæ ut causæ, dar-
inne begahn hebben / vns vnd vnse lehr böshafftich vorhatet
tho maken / als löcheden wy alle orsaken der gude wercke / dewy-
le wy vth Gades worde leren / de guden wercke syn nene orsake
der gerechticheit / vnd vordenen nicht dat ewige leuende. Se
sint auerst vth anderen orsaken nödich / als dat de Minschen vn-
se gude wercke sehen / vnd Godt prysen. In dessen spröke sint
twe entlike orsake vnser guden wercke / De erste / Gades Ehre /
De ander / dat se als gude Exempelen anderen Minschen inhaten
folgen vorlüchten schölen. So is nödich dat de Bohm syne
natur mit den früchten bewyse / vnd ein Christ synen gelouen
mit guden wercken. Nödich was idt / dat Abraham Gade
gehorsam wart / vnd allen synen Kinderen bekande würde.
Nödich isset / dat ein Minsch syn geweten beware / Godt nicht
vortörne / synen Negesten nicht ergere. Nödich isset / Gades
worde predigen / anhören / beden / lauen / Sacramente entpfan-
gen / Almusen geuen. Nödich sint alle wercke eines Christli-
ken beropes vmmme gewissen orsaken / &c.

Nu latet vns ock ansehen der Catholischen gelouen vnd
bekentnisse van guden wercken. In dessen Artikel seggen se / de
gude wercke können dat ewige leuend vordenen vñ dat sy eine gute
gesunde lehr. Vp anderen orden / dat men mit den wercken de
vor der rechtferdinge her gahn / de genade Gades wol nicht vor-
dene / so beware men dennoch dat herte darmit vp dat nicht et-

Vth wel-
ten orsaken
gude wercke
nödich syn.
Math. 5.

Der Papt
sten lehr vñ
bekentnisse
van gud. n
wercken.
Andrad.
6. pag.
507.

Richard.

Andrad

l. 3. pag.

279. &

271.

Gab. Biel.

l. 2. Di-

stinct. 27.

Pet. a So-

to in asser

Cath. de

bon. oper.

Lind. l. 3.

c. 20.

Tapper. p.

189

Ibid.

Ecc. in Eu-

cherid.

Conci. Tri-

den. Sess. 6

can. 10. &

32.

Prouerb.

18. 17.

Luce. 18.

17. 24. 16.

Roma. 7.

18.

Phil. 2. 17

etwas sy/dat de genade Gades möchte vphelden vnd vorhinde-
ren. Vnd dat men dôrch de doden wercke/so buten der gnade ge-
scheen/sick thor gnade Gades kône bereiden. Vn dat ock ane den
Gelouen gude wercke gescheen kônen vnd Gade behagen. Item:

Dat de wercke/so van den de in dodesünden leuen/geschehn
etlicher mate/de Condigno, Gades genade vordenen/Dat de
guden wercke de sünde tho delgen/Gades torne thouorsönen
dat Ewige leuendi tho erlangen/nodich syn/Dat se dat Ewige
leuendi vordenen/vnd der sünde/so vdrhen gescheen syn expiati-
ones propitiationes dat is/ affwasschinge vnd vorsönunge
syn. Dat de guden wercke/ nicht allene in Christo/als einer vth-
wendigen orsale haluen/sünder ock in sick süluest betrachtet/Ga-
de behagen.

Item:

Dat vnse gude wercke vp desäluen wyse Gade behagen/als
de wercke synes eingebare Söns Jesu Christi. Quod meritum
totum sit a Deo non totaliter. Dat gude wercke vth schuldiger
pflicht (ex debito diuinæ iustitiæ) Godeliker gerechticheit dat
Ewige leuendi vordenen.

Dat lath my/du frame Münsterseche Christ/Gades/synes
hilligen Wordes/synes Enigen Söns vnd des hilligen Geists
laster syn/vnd vornim dat zegendeel vth den munde Gades.

1. De H. Schriffe secht/dat sick ein Recheferdich Minsche
am ersten süluest beschuldige vnd anklage: Vnd Söuen mal
valle vnd vpstha/nemplic in einem dage: Auerst desse Pharise-
er stahn vnd römen sick erer wercke/vor der wedder geborth/
in dodt sünden vnd dergeliken.

2. Paulus de ein Christ nygeborn vnd hoch erluchtet man-
was/secht van sick süluest, Willen hebbe ic/wol auerst vullen-
bringen dat gude/vinde ic/nicht. Auerst de Papstten kônen idt/
erer mening na/säluenst wol.

3. De Schriffe secht: Gode isset de in juw wercket/ beide
dat willen vnd dat vullenbringen/na synen wolgefallen/Auerst
de Papen kônen dat vor der Weddergeborth.

De

4. De Schriffe secht / dat Godt / de dat gude werck anfangt /
de moethe vnd werde idt ock vthuoren beth an den dach Christi.
De Papen auerst können idt süluest anfangen vnd vthuoren.
Dat lath myh Meister syn.

40.

Phil. 1.6.

5. De Apostel secht / Ick hebbe dat vor schaden vnd dreck ge-
achtet / vpon dat ick Christum gewünte vnd in em gefunden würde /
dat ick niche hebbe meyne gerechticheit / de vth deme gesette / sün-
der dörch den gelouen an Christum kumpt. Item : Dörch de
wercke des Gesettes werde neen Minsche rechtferdich. Wenn
dörch dat Gesette de gerechticheit kumpt / so is Christus vör-
geues gestoruen. Item: Alle de mit des Gesettes wercke vñ-
megahn de sint vnder dem floke. De Papisten seggen: de wer-
cke waschen sünde aff / nicht allene in Christo / sünders ock in sich /
vnd behagen Gade / als de wercke Christi / vnd reden noch nicht
van wercken des Gesettes / weleke hillich / recht vnd gude was /
Sünder van den wercken Minschlicher fantasie / darmit se Ga-
des torn vörsonen vnd Ewige leuent vordenen / vnd vth plicht
Gödeliker gerechticheit erlange können. Ja noch darbauen / wat
auerholdē andern tho vörköpen. Nath nu cins tho / vnder weleke
flope se syn möten / so anders de schriffe recht is? Sint ock van
Mileventana Synodo vor Ketter alle mit einander vörbañet.

Phil. 3.7.

Gal. 2.

Gal. 3.

Rom. 7.

12.

Opera su-
per erog-
ationib.

De 20. Artickel.

Esse men ock vaste geloue / dat / wowol Christus vor alle ge-
störnen / dennoch nicht alle de woldath synes Dodes vnd lidens
entfangen. Vnd dat na den geapenbarden Euangelio allen / de
gerechtferdiget / van stande des torne Gades / darinne se van
wegen des valles Adams gebarn sint / in den stande der gnaden
vñ erwelinge der kinder Gades auer gesatt / vnd des ewigen leuen
des deelhaftich werden willen / allerdinge nödich sy / vor allen /
dat se dörch de Döpe / dat bat der Weddergeborth / Christo vnd
der Kercken ingeliuet werden: Darnegest dat se im rechten
gelouen / Höpeninge vnd Leue / dörch gemeinschop der Sa-
cramenten Christlicher Kercken vnd dörch holdinge der Gebade

Gades

Gades Godtsalich vnd rechtsferdich leuende / beth an dat ende bestendich bliuen?

Antwort?

Inholdt
desses artic-
els.

So men dessen Artickel wol erwecht / vndt men darinne ein ganz schock blinder erdome. Doch is he vornemlic / vpon twe stücke gemenet. Dat erste van der Ceremonien der vthwendigen Sacramentliken dōpe / dat de ane exception allen Menschen / de salich werden schōlen / nōdich sy: Vnd bringe als ein werck de Kindschop / Weddergeborth / Gemenschop mit Christo vnd syner Kercken / sampt dat ewige leuende. Dat ander / de Christlike salige bestendichheit berowe vpon holdinge der gebade Gades / vnd den Belouen / leue / hōpeninge vnd Sacrament tho gelike.

Vnder-
scheidt vnsen
vnd der Pa-
sten Lehr van
der Dōpe.

1. Wat der Dōpe belanget / lere wy / dat de Kinder der gelōuigen schōlen gedōffe werden / vnd dat alle dese dōrch vorachtinge edder ander erdome nicht willen dōpen laten / syn nene ware Christen vnd mōten in sodanen Godtlosen wesende verklaren werden / so se nene Gothe dohn / vnd bekeret werden.

2. Item: Dat men by der insettinge Christi bliue / de mit Water im namen der H. Drefoldicheit tho dōpen beualen heffe / mit guden vorstentliken worden.

Auerst de Papisten dōpen nicht allene Kinder / sunder ock de Kloeken / daruōr he nicht gestoruen is / ock den H. Geist nicht entpfangen / vnd nicht mit schlechten / sunder mit beswaren betōuerden Water / sampt Kresem / Bett / Dye / Solde / Erūke / Seuer mit stoff vormenget.

3. Christus heffe dat Dōpewater / als ein Sacramente insettet. De Antichrist bruket dat ock vor eine Medicin weder franckheit / tōuerne vnd dūuele darmede tho vorjagen.

4. De Schrifft vnderscheidet dat Water vnd de werckinge des hilligen Geists. Marci 1. 8. Ick dōpe mit Water / auerst He (Christus) wert sw mit deme H. Geiste dōpen. De Papisten mengen dith vnder einander / vnd nemen dat vor ein dīck

als

Math. 3.
Joan. 3.
Tit. 3.
Gal. 3.

1. Pet. 3.

als signum & rem ipsam, Döpe vnd weddergebort/ane Sa-
 cramentliken vorstandt. Dann de hillige Geist reiniget den
 inwendigen Menschen vnd weddergeberet en döorch dat bloth
 Christi/richtet wedderup dat neddergefallen vnd vorwöstede e-
 uenbilde Gades / in hillicheit vnd gerechticheit / vnd de einige
 werckende orsake/dat wy döorch de Döpe Christo ingeliuet wer-
 den. De vthwendige Döpe is desses alles ein hillich/werdich
 Sacrament/pant/segel vnd wartecken/wo geschreuen steith:
 Nicht dat affdondt des vnslats am Fleische / sündet dat vor-
 bundt eines guden gewetens mit Gade. Aqua cernitur, in-
 quit August. sed qui non videtur spiritus operatur. Et
 Cypri. Spiritus baptizat & rem efficit. & manum invisibi-
 liter imponit,

Godt heffe de weddergeborth vnd vornyerlinge des hilligen
 Geistes an dat Water also nicht gebunden / dat ein gelöuich
 Mensch/de dat nicht entfängen konde / darümme mösse verla-
 ren werden / Dann de Schecker am Crütke is nicht mit Water
 gedöfft/vnd vele dusent Märterer / vnd sint lifewol wedderge-
 barn vnd salich geworden. So wart ock Simon de Löue-
 ner vnd de Adderen geslechte/Phariseer vnd Sadduceer/Mat-
 thei 3. 7. gedöfft/vnd nicht weddergebarn. De Antichrist bin-
 det de Weddergeborth/Gerechticheit/Vorlöfinge / Kindschop
 vnd ewige leuende an dat Element/vordömet de Kinder/welcke
 nodes haluen der Döpe berouet syn/vnd lech se buten de Kerck-
 höue begrauen/bedrouet Tyrannischer wyse vele frame herten/
 maket Gades Bunt vnd Testament / so vele als an em is/tho
 nichte/dat so ludet/ Ick bin dyn vnd dynet Kinder Godt. Dar-
 up de vnbesneden Kinder im olden Testamente syn salich gewor-
 den/der vor den achten dage vele henstörnen/ vnd solde nu nicht
 gelden/dar Christus mit synem Blode vnd Dode de sünde vor-
 delget vnd dat ewige Testamente vorsegelt vnd bestediget heffe

Gen. 17.
Gr. 22.

De Schrifft lecht den grunde der Kindschop/nye geborth/
 Eruedeels vnd salicheit in dat ewige Testamente Gades vnd

den gelouen. De Antechrist / v̄p v̄shwendige Elemente / v̄nd opus operatum, Vad so hoch als se allhyr dat Dōpewater vorheuen / so sehr vornichten se dat s̄lue anderswor. Dann Thomas lehret dat Kappen v̄nd Kloster leuendt den H. Geiſt so wol bringe / als de Dōpe. Wat iſt dann de Dōpe n̄tte.

Thom.

Aquin.

ib. 4.

diſ. 4.

Orſake
dat de geſ
nigen beſt
aaf ende be
ſtendich bli
uen.

De ander punct van der beſtendicheit der Chriſten beſt ant ende / iſt wol mit worden van groten dingen geſpicket / doch de nicht an ein ander hangen / v̄nd derwegen ſo ſtarek als ein ſel van Sande gemaket. Thor beſtendicheit wert twar gefōrdert / Geloue / Leue / Hōpeninge : Auert de ſint nicht de erſten / noch allene orſake / dar dōrch ein Miſch beſt ant ende beharre / oeleweiniger de holdinge der gebade Gades / de alle allē miſchen Chriſto v̄shbeſcheden / v̄nmōgelick geweten iſt v̄nd bliſt / als v̄rhen bewyſet : Item Godſalich v̄nd rechtferdich leuen / iſt eine Frucht des Gelouens / de der Gerechtigheit v̄nd n̄ye geborth volgt / v̄nd also oek nene orſake.

De erſten v̄nd rechten orſaken auert der Chriſtiken beſtendicheit / oek des Gelouens / Hōpeninge / Leue / Godſalicheit ſ̄lueſt / werden v̄ns im worde Gades richtich v̄nd also gewyſet / dat wy ſe nicht in v̄ns / ſunder buten v̄ns in Gode ſōken mōten. Denn ſo idt by v̄ns ſtāde / wōrde neen miſche / noch anfangen / noch beſtendich bliuen / dewyle geloue / leue / hōpeninge nicht fr̄chte des des fleiſches ſunder gaue des H. Geiſtes ſyn / v̄n hebben ere obiectum v̄nd gr̄ndt nicht in ſick ſ̄lueſt / noch v̄p fleiſch edder ſyne kreffte / dat van ſick ſ̄lueſt nichts gudes vormach / ſunder allene in v̄nd v̄p Jeſum den anheuer v̄nd vullenbringer des gelouens.

Heb. 12. 2

Hier 31. 3

Ephes. 1. 4

5.

Rom. 8. 30

Iſt also de erſte orſake vnſer beſtendicheit / de ewige vnwanſelbare leue / gnadenrike vōrsath / raht / erwelinge v̄nd v̄rordeninge Gades des Vaders thor kindiſchop zegen em ſ̄lueſt in Chriſto Jeſu vnſen H E R R E N / De he erwelet heſt / de heſt he oek geropen : De he geropen heſt / de heſt he oek gerechtferdiget : De he gerechtferdiget heſt / de heſt he oek herlick gemaket.

De

De ander orsake is dat vullenkamen vordenst des gehorsams Christi Jesu/ vnd ware gemenschop/ de alle gelouige mit em hebben dorch den hilligen Geist vnd gelouen/ also dat se syn Fleisch / Gebente vnd Ogeappel sint/ de he bewaren wert/ vnd sich in Ewichheit nicht wert nemen laten. Allent wat my *Johan. 6.*
myn Vader giffe/ dat kumpet tho my/ vnd wol tho my kumpet/ *36. 39.*
den werde ick henuth nicht stöten. Dat is de wille des Vaders/ de my gesant heffe / dat ick nichts vorlese van allem dat he my gegeuen heffe. Ick geue en dat ewige leuendt/ vnd se werden *Johan. 10.*
nümmermehr vnmekamen / vnd nemande wert se my vth myner hant riten. De Vader hedde em alles in syne hende gegeuen / de he leuede / de leuede he beth ant ende. De *Johan. 13.*
drüdde orsake is de hillige Geist mit syner vnerforschliken werckinge / dar he de herte reiniget / vnser swachheit helpet / tüchnisse giffe dat wy Gades kinder syn / vortret de hilligen/ gelick als idt Godt behaget. Dessen grunde wyset Paulus sehr herlick *Roma. 8.*
an de Epheser / dar he de gelouigen anredet vnd spreect : *15. 28. 27.*
Dorch welcken (Christum) gy oek / do gy geloueden/ vorsegelt worden sint mit dem H. Geiste der thofage : Welcker is dat *Edhes. 1.*
pant vnser erues/ tho vnser erlösing/ dat wy syn egendem worden tho loff syner herlicheit. *13. 14.*

Negest dessen vbeweckliken gründen vnser salicheit/ is de geloue oek eine orsake der bestendicheit / darümme dat he solckes vater / vnd wedder aller Hellenporten gewalt *Matth.*
ste beholt/ darup sich vorlet vnd secht. Ick bin dessüluen in *16. 18.*
der thouericht / dat / de in iw angefangen heffe dat gude werck *Phil. 1. 6.*
de wert idt oek vullenbringen/ beth vp den dach Jesu Christi. Item : Is Godt vör vns / wol is wedder vns? Welcker oek *Rom. 8.*
synes egen Sons nicht heffe vorschonet / sunder heffe den vor *31. 39.*
vns allen hengegeuen / Wo scholde he vns mit em nicht alles schencken? Wol will de vtherwelden Gades beschuldigen? Godt is hyr de dar rechtferdich maket / wol will verdomen? Christus is hyr / de gestoruen is / Ja velemehr de oek

operwecket is/welcker is thor rechten Gades/vnd vortret vns/wol will vns scheiden van der leue Gades? Jek bin gewis/dat noch dodt noch leuent/noch neen Creatur vns scheidē mach van der leue Gades/de in Christo Jesu is vnsen **HEN**.

Desse geloue heffe syne stercke vth dem worde vnd hilligen Sacramenten/vnd ouet siec in hillicheit vnd gerechtigheit/beth ant ende /Bowol he vaken strūckelt vnd valt/so is doch nichts verdōmilchs /den de in Christo Jesu syn / vnd nicht nħa dem fleische wanderen. Christus fordert nicht de ganze holdinge der Gebade Gades/tho dem ende/ de vnmōgelick is/sunder secht: Wol gelouet vnd gedōfft wert / de schal salich werden. **W**ad daruan singen de Christen. Lath my nene lust noch fruchte van dy/ &c.

Wat auerst de Catholischen lehr van der bestendicheit der Christen sy/is vth twen folgenden tūchenissen tho sehen. De erste Des Tridentini Concilii/de so ludec. Dat de genade der Dōpe tho erlangen/de geloue nicht allein genoch sy/sūnder dat ock de holdinge des ganzen Gesettes Christ sy nōdich. De ander Der Catholischen Scribenten/Nemlick/dat nemandt syner salicheit gewis sy/ane syn egen vordenst / vnd deme idt nicht sunderlick vām Hemmel geapenbaret sy. Et proprium esse Spei posse falli, Spes autem subinde falliter, quæ alioqui spes non foret. pag. 122. Et sane certitudo spei non est tanta, ut quis ea nifus non debeat de salute sua dubitare: quamdiu enim speramus, incertisumus, ut ipsum nominis etymon perspicuē edocet, scilicet.

Fallitur augurio spes bona sæpè suo.

Daruth gedencke eyn frame Christ / wat de Papisten vām warhafftigen Gade vnd synen vnselbaren Worde / ock van Christliker hōpeninge holden vnd weten. Van den waren vnd Ewigen Gade reden se als werec he einem amechtigen / lōgenhafften/vnbestendigen/wanckelen minschen gelick/de nicht wille edder kōnne holden wat he tho gesecht hebbe. Sint ane sun-

Der P. 7.
pisten besien
dicheit.

Seß. 7.
can. 7.

Andrad
l. 6. pag.

544.
Conf. Co-
lon. Dial
4. pag. 108

Papisten
sint den Hei-
den im geis-
ten vnd hō-
peninge ge-
sicht eren egi-
betentnisse
nach

derbare Heimliche apenbaringe mit synem worde nicht tho freden. Van der hopeninge auerst reden se als van eyner Weltdeliken twiuelhafften vorwachtunge vp ein euentühr/ des se so vngewiß syn/ als Heiden/ de siek wat inbilden vth einen twiuelhafftigen Oraculo Deorum. Item: Wat se vor eynen Gelouen vnd Trost jegen ere sünde/ Gades torn vnd Ewigen dodt siluest hebben/ vnd anderen mede deelen/ Nemptlic nicht mehr denn er egen vordenst vnd holdinge des Gesettes. Wann ide nu daran mangelt/ geuen se vorlaren/vortrüwen erem gelouen/ Gades gnade vnd den krefftigen vordenste Jesu Christi nichts/varen hen als ein hupen vortwiuelder bouen int Bezegführ. Dat het/ Wat de godilose frächter dat wert em bezegen/vnd wat de gerechten begeren/wert em gegeuen. De gode lose is als ein weder/dat auer zeit vnd nicht mehr dar is/de gerechte auerst besteit Ewichlic. De hopeninge der gerechten wert fröwde werden/Auerst der godilosen hopeninge wert vorlaren syn. Se sint nicht weddergebarn thor leuendigen hopeninge/ noch in den Ewigen trost dörch eine gude hopeninge. Weme scholde vth Helleangste vor desser lüde lehr/ gelouen vnd geselschop nicht gruwen?

Proverb. 10. 24.

1 Pet. 1.
2. Thes. 2.
Rom. 15.
13.

De 21. Artickel.

Effte men geloue dat im nyen Testamente söuen ware egentlike Sacramenta syn/vnd dat nicht mehr noch min schölen angenamen werden?

Antwort:

Neen/Wente das is falsch. Dar sint egentlic tho reden/ im olden Testamente men twe Sacramenta gewesen / De Besnidinge/vnd dat Pasche Lam: Also ock im nyen Testamente/ De Döpe vnd dat Nachtmal/de in der jennen stede van Christ o verordnet syn. Tho dessen hebben de Papen vth Antichristischer vorwegenheit noch viff Sacramente gedichtet vnd geflicket/van welcken tho syner tyde/offt Godt wil/insunderheit schal zesachte werden.

In allen vden twe Sacramenta egentlic tho reden.

Oft men ock geloue / dat desüluen Sacramenta van Christo ingesettet / den menschliken geslechte (wowol nicht allen einem jtelichen) tho salicheit nödich syn. Vnd dat ein jtelick buten sichtbare teken eine sunderlike krafft in sich hebbe de geschecket werde / allen so sich süluen nene hindernisse leggen.

Antwort:

Der Papē seltsame Schrifftose arch tho reden.

Seß. 7. c. 8.

Papisten geben orsaete tho verwohnunge.

Christus heffe nicht mehr deü twe Sacramenta ingesettet / heffe auerst süß wol vele beualen vnd gedahn / dat vort nene Sacramenta synt. Eine seltsame rede isset ock / dat Sacramenta buten den sichtbaren teken krafft hebben / vnd anderen mede delen / dewyle Augustinus secht / dat de Sacramente süluest sichtbare teken sint / der vnsichtbaren gnade Gades / vnd darümme vām Inquisitoren so vele gesacht / als dat de genade Gades buten den Sacramenten krafft hebbe / daran neen twiuel is. Nemen se auerst dat wordet Sacrament vnd Genade / vor ein dink / Worümme vnderscheiden sedann de sichtbaren teken van der genade? Vnderscheiden se de beiden nicht (wo se dann gementlick de thosamen mengen plegen) worümme nemen se dann de krafft der süluen den jenen de sich süluest hindernisse leggen / vnd dennoch de Sacramente entsangen? Inmaten dat Concilium tho Trent secht / So jemandt sachte dat de genade dörrch de Sacramenta des nyen Testaments vmmē des werckes willen (ex opere operato) nicht gegeben werde: Sunder dat de geloue de genade der Gödtliken thosage tho erlangen genoch sy / de sy vorflöket. Wo rymet sich dith thosamen / vmmē des werckes willen de gnade bekamen / vnd dennoch dat werck an velen verlaren syn? Darup wert geantwort / Se leggen sich süluen hindernisse. Ey so lichte idt an Minschlifker werdicheit de gnade der Sacramenten tho erlangen: Vnd vnwerdicheit / desüluen tho vorlesen? Ja / dat is der Catholischen meningē / vnd is wol vor der rechtfertigē Catholischen de alle ere Secke so vull vordenstes hebben / dat se auersteten / Auerst wor schal men deü mit den armen

Sün

Sünders bliuen / de sich vör Gades antlath schemen / ere ogen
 na dem Hemmel nicht döruen vphauen / deme de Erde vor den
 vortierenden Bühr Gödtliker gerechticheit tho enge wert / nich-
 tes dann sünde/gebreck / Gades torn vnd ewigen dodt erenthal-
 uen vor ogen sehen / als de verlaren Söne / de Tollener / Mat-
 theus / Zacheus / Magdalena / de Scheker am Crüze? Ick mene
 ja se hadden sich vorhinderungge als grote hoge Berge gelecht /
 dat erenthaluen de gnade Gades wol ewich were vthgebleuen /
 is darümme de nödigeste frage / wo desse hindernisse der genaden
 Gades mögen henwech gerümet werden. So de jagedachte
 grote Sünder tho den Catholischen thor Bicht gekamen we-
 ren / hadden se kein andere Absolution bekamen / als Judas van
 den Hogenpresters / Dar süh du tho. Nu moth ick den In-
 quisitern eren vorstandt laten / vnd den armen Sündern einen
 wech / tüschen allen eren hindernissen hendörch thor genade der
 Sacramenten wysen / mit twen worden also. Dhot Bote vnd
 zelouet deme Euangelio. Sühe / dat is dat Lam Gades /
 welck der Werlde Sünde drecht. Kamet alle tho my / de ay
 möysalich vnd beladen sint / Ick will iwerwicken. De
 krasse vnd genade der Sacramenten tho erlangen / ist nicht
 by den Wütschen / noch in den Sacramenten / sunder in gnedige
 werckinge des H. Geistes / süs were Judas ein leihmate Chri-
 sti / vnd ganz rein geworden / dewyle he dat Nachtmal mit
 den andern entfenc / vnd ock gewasschen wart. Vnd de ande-
 ren Apostolen weren der gnade berouet vmmе der groten hin-
 dernisse / de se sich süluest lagen als Ergyricheit / Haderen / Zan-
 cken / dat swerth misbruken / Christum vorlaten wedder ere tho-
 sage vnd löffe / ja mit vorlöchen vnd düren Eyde / men kende
 Christum nicht. Edder weren diß nene dodtsündes Hindernisse
 der gnaden? Edder hebben se de süluest henwech genamen / edder
 Christus? Ja freylich Christus. De Sathan / secht he / wolde in
 alle sichten als den Wetten / Auerst ick hebbe vor dy gebeden Pe-
 tre / dat dyn geloue nicht vphöre.

55.
 Luc. 18.
 18.

Marc. 1.
 15.

Joha. 1. 29

Matth.
 11. 28.

Luce 22.

21.

Joha. 13.

10. 11.

Luce 32.

13.

Efften men ock de wyse vnd Ceremonien/de van der Kereken an-
genamen / vnd in gewönliker bedeninge der Sacramenten ge-
brücklick syn/ vnderholde?

Antwort?

Colof. 2. 3.

De Röm-
sche Anti-
christ wil des
Sönes
Gades
meister syn.

De H^Ere Christus/in welchen alle Schätze der wyßheit vnd
erkenntnisse Gades vorborgen synt/ hefft nichts vorgeten noch
vnderwegen gelaten/ wat thor substanz vnd wesen / thom ky-
rader vnd rechten heilsamen gebreuche der H. Sacramenten gehö-
ret. Wol ist denn so stolt/ auermödich/ vorwegen vnd Godtloß/
de sich der wyse gewanheit vnd Hilligen Ceremonien des
Sönes Gades nicht wil gefallen laten/ den de Catholischen vnd
er gelicken? Vnd dewyvel de Pawest mit synen Papen de Lere vnd
Dadt des H^EREN Christi meisteren / vnd alletydt beter
maken will/ als Godt süluest / so folget so dat se Christum/ den
Middel der ewigen Bunds vnd Insetzer der hilligen Sacra-
menten vor ein alueren vnmündich kindt achten / dat wol et-
was entwerpe vnd Dockenwerck make: Sieck süluenst auerst/ als
Vormünder vnd Postlermeister Christi/ de syne angefangene
wercke möten vthstrycken / beter maken / vnd mit rechter form
vnd gestalt vorkyren? So folget ock dith / dat he vele vnuor-
schempter sy/ als syn Vader de Satan süluest / de mit deme aff-
grunde der Helle zettert vor den Namen Jesu: Vnd dat he
sich vorheue bauen allent wat Godt hetet / vnd also de rechte
Wedderchrist/ de Wilsche der sünde/ vnd dat Kindt des vorder-
ues sy/ welcher verderue vnd schende mit synen erdichteden Ce-
remonten de Sacramenten Christi/ vnd nichts kyre. De Va-
der röpet van Hemmel/ Dith ist myn leue Söne/ den schöle gy hö-
ren. Christus secht tho den Apostolen: Leret se holden allent
wat ic iw beualen hebbe. Auerst dat achtet de Römische An-
tichrist nichts/ darvor de Erdboden sincken möchte. De Chri-
sten auerst hörent vnd holdent.

2. Thef. 2.

Matth.
3. & 17.

Matth.
28.

Psal. 45.
Johan. 10.

Effte men süluest de Döpe / vp rechte tydt / na gewanheit der Kercken plege segenen / vnd ock dat H. Sacrament der Döpe / na vthwysinge der Kerckenagende / sampt allen wysen vnd Ceremonien in der Kercken gewönlick / plege bedenken / edder effte men wat vorandere hebbe ?

Antwort.

Wol hefte den Papisischen Papen beualen / Water edder anders wat / vp Paschen / Pingsten / vñ andere tydt tho segenen? Vnd wat is er segen? Könen se eine gude Creatur Gades mit erdichteden segen / buten dem gebruke / beter maken. 3. Wat vor eine dögeet kömpt vth einer lastermulen int Water? Wat kan dat Water na erem Töuerischen besweren mehr dohn / als vörher? Edder kan deme Döpewater ein beter segen ankamen / als de Insettinge / dat Beuehl / de Thofage / dat Wordt vnd Geist Christi? Vnd de Geloue / Gehorsam vnd rein Gebruck der Christlichen Kercken? Secht nicht S. Augustinus / Dat wort kömpt thom Element vnd wert ein Sacrament / nicht dat ide gespraken / sunder gelöuet wert? Secht nicht S. Johannes / Ick döpe mit Water? Vp welcken Paschen edder Pingsten was de Jordan vam Papen geseget / darinne dennoch Christus süluest mit mannich dusent Menschen gedöfft is? Wol hadde vp einem Feste dat Water geseget / darmit Philippus den Kemerer / Vnd Petrus Cornelium / vnd de by em weren / mede döfftie? Kan jemandt secht he / dat Water weren / dat des se nicht gedöfft werden / de den hilligen Geist empfangen hebben. Wor nu ein recht trüwe gelöutich vnd gehorsam Pastor edder Kerckendener is / de volget dessen beuehl vnd Exempel na.

De 25. Artikel.

Effte men ock in synem Kerspel Wedderdöper hebbe / Edder andere de nicht von dessen Sacramente recht holden / vnd

Der Papen segenen anner dat Döpewater is ein tandt. Gen. 1. 10.

Redte segenen des Döpwaters.

Johan. 1.

Matth. 3.

Act. 8.

Act. 10.

ere Kinder/ edder ganz nicht döpen / edder anderswor vnd vp
eine ander wyse döpen laten/ als der Kercken gewanheit mit sich
bringet?

Antwort?

Wedder/
döper Sec-
ten.

De Wedderdöper / de sich ihundes mehr als in söuentein
vnderscheidene Secten gedelet hebben / sint vull schedliker / vor-
dömeliker laster vnd Erdöme / vnd darümme billick nicht tho
dölden.

Epicu-
risch vorich-
ten der De-
pe.

Dat ock etliche Epicurische spötter / edder ander Secten / de
Kinder lange vngedöffe liggen laten / edder nicht thor Döpe
bringen / kan neen frame Christ billiken.

De Chris-
ten / so vth
der Synago-
gen des An-
tichristi gewor-
den sint / mö-
gen ere kin-
der van Wit-
sepape nicht
döpen laten.

2. Cor. 6.
Leuit. 26.

Auerst dat frame vorstendige Christen / de erkentnisse Ga-
des / Leue / Vuer vnd Lust thor warheit hebben / ere Kinder van
Wisse papen nicht willen noch können döpen laten / sunder laten
se na Christi beuehl vñ insettinge / edder by sich edder anderswor
döpen / vp dat se den heillosen schantmißbruck des Antechristi
mit vorlettinge eres guden gewetens nicht bestedigen / is gar
nicht tho dadelen. Dann wat gemeinshop heffe ein Christ
mit den Antichrist? Darümme gahet vth van en / vnd sundert
iwo aff / sprecket de H. E. R. E.

Frage vñ
den gedöffe
im pawst-
dom.

So auerst hyr einer fragede / Worümme döpe gy dann
nicht thom andern mal / de im Pawstdom gedöffe / tho iuwer
Gemente treden? Deme schal men antworten / dat ein grot
vnderseheit sy / tüsschen den / de im Pawstdom in vnwetenheit
gedöffe is / vnd tüsschen einen vorstendigen Christen / welker dem
Antichrist affgesacht / vnd sich thor waren Christliken Gemene
begeuen heffe / vnd gar mit nenen guden geweten vnd ane
schrecklike gefahr wedderümme mit den säluen Communiciren
kan. Dat men auerst de vām Papen gedöffe / nicht wedder-
döpet / kümpe daher / dat se vnder allen erem grüwelen / de se er-
dacht hebben vnd by der Döpe brufen / dennoch de Kinder im
namen der H. Dreuoldicheit döpen möten.

De

Esse men geloue/dat dörch dat Sacrament der Vermelinge de hillige Geist gegeben werde / den gelouen tho stercken/erholden vnd vormehren. Vnd dat dith Sacramente van den olden/de idt bekamen können/ ane grote sünde nicht könne verachtet werden?

Antwort.

De Vermelinge is van Gade newerle thom Sacrament gemaket/sunder is men ein lutter Antichristisch Papengedichte/deme Byelbesshoppe gelt in sack tho jagen.

Alle de vp Christum gedöfft sint/hebben Christum angetagen/vnd sint genochsam Confirmeret. So wert offimals de hillige Geist vor der Döpe/vnderwylen na der Döpe gegeben/dörch de Predig des gelouens. Gelick als nu de geloue dörch dat Wordt van hilligen Geiste herkömpt / also moeth he ock van den beiden vornemlick gestercket vnd erholden werden. De Geist helpet vnser swackheit. Item: Dat gy gestercket werden dörch den hilligen Geist am inwendigen minschen. Darnegest is dat Hochwerdige Auentmal ein Hemmelisch middel/den gelouen tho vermehren vnd tho erholden / welcks beneuen deme tröstlicken Worde/dat Christi Blot vorgaten sy tho vorgeuinge vnser sünde / eine gewisse Quitans is / dat alle vnse Schule dörch dat Blot Christi betalet/vnd de handschrieff des Dodes/de wedder vns was / darmede dörchgetagen vnd Casseret sy. Wult du dynem gelouen noch wyder vormeren vnd erholden: So öue dy dächlick im Gebede/dho barmherticheit den armen/vnd verachte dann mit freyen mode der Papen Narrenwerck van der nichtigen Vermelinge.

De 27. Artickel.

Esse men ock vaken süluest/insunderheit des Sondages vnd vp de Feste / vormöge der Fundation / dat Offer der hilligen Wiffen holden?

Wedder dat erdichte de Sacrament der Vermelinge Wat den gelouen der Christen vormere vnd erhothe.

Acto. 10.

Acto. 19.

Galat. 3.

E. 5.

1. Wordt.

2. Trost.

Roma. 8.

Ephes. 3.

3. Nachtmal.

4. Gebet.

5. Wercke

der barmherticheit.

Ezech. 34

Wen mer
Nachtmal
holden schöle

Ein Herde schal billich syne Schape süluest weiden / vnd se nicht also anderen beuehlen / dat he ane sorge ledich gha vñ sich süluest Weste. He is auerst nicht schüldich alle Sondage vnd vp allen Festen / vaim Antechrist ingesettet / Nachtmal tho holden / Sunder na Christliker fryheit (So vaken als gy dat dohn) eine tyde / em süluest bequeme / vnd der gemente wol gelegen / dartho nemen.

Ein Pa-
stor schal in
der Gemente
allene vor
sich nicht
Nachtmal
holden.

Dat auerst hyr de Pastoren Nachtmal vor sich allene tho holden vormanet werden / vnd der armen Schape / dar so vele hungerige / dörfüge / gejagede / errende / vnd dodtfranke vnder syn / de spyse / dranc / erquickinge vnd Medicin nödich bedarueden / so gar vorgeten wert / is hoch tho erbarmen. Wor höret men des geliken? Wor is Gades beuehl / dat de Herde edder Pastor in der Gemente allene / vnd so vaken dat Nachtmal holden schöle? Wanner vnd wor hefft Christus vnd de Apostolen dat gedan? Ja dat jegendeel vindet men apenbar in der Fundatio Gddtlikes wordes. Denn also steith geschreuen. Weh den Herden Isracl / de sich süluest weiden. Schölen nicht de Herde de Schape weiden? Auerst gy sretet dat vette / vnd fleidet iw mit der wulle / vnd slachtet dat gemestede / auerst de Schape wille gy nicht weiden. Item: Petre / heffest du my leeff? So weide meine Lemmerken vnd Schape. So hebbet nu achtinge vp iw süluest / vnd vp de ganze Herde / manck welkere iw de H. Geist gesettet hefft tho Bischöpen / tho weidende de Gemente Gades / de he dörch syn egen Blot erworuen hefft. Vnd auerstmal / Weidet de Herde Christi / de iw beualen is / vnd seht vp se / nicht gedwungen / sunder willichlick / Nicht vmmе schentlikes gewinstes willen / sunder van grundt des herten / nicht als de auer dat Volck herschen / sunder werdet Vorbelde der Herde. So werde gy / wenn de Ersherde erschnen wert / de vnuerwelcklike Kronc der ehre auffangen. Wyder ludet vnse vnd de oldeste Fundatio also: Dat men thosamen kamen / de eine den

Ezech.
34. 2.

Johan. 21.

Act. 20.

1. Pet. 5.

1. Cor. 10.
v. 11.

andern beiden / vnd ein jder nicht syn egen besunderere Nachtmal
entfangen / sunder vele van einem Brode eten / vnd vth einem
Kelcke drincken schölen.

En segge gy / wert doch de Misse vmmme des Volckes wil-
len gehalten / dat se de hören vnd ansehen / den Lichnam vnd
Bloth Christi in der vorhöginge mit groter andachte anbeden /
vnd den Afflath / so darby gegeuen / vordenen mögen? Ock isset
einen jderen fry tho Vichten vnd Communiceren wann he will?
So wert ock vp de Söndage vnd grote Feste geprediget / vnd
dat Volck mit dem Worde / Sacramenten vnd Christo süluest
genochsam gespyset? Antwort.

Dar wert manninge Misse gehalten / darby nicht geprediget
wert vnd nemandt mede Communiceret / darüm dat de Römi-
schen Misse Fundation mehr penninge bringen als de predige.
So werdet de Misse vp Latin gehalten / dar de Leye nichts van
vorsiet / sunder hefft men eine vorgeuelike vnfruchtbare ogen-
weide vnd vndüthliken orenklanc. Vnder den predigen lo-
pen / an manningen orde vele fabulen / lögen vnd dröme mede
dörch / van Ledich strodörchers vnd Kaffeyers / darmit de He-
ren wol tho freden syn / wo anders de Pastoren gude Myf / dede
befunden werden. Wat hefft dann dat arme Volck vör for-
del / vth einem losen / vndüthliken / affgödischen Spectakel / dar-
mit ide ein tydclanc is vpgeladen / vnd wert vngeleret /
hungertich vnd dörstig mit den ledigen Kelcke gesegnet vnd na-
huh gewysset / vnd dat moth likewol de Schape geweidet heten.
Wartick / wörde gy Heren also ock ein tydclanc geweidet / de
Krop scholde jw dünner werden.

De 28. Artickel.

Offt men ock mit Missen / ane alle voranderinge / als
affnemen vnd thosetten / de Catholische wyse vnd gewanheit
genklich holde: Vnd oft men ock den Canon gang / edder dar
wat vthe late / vnd also versücket lese.

Esse men ock gelbue/dat de Misse ein Offer sy vor de leu-
digen vnd doden/vor dat gude tho erlangen/vnd dat böse aff tho
wenden/vnd vor alle nodisaken recht angewendet werde. Vnd
dat nichts im ampte der Misse/noch in den Canone begrepen
sy/welck Godtloß vnd als ein erdom könne geachtet werden.

Antwort:

Inholdt.

Vp dre frage synt desse twe artickel gerichtet/der enigen
Misse belangende. De erste van den Ceremonien der Mis-
se. De ander van der Definition edder beschryuinge der Mis-
se/Wat se sy. De drüdde van Canone vnd syner Hilligen
vullenkamenheit.

1. Van Ceremonien der Misse.

Vnuor-
scheinte tere
der papen
van Ceremo-
nien der
Misse.
Triden-
Concl. c. 6.
Ses. 6.
can. 9.

Van den Ceremonien der Misse schriuen de Catholischen
grote dinge/ als dat se van den Apostolen vp vns gebracht syn
schölen/tho dem ende dat de Maieset so eines treffentlike offers
so vele mehr dardörch angepryset vnd vthgestreken/im geliken
valle de herte der gelbuiigen werden erwecket. Vnd dat de Pre-
ster dödtlick sündigen / so se van den Ceremonien vnd vrwen-
digen geberden / wat vorgeten vnd vthe laten. De ock nicht
Water thom Wyne mengen/syn vorstöket. Dat de Cere-
monien vullenkamen syn/vnd können de genade Gades vor-
denen.

Wunder-
bar tchfer-
dich apen-
spel eines
Wissedebers

Wann ein vngewönlick wyß vnd vorstendich minsche
süth Misse dohn kan he sich lachens nicht entholden/van wegen
des vnbestendigen/seltsamen/lichtferdigen/wunderliken wesens
des Missepapen / dat söuen kortwylige Apen nicht naspelen
könden. Der kleding/gestalt/forme vnd varwe kan ick nicht
alle ertellen. So wyl ick ock de Kerssen / Lampen/Wyroek/
Bate / Gößen/ vnd vele ander dockenwerck/vp diethmal varen
laten/vnd allein van synen Ceremonien/hanteringen vnd ge-

ber.

berden ein weinich seggen. Wann he wol vthgebuget/vnd vambystande orloff genamen/na dem Altar tredt/bucket he sich nieder/rüket vorerst vp de Werckstede/ offte se ock (kan dencken)na der vorigen herberge stincke/dann steit he eine tydelanc auer ende recht vp/flucks bucket he sich wedder dahl. Ein tydelanc redet he by sich süluest / balde heuet vp thosingen. Nu keret he sich thom Volcke / murret heimlich/ wendet sich wedder thosynnen Werckfüge vnd swicht stille. Bald keret he sich wedderümme vnd wert singen. Jekunds wendet he sich nach dem Norden/balde na den Osten/dann thom Süden vnd Westen. Dann waschet he de Vinger / stelt sich an/als wille he wat kafen. Jekunds sät he dal / balde kilet na dem Welstie (der Blenhemmel) heffe manninge Schermischelege vnd wencken/dat men nicht weth efft he Viandt edder Fründe sy / byten edder slan wille. Balde darup wert he slapen(vnd dat is ein gude teken) Doch waket flucks wedderup / strecket beide arm vth/Wyset mit der tyde wat he rede gemaket hebbe/vnd wenn idt em tho passie kümpe / freth vnd supt he alles wat vorhanden was/leth sich dat auerige einschencken/ delet nichts mede / (als redlike Kerls plegen) sunder wyset de ledige Bate/ rückt wedder vp de Mowen vnd stede/wo im anfang / swichte ein weinich wedder stille : Wert balde ropen/ als ein Waltesel/vnd alles vp frömbde sprake/dat men nicht weten kan/wo em dieth bekamē sy/wol edder ouel / edder efft he mehr begere/(welcks wol tho gelöuen) wenn he nu dieth spel also lange gedreuen heffe/wendet he sich runde omme / Wyset den läden de Kerckdören / wischerde Molen/geith daruan/vnd darmit is idt gedaht vp dat mal.

Desse/vnd noch vele mehr/sint de leue Wisse Ceremonien/dar etlike van den Mönsterschen Heren so grote Wyhr van maken / den Pastoren vpdringen / vnd by den Spannischen Banne alle tho holden/gebaden hebben.

Nu kan so kein Papiet süluest löchen/de Wisse Ceremonien

yn thom deele van Joden / thom deele van den Heiden/
etliker mate van den Ersketteren gelenet / ock vth den Pawstien
Hiernen gespunnen darauer van Damaso Hispano an / beeth
op Clementen tertium by acht hundert jahr gelappet vnd sti-
cket sy. Dewyle denn de Wisse vor den lesten lappen nicht vul-
lenkamen rede wesen künde / solget denn nicht / dat alle Wisse
deder in so vele hundert jaren vobannet syn / na den Decret tho
Trent / darinnne dath se alle Ceremonien der Wisse / de na-
mals erst erdacht syn / nicht gebrücket hebben? So synt ock auer
Söstich vnderscheiden Mönnikse orden / vehl Bischopdome /
Stiffte vnd Kercken / de in Ceremonien vngelik ere egene be-
sunderere Wisseböfe hebben / vnd ein ioder dennoech dat syne vor dat
beste helt. Sint dann desse alle vnder den stolte? Jek moeth idt
gescheen laten.

Wo kömpt idt denn / dat desse Menschen döruan vorgeuen /
sodane Ceremonien syn van Christo vnd den Apostolen herge-
kamen / so doch de ansanck der ißigen Wisse vnder dre hundert
Jaren na der Apostolen dode nicht gehöret / noch gesehen is /
vnd se siluest so mannich hundert Jaren darup gesmedet heb-
ben? Edder menen de Antichristianer allen Menschen hen-
uorth in soleken hellen lichte / darinne de Menschen der sünde vnd
dat Kindt des vorderues / dörch dat wordt Gades apenbare
is / Brille tho vorköpen / gelick se süßlange dat arme einfoldige
Volk / vmmen er gelt vnd gut homödich vad mit gewalt getü-
schet / vnd (wo tho besorgen) vele dusent vmmen ere salicheit ge-
brachte hebben? Sint nicht genochsam bekandt de Ceremonien
de Christus im Nachtmal gebruket heffte? Welcke Narren wol-
den desse Papen auerreden / Christus hebbe so ein Böfelspel am
Dissche gehalten / als ein Wissepape am Altar / des sief ein
vorstendich Heyde sehemmen worde?

Sint dann nicht vele mehr vorstöckt de videntlick wat vthe
laten / voranderen / vñickeren / tho setten / an vnd van dohn / dat
Christus de einige Köninck vnd Hogeprester na der Ordninge

Welchisedec süuest ingesettet / gedahn vnd tho dohn beuaten
heffe? Schölen nicht alle frame Pastoren vprichtig mit Pau-
lo van allen stücken eres Kerckendienstes seggen (vnd bewysent
oek) Ich hebbe idt vam Heren entfangen?

2. Van der Wisse / vnd wat se sy:

Darvan wert gesacht vnd gefordert / dat de Pastoren oek
bekennen / Se sy ein Offer vor der leuendigen vnd doden. Item:
Dat nicht allene de dode Jesu Christi sy ein Personcoffer / sun-
der dat Offer Brots vnd Wyns sy im geliken valle ein Sónof-
fer / darinne Christus so wol / doch nicht blödich geoffert werde /
als he sich süuest blödich am holte des Crüzes ein mal vpg-
offert hebbe. Vnd dat de Wisse nicht allene den leuendigen /
sunder oek den doden mitte sy / vnd dene thor verguinge der sün-
de / vnd linderinge der pyne.

Dat tüsschen der Wisse vor deme Altar vnd Offer Christi
am Crüge im Wesen / Krafft vnd werckingen neen vnderscheit
sy / dann dat de Wisse nicht sy blödich / vnd werde in allen beiden
vp eine wyse Godt vorsönet / dat ewige leuene erworuen.

Dat de Hostie in dre stücke gebraken / bedüde: Thom ersten /
de hilligen im Hemmel: Thom andern / de Kercken vp Erden /
Thom drüdden / de doden im Begeführ.

Dat de Wisse hebbe dryerley Krafft / na dryerley stande der
gelöuigen / als in der Werldt / im Begeführ vnd im Hemmel.
Im ersten stande werden dachlich sünde vorgeuen: Im andern
de pyne gelindert. Im drüdden de fröwde vormeret.

Is dat nicht deme bermuete aller Hellschen lögen / grüwe-
len vnd Gadeslesteringen / den bodem ganz vthgestött? Is dat
nicht andermal Christum crüzigigen / syn blot vnrein achten vnd
mit vöten treden?

Darüme du Christlike Mönstersche broder / höre vnd nim tho
herten / wat de Geist Gades in der hilligen Schriffe vam Offer
Jesu Christi redet / dat he nicht am Dische des Auentmals / ed-
der mit guden gesunden mode vnd lyue am Altar im Tempel

83.

1. Cor. 11.

Er schreck
tete laster-
worde des
Antichristi
van der Wisse
wedder de
dode Christi.
Trident.
Conc. Sess.
6. c. 2.

Gab. Biel.
lect. 26.

Durand.
Rat. Div.
l. 4. c. 51.

Alb. Ma
de Sac.
Ench.
Sermo. 4.

Heb. 6. 6.

Tüchemis
se der hillige
Schriffe vam
einigen So-
neopffer Jesu
Christi
wedder ge-
dächter Pa-
pen laster.

Matth.
26. 46.

Esai. 53.

Johan. 1.
Zach. 9.
Act. 4.
8. 10.

Heb. 7.
1. Pet. 2.
Esai. 43.

Esai. 63.
Matth.
20.

tho Hierusalem / sunder vnder aller Werlde sünde vnd vndra-
geliken gerechten Torn Gades vp den Berge van Caluarien
am Galgen des Cruges gedahn heffe / darunder he van Godt
ein tydilancf vorlaten is / als syn worde tüget : Myn Godt /
myn Godt / worümme heffst du my vorlaten ? So werst du
Gades gericht / de last dyner vntelliken sünde / ock de vneruorsch-
like ewige Leue des Hemmelschen Vaders / segen vns armen
Sünders dusentmal mehr daruth erfinden / als vth eines Mis-
sepapen lichtferdigen Gökelspele vnd Narrenwercke. Also
Vorwar he droch vnse krankheit / vnd loth vp sich vnse schmer-
te. He is vmmme vnser missdat willen vormundet / vnd vmmme
vnser sünde willen thoslagen. De straffe licht vp en / vp dat
wy frde hadden / vnd dörch syne Wunden sint wy gehelet. Bal-
de darna / Wann he syn leuene thom schultoffer gegeuen hefft /
so wert he Sade hebben. Balde / vnd dörch syne erkennisse
wert he / myn Knecht de Rechtferdige / vele rechtferdich ma fen /
wente he drecht ere sünde. He is allene dat Lam Gades / dat
aller Werlde sünde drecht vnd delget. Er alleine / vnd kein
ander / heffe vns vth der fulen dar neen Water inne was / vor-
löset. Dessen vnd nenen anderen / geuen alle Propheten
tünchenisse / dat vorgeuinge der sünde hebben dörch synen namen /
alle de an em gelöuen.

He was allene so ein Qualificerte / edder bequeme persone
tho dessen högesten wercke / (den Minschen mit Gade dörch syn
Blot thouorsönen) als Gerecht affgesündert van allen Sün-
dern / de nene sünde gedahn hefft / vnd nene bedregerye is in sy-
nem munde gefunden : Vnd also allene de H E X E / vnd is
ane em neen Heylande / den wy mit vnsern Dfferen nicht gede-
net hebben / ja wy hebben em arbeit gemaket in vnsern sünden.
He / he delget vnse auertredinge vmmme synene willen. He
tredi de Wnperssen allene / vnd is niemandt van den Bölekeren
(noch weniger van den Missepapen) mit em. Des Men-
schen Söne is gekamen / nicht dat he sich denen late / sunder dat

he dene/vnd geue syn leuent tho einer vorlöfinge vor vele. Wy werden ane vordens rechtferdich / vth syner genade / dörch de vorlöfinge de dörch Jesum Christum gescheen is / den Godt heffe vorgesettet tho einem Genadensole/dörch den gelouen in synem Blode. Men holde allene dat 5. vnd 10. Capitel an de Hebreer / gegen de gedachte Gadeslaster der Römischen Papen / so werde de sake so vele klarer / vnd dat vp folgende wyse:

De Schrifft secht / Im olden Testamente hebben de Prester / Offen / Keluer vnd Bucksblot gehatt / thom Offer vth Gades insettinge / auerst idt syn figuren gewesen / vnd hebben de sünde nicht wechnemen können. De Antichrist secht / syne Misssepapen können ane blüdige offer de sünde delgen.

De Schrifft secht / Nemandt hebbe den Sone Gades offeren können / darum hebbe he sick säluest geopffert. De Antichrist secht dargegen / Neen / sunder syne Misssepapen offeren en dachliches an velen dusent Altaren.

De Schrifft secht / Ane Blot vnd Dode könne neen Offer gescheen. Vnd dewyle Christus nicht mehr sterue / vnd de Dode nicht mehr auer em hersche / so werde he ock nicht mehr geopffert : Solde he auerst geoffert werden / so möste he ock Blot vorgeten vnd steruen. De Antichrist secht / He werde dachlich geopffert ane lyden vnd steruen.

De Schrifft secht / Christus hebbe am Crüze gespraken / Nu is alle dinck vullenbracht. De Antichrist löchent dat / vnd secht / Idt werde noch dachlichs in der Wisse vullenbracht / de so krefflich sy / als dat lyden vnd steruen des Söns Gades am Crüze.

De Schrifft secht / Christus hebbe Eyn Offer vor de sünde geoffert / dat ewich düre / darmit he vnse Conscientien gereyniget hebbe Gade tho denen / vorlöset van den auertredingtn / vullenkamen gemaket in ewicheit de geilliget werde / dat ewige crue tho

erlangen. De Antichrist secht / nicht allene dörch den dode Christi / wecks Offer nicht ewich düre / demyle de Wisse ock ein Dpffer vor de sünde sy.

6.

De Schrifft secht / Wor vorgeuinge der sünde is / dar is neen Offer mehr vor de sünde. De Antichrist secht / De Wisse sy ein Offer vor de sünde / so vorlöchent / he jo vorgeuinge der sünde dörch dat Offer Christi erworuen?

7.

De Schrifft secht / Christus sy ein mal int Hillichdom getreden / vnd hebbe eine ewige Erlösinge gefunden. De Papen auerst gahn dachlick in er Hillichdom / darüm können se de Erlösinge nicht finden.

8.

De Schrifft secht / Christus sy darümme ein Middeler des nyen Testaments / dat he dörch den dode vorlöset hebbe van den auertredingen / de jennen de geeschet werden. De Antichrist secht / syne Wisededer sy ock Middeler.

9.

De Schrifft secht / Sündiget jemandt / so hebbe wy einen Borspraken by Gode den Vader / Jesum Christum / de rechtferdich is : Vnd desälue is de vorsöninge vor vnse sünde / nicht allene auerst vor vnse / sunder ock vor der ganzen Werlt. De Antichrist secht / Sündiget jemandt / so hebben wy de Prester / dat Offer der Wisse / dat bringet vorgeuinge der sünde / linderinge der pyne / fröwde in Hemmel.

10.

De Schrifft secht / Ich kenne nemandt (vorstah in dessen valle) den Christum den gecrüzigeden. De Antichrist secht / tüsschen der Wisse vnd dode Christi sy am wesende / krafft vnd werckinge neen vnderscheit.

Genes 19.

24.

O Hemmel wo bist du nu so kolt? Wor is nu dyn Bähr vnd Sweuel / dat du auer Sodoma vnd Gomorra regen letest / Welcker sünde by der Wissepapen Gadeslasteringe nichts is / dariane dat Lam Gades mit synen Wunden / Blode / Dode vnd ewigen verdenste vpt vierste vorworpen wert vnd vorachtet? Worümme vorebrendest du de twe Prester / Aronis Söner / Nadab vnd Abihu / de frömdt Bähr offerden / vnd

Leu 10 1

Kanst desse verschonen de nichte frömdt Vühr/sunder vele vntel-
like valsche Gößen offeren/dem einigen Christo Jesu/thor hō-
gesten vorsemainge?

O Erde/ Wo bist du nu so harde/dewyle du Chore / Da-
than vnd Abyrem leuendich vorslungen heffst/welcker missedat
nicht tho vorliken is/ by dessen halffstarken lasters/de nicht als
de jenne wedder Mosen vnd Aaron murren/sunder int antlath
Gades vnd syn Euenbelde spyen/syn Blode schenden/den Geist
der warheit lögenstraffen? Dat is o Jesu Christe dyne grote
gedult vnd lanckmōdicheit/de du de Vate des torns dūldest vñ-
me der vtherwelden willen / tho Mōnster / vnd anderswor dy
wol bekant. Kum H E X E Jesu balde/Erlöse dyne arme
Gefangen van dem swaren jöcke des Antichristi/Spyse de hun-
gerigen/de dat Hemmelbrod dynes tröstliken Gōdliken Wor-
des mit heten tranen söken / vnd vinden nemandt de idt em
breke.

Wat wider den Offeren angeith / schal ein ider weten/
dat tm nyen Testament dersüluen vele syn/darinne sick alle ge-
lōutige dachlikes öuen schölen.

Thom ersten/hebben alle Pastores vnd Kerckendener / dat
Euangelium Christi / vnd sint Hushölder auer Gades ge-
heimnisse/darmit se so vele tho offeren hebben / als en mögeli-
ch is/wo geschreuen steith: Ick schal syn ein Dener Christi manck
den Heiden/tho offerende dat Euangelium Gades / vp dat de
Heiden ein Offer werden / Gade angenehme / gehilliget dörch
den H. Geist. De so offeren/sint rechte Presters. Auerst
de Misssepapen können minn thokamen/vorsiahn ock vnd wetens
nicht / sunder haten vnd vrsolgen mit erem anhangen/dōden
vnd erwörge alle de dessen Offer anhangen so vele en mögeli-
ch.

Thom andern / wert dat hillige Auentmal van eiliken
H. Vederen/ein Danckoffer/nicht vnbillick genōmet / dewyle
men des dodes Christi/mit gelōutigen herten dar gedencet/vnd
Gade danck vnd loff secht/vor de vorlösingē dardörch vpgerich-

Num. 16.

1. 27.

Heb. 2.

Christen
sint nicht a-
ne offer vnd
wedanige de
syn.

1.

1. Cor. 4. 1

Rom. 15.

16.

2.

Hebr. 13.

15.

1. Cor. 12.

26.

70.

tet. Des hebben sich de Apostolen beflitiget / vnd newerle mit dem Auentmale sünde tho delgen / vth dem vormenten Bege-
führ de Seelen tho redder / sich vnderstanden / noch in sinn ge-
namen.

3.
Ose. 6. 6.
Hebr. 13.
16.

Thom drüdden / Almissen geuen vñ de barmherticheit den
negeffen bewysen. Ick will barmherticheit vnd neen Offer.
Item. Wol tho donde / vnd mede tho delende / vorgetet nicht /
wente solcke Offer behagen Gade wol.

4.
Roma. 12.
12.

Thom verden / den olden Adam döden vnd syne lüste. Ick
vormane iw leuen Bröder / dörch de barmherticheit Gades / dat
gy juwe Lyue begeuen thom Offer / dat dar leuendich / hillich
vnd Gade gefellich sy. Welcker sy juwe vornüfftige Gades
denst / vnd stellet iw nicht gelick desser Wert.

Psal. 51.
1. Pet. 2. 9.

Desse offere behagen Gade vñ geschen nicht van geschoren /
gesmerden Papen im Wympelwercke am Altar / sunder van al-
len Christen ordentliker gebörliger wyse / de Geistlike Köninge
vnd Prester syn / vñ allen orden des Erbodem / als geschreuen
steit / Vam vpgange der Sonnen bech thom neddergange / schal
myn Name herlich werden manck den Heiden / vnd vñ allen ste-
den schal mynen Namen geröfert vnd ein rein Spysoffer ge-
offert werden.

Malach.
1. 11.

3. Vam Canon der Wisse:

Seß. 6.

cap. 4.

Luch Dñ
uel luch.

Daruan seggen de Mönstersche Inquisitoren also vth den
Concilio tho Trent / Dat he sy ane Erdöm ganz rein vnd
dorch vth hillich / Cricius Polonus secht / de Canon der Wis-
se sy ein Geheimnisse van Christo vnd den Apostolen herge-
brachte / nicht tho begripen / sunder anthobeden.

Antwort.

De Wisse
im Dome
tho Mönster
mit welen
predigen vñ
högeste ger-
met vnd vor-
hget.

My is nicht vorborgen / welcker gestalt ermals ein Predi-
ger tho Mönster de Wisse vththoleggen sich vngenanen / vnd
den Canon / welck dat Herte vnd Seele der vorflöckten Aff-
gödischen Wisse is / vñ högeste gerhömet vnd hervor getogen
doch

doch nicht vorgeues / sündet eine vette Vicarien darauer tho lone bekamen hebbe. Hesse he dat vnwesenlick gedahn / so vorgeue idt en Gode. Auerst so er ehr / gunst vnd guth darmede gesocht (als vth etlicken vmmessenden vormöslit) vnd wedder syne Conscientien gehandelt hesse / wert he deme gericht Gades nicht entriinnen.

Ick kan auer mit guden geweten vor den angesichte Christi fry betügen / dat kein vuler / vnstetiger schantflecke / bouerue vnd Affgödischer Däuelischer dinc is vnd syn kan / als de Canon mit der Wisse (Esst schone de Worde / Dat is myn lyff / darmede ingedwungen werden) daran sief Jöden vnd Heiden dermaten ergeren / dat se de Christen haten / vorfolgen / vnd darümme nichts min gedencen / als Christen tho werden. Nu weren vele Böker tho schriuen / so men den Canon recht vthstricken wolde / auerst ick besyhte my der körte / vnd entblöte den Canon mit twen affgeruckeden lappen / late einen rechten Christen darin schouwen / vnd daruan ordelen.

Vnder velen Gadeslastern bedet de Misspape ock / thom ersten / Godt de Vader / wille syn Offer gnedig ansehen / gelick he dat Offer Abels in genaden angesehen hebbe. Thom andern / Godt de Vader wille dörch de hende der hilligen Engelen dat salue Offer henup vor dat hoge Altar im Hemmel dragen laten.

Auerst desse worde most du nicht lichte auerhüppen / sunder bedencen / wat se in sief hebben. Thom ersten / so bedet de Misspape vor syn Offer / Godt wille idt genedich ansehen / als dat Offer Abels. Wat is nu syn offer vpon Altar? Se seggen / idt sy de ware Gode / Christus Jesus / van der Jungfrouwen gebarn / am Crüze gehangen. Is dann Godt de Vader synen Söne vngenedich / törnich vnd gram? Vnd wormede hesse dat Christus jegen synem Vader vorschuldet / de doch beeth am dode des Crüzes em is gehorsam gewesen? Is he em auerst nicht törnich / worümme bedest du dann vor em / vnd settest dy

Two
Christaster
liche säck /
vth den Ca
none getage

Inholde
der twyer
säcke.
Misspape
pen willen
Widdeter
syn tösschen
Godt den
Vader vnd
synem Söne

thom Middeler / nicht tüsschen Godt vnd einen hupen sündler
 vop Erden / sunder tüsschen Godt dem Vader vnd synem einigen
 leuen Söne / tho syner rechten hand sittende ? Wo kan siek ein
 Creatur wedder de Maestet Gades höger erheuen ? Lucifer
 heffe siek nicht so deph tüsschen dem Vader vnd Söne ingedrungen /
 als ein Misspape / mögen derhaluen wol thoschen dat se
 oek nicht deper im affgrunt als he herunder gesidt werden. Wil
 nicht seggen / dat se Christum by Abels Offer vorlifen.

De Engel
 sint harer
 als der Pa-
 pen Brodt-
 gott.

Matth.

28.

Thom anderen bidden se / de Engel willen doch die Offer /
 (Christum erer meninghe nach) vth des Vaders beuehl vpwert
 im Hemmel dragen. Nu is er Christus / edder dode / edder
 leuendich / vnd amechtich / edder leuendich / vnd almechtich. Is
 he leuendich vnd starck / so bedarff he der Engelen hulpe nicht /
 den disse Person heffe alle gewalt im Hemmel vnd vop Erden.
 Is he auerst dode edder swack / nicht so starck als de Hemmelsche
 Geister / so is idt nicht de rechte / Sunder ein vormeinter Chri-
 stus / Nemlick de Mausis vnd grüwel der vorwöstinge / den gy
 mit Golde ehren / als Daniel vnd de rechte Christus daruan ge-
 wyssaget hebben.

Dani. 11.

Matth.

24.

Dergeliken Gades laster is de Canon vnd Wisse vull /
 scholde denn ein vprichich Pastor by vorläst synes Hemmels-
 deel / densüluen nicht myden / ja vele mehr straffen vnd vordömē /
 oek alle Menschen warnen / dat se van der Wisse bliuen / darby
 vntellick vele böser Geister ere Kercknisse holden / vnd de thohö-
 rer im krefftigen erdome vorblenden?

De 30. Artickel.

Dffe men oek by den gewönlikē Kercken sange bliue / edder
 se vorworpen edder vorandert hebbe. Dffe men oek dädische
 Gefenge in der Wisse mede in menge / welcke vñ wodan de syn /
 vnd vth wat macht men de inuöre?

Antwort.

Dit is oek vte Concilium tho Trente gegründet / dat also

ludet

ludet/wol dar secht dat men in Moderliker sprake allene Wisse-
don schöle/de sy vorflocht/vnd dith alle vp Pausi Nicolai des er-
sten geboth/dat men den Gadesdenst in latinischer sprake hol-
den schöle.

73.
Ses. 6. c. 9.

Aneas Syluius schrifte/dat Pausi Formosus den Polen
vnd Wenden na langen anholden / groter läde vörbede / vnd
cinem Mirakel des Himmels / daruth men desse stemme hörede/
Omnis lingua laudet Dominum / dat is / In allen spraken
schal men Gade denen / thogelaten hebbe / dat se ere Väderlike
sprake in Gadesdenste bruken möchten. Yset nu den Polen vnd
Wenden fry / worümme scholde ide vns Dädischen böse vñ vor-
baden syn? Dewyle alles in der Kercken thor buwinge gescheen
schal / vnd mit frömden tungen reden nicht nütte / vnd in den
wynn geredet is? Vnd beter vyff vorstendige wordte in der Ge-
mene reden / dann teindusent mit vndädischen tungen? Vnd
dat ide alle vthgelecht vnd gedüdet werde / wat Latinisch edder
in ander sprake vor dem Volck gesacht is? Wenn vorflocht
dann dat Trentische Concilium? Christum / den Apostel Pau-
lum / den H. Geist säluest.

Hist. Bo-
hem. c. 13.
Den Pola-
ten vnd
Wenden
hefft de
Pausi thoge-
laten/den
Gadesdenst
in eret ange-
baren sprake
ho verricht
1. Cor. 14.

Worümme sint doch desse Heren den dädischen Gesenge so
vpsettisch vnd vyende? Ich rade vth twen orsaken. De erste/
se weten wol dat de einfoldige Mann / darunder vaken scharpe
vorstendige läde sint / seltsame gedancken frigen würde / wann
he eren Sanct vorstände. De ander orsake / So sint vele vn-
gelderde Chorel / de säluest nicht vorstahn / vnd also vndüchtich
syn / vth tholeggen wat se mümmelen edder brallen. Wo wol
se nu alle dage Thor vnd Kercken vull ropen / is der armen Ge-
mene mit den ganken gesinde nicht mehr gedenet als mit stum-
men Hunden / de dennoch vele freten / vnd mit eren Krölen noch
nicht einen Sünder bekeret hebben. Dannen also tröstlike
lehrhaffte / geistlike dädische Gesänge thor Kercken henuth / beth
ide Gode vordrete.

Worümme
de Pape die
Dädischen
gesengen so
oyent syn.

Esa. 56.
10. 11.

De 31. Artickel.

Effte men den Lychnam Christi in den Sacraments huse

R

edder

Lechte
vnd lampen
by hellen da-
ge vor den
dorfften en
Wagen.

edder in einer ander rein stede/mit jüsterbernenden lichte be-
ware. Effi ock in den Kercken Consecrerde Ostien vor de Kran-
cken alletpde bereidt syn.

Antwort.

Pawest Innocentius des namens de drüdde/ hefft gebaden/
dat men stedes de Ostien in der Kercken bereit hebben schöle/
vntrendt des 1203. jahrs. Syn nasolger Honorius 3. hefft de
Kercken den blinden Gade gestiftet.

De ware Wünschliche lyff vnser Heilandes Jesu Christi/
ist vorlangest vpgestanden/ licht nicht mehr im Graue mit
Scharianten bewaret/ is nicht blindt/ dat he by hellen dage
Lampen edder Kercken bedarue: Sunder is vpgesaren im
Hemmel/ dar dich Lam Gades Sünne vnd Lecht is/erluchtet
ock alle/de in desse Werlde erluchtet werden. Ein Diltua-
der secht/ By hellen dage in Religions saken bernende lichte
hebben/ sy Afgöderne. So dann Blindenleider ein Nest
vull junger blinder Göder hebben/ mögen se den lichten/beth
se sehen können. Ich will auerst iw Missesmeden vnd den gan-
gen Römischen hupen trost beden/wo gy mit allen juwen Ker-
cken/ Lampen vnd Brillen/efne Consecrerde Ostien van einer
vngconsecrerden vnderscheiden vnd kennen können. Wat heb-
be gy doch dann en geleret? Edder wat hebbe gy anders vth en
gemaket als se thovören weren? Mit venyn können jenne Ca-
tholische de Ostien vnd Kelck thovrichten vnd voränderen/dat
Pawst Victorinus 2. Deme de Diaken dörrch den Kelck/vnd
Keiser Heinrick Lutzelborgensis deme ein Dominicaner
Mönnick dörrch de Ostien den Giffe anbrachte/dat leuent beide
darby laten mosten. Mit deme wesent licken Lyue vnd Blode
Christi kan neen venyn (utpote cuius capax non est) noch
dode/anderen angedahn werden.

De 32. Artickel.

Effi men ock dat Sacramente tho den Krancken drage/
Lecht

117 Missespa-
pen kennen
erem Brodt.
godt nicht
wann he sic
vnder twe ed-
der dre sy-
ner vorigen
gefallen ver-
strecken hefft.
Pawst vii
Keiser sint
mit Wisse
gögen vnr
bracht.

Lichte daruor dragen vnd Schellen klingen late / den gelouigen
ein teken darmede tho geuen.

Antwort

Neen. De Krancken besöke wy na den beuehl Gades al-
lene / vnd hebben nicht des dages / sunder im düsteren / lüchten
vnd kerffen. Dat worde Gades is ein lichte vor vnser böten /
lüchtet int herte herten / des gy berouet syn / als juwe lichte tün-
gen. De Schellen late wy den Narren / de sunderlike lust
dartho hebben. Achten niche wat Honorius 3. vntrent
1215. vnd Greg. 9. Anno 1241. van dessen klingen gefan-
tizeret hebben.

Esa. 56. 10
Psal. 119.

Schellen
klingen vor
den Böten.

De 33. Artickel.

Effemen vy des hilligen Lychnams / vnd anderen gewon-
liken Fesdagen den H. Lychnam mit reuerens vmmedrage /
vnd lere dat Volk sie idler spelwerke / schers vnd geswes tho
entholden / sunder andechtig vorher gahn vnd beden.

Antwort

Dat Fest dieses juwes Lychnams is vam Satan vth der
Helle gefunden / mit düuelischen vnd lögenhaften wunderteken
bestediget / by vns vnd allen rechten Christen vormaldeyret.
Vnd dewyle ju Lichnam mit allen andern hölten / stenen / sül-
ueren Gözen / blinde / stum / lam vnd dode is / so möge gy
se samptlick alle slegen vnd dragen / einen Düuel als den
anderen / so lange idt Gode tholet. Desälue juwe Lich-
nam is so sticht vam fleische / knaken vnd dögeden / dat ei-
ne Mus ane swarheit darmit kan strifen gahn. Actorum
am 17. 24. Auerst vnse Gode / de de Werlde gemaket
heffe / vnd allent wat darinne is. Na dem mal de ein HE-
DE is / Hemmels vnd der Erde / wanet henicht in Tempe-
len mit hendern gemaket / Syner wert oek nicht mit Minschen
hendern geplegert / also de jemandes bederue / so he jedermanne dat

Des Lid-
nams Fest
Matth.
24. 24.
2. Thes.
2. 9.

Des rech-
ten vnd na-
türlichen ih-
ues Jesu
Christi gele-
genheit vnd
woning.

Phil. 3.

leuent vnd athem allenthaluen giffe. Ock vnser Heilandes
Jesu Christi hillige Eynige Iyff ist leuendich/ persönlich mit de-
me ewigen Worde des Vaders voreiniget/ lüchtende in vner-
forschlicher klarheit im Hemmel. Ist in der Prester hende ein-
mal also gehandelt/ dat he in ewicheit dar nicht wert wedder in-
kamen / vnd so wenich he sich im Monstrangen / stinckenden
Mürldöcken vñ Mussegaten leth sluten/so weinich vorwachte wy
en vth den allen / sunder allene vth deme Hemmel/ als Paulus
secht.

Dat Volck auerst lere vnd vormane wy stitich vdelheit tho
myden / beden / Gade tho denen / thom rechten gebruke des
Hochwerdigen Nachtmats Christlick sich tho bereiden. La-
ten sderman vth den schentliken lasteren/sünden vnd böueren/
de vp suwen Kerckmissen / Gößen / vnd Stückendrachten/ge-
scheen /ordelen vnd richten/van welcken Geijte solckes alle gedre-
uen werde.

De 34. Artickel.

Esse men ock geloue dat dieth Sacramente wegen der je-
genwerdicheit Christi mit der ehre de de me Köninge vnd deme
H E R E N aller Heren geböret /tho vorehren sy.

Antwort.

Wat vor
ehre deme
Könige al-
ler Köninge
geböre

De ehre/de dem Könige aller Königen gehörich ist /allen
gelouen/höpeninge/vortruwen vnd Thouorsicht vp En setten/
In nöden en anropen/vmme reddinge an Iyff vnd Seele vmme
erlöfinge van Däuel/sünde vnd Ewigen dode bidden: En
dancken / lauen/ pryfen/denen vnd leuen bauen alle dinck/van
ganken herten / gemöte vnd krefften : Vmme synes namen
willen tyden vorfolginge/pyne vnd den dode/vnd in syne hende
de Seele beuelen.

Wol de
Köninc al-
ter toninge
sy.
1. Tim. 1.

Wol ist dann de Köninck der ehren? Paulus secht ane vn-
derscheidt der personen im Gōdeliken wesende also: Gade de-
me ewigen Köninge/deme vnuorgenckliken vnd vnsichtliken/
vnd

vnd allene wysen/ sy ehr vnd prys in ewicheit/ Amen. Vnd de Engelen/ ehre sy Godt in der hōgedē. Vnd de gelouige anhanck Christi in synen lesten Instage tho Jerusalem/ Frede sy im Hemmel vnd ehre in der hōge. De vnd dergeliken sprōke van Gōdliker ehre/ werden vp alle dre Personen gemenet/ gēliker natur/ Maiejet vnd werden. Insunderheit auerst wert desse Tyeel/ Kōninc vnd Hēre aller Heren/ Jesu Christo in hilliger Gōdliker S. hrifft thogeeget. Se hebben den Hēren der Ehren gecrūstiget. Hesse einen Namen geschreuen vp synem klede/ vnd vp synen hufften/ also/ Ein Kōninc aller Kōninge/ vnd Hēre aller Heren. Dessem Jesu vnd Kōninge aller Kōninge/ wert Gōdlike Ehre gegeuen im Hemmel/ Esa. 6. Apocal. 4. Vnd vp Erden. Act. 7. 1. Corinth. 1. Act. 9. Vorwelcks namen de Affgrunde ketert. Philip. 2. Vp dat se alle den Sōne ehren/ gelick als se den Vader ehren. Wol den Sōne nicht ehret/ de ehret den Vader nicht.

Worūmme gebōret den dessen Kōninge de Gōdlike Ehre vnd Herlicheit? Warlick he hesse se nicht gerouet/ hesse sich oec sātuest nicht in de ehre ingesettē/ sunder de tho en gesecht hesse/ Du bist myn Sōne. Item: He entfencē van Gade ehre vnd Prys. So hōret em desse ehre darūm dat he vnd de Vader ein synt. Dat Hemmel vnd erde dōrch ein gemaket synt. Darūmme frūchtet Gode vnd geuet em de ehre/ wente de endt synes gerichtes is gekomen/ vnd bedet den an/ de dar gemaket hesse Hemmel vnd Erde: Vnd dat he allene syne Kerken erlōset/ vnd gewosschen hesse mit synen blode/ Wente van Em vnd dōrch Em vnd in Em/ synt alle dinck/ Em sy ehre in Ewicheit Amen. Wy segē syne herlicheit/ als de herlicheit des eingebarn vān Vader. Item: He bewysde syne herlicheit/ vnd syne Jūnger geloueden an Em. Is Godt gebenedeyet in ewicheit. Dith sint orsake/ worūmme desse H E X S aller Heren/ Gōdlike ehre entfange.

Nu willen de Heren van der Inquisition/ Men schōle erem

77.
Luc. 2.
Luc. 19.

1. Cor. 2.
Apoc. 11.
Et 19.

Johan. 5.
 23.
 Vth welc
 ten orsaten
 Christo Godt
 site ehre ge
 bōre.
Phil. 2. 6.
Heb. 5. 5.
2. Pet. 1.
 17.
Johan. 10.
 30.
Joan. 1.
Heb. 1. 8.
Apocal.
 14. 7.
Ephes. 5.
 26.
Roma. 11.
 35.
Johan. 1.
Joan. 2. 11.
Roma. 1.
Johan. 5.
2. Pet. 1.

Sacramente euen desälue ehre ock geuen: So is jw Sacrament de H E X E aller Heren süluest: Edder densätuen dorchuth gelick. Nu sette gy hir twe Individua & subiecta diu versa (wowol gy vp anderen tyden eins daruth macken) Dat Sacrament/ vnd den Köninck aller Köninge süluest. Derhaluen bekenne gy ja dat ide de H E X E süluest nicht sy. Wol so moth dat ein gelick syn/ vnd also na juwer meninge Gödeliker ehren werth. Iset ein gelick/ so moth ide edder de Vader/ edder de hillige Geist syn / buten weleken Christus Jesus (desser Gödeliker natur nach) nenen geliken hefft noch hebben kan. Dat werde gy ock nich nageuen.

Wat is doch dan Jw Gode/ den gy mit der Ehre des ewigen Köninges willen geehret hebbē? He moth so edder van ewicheit gewesen syn edder in gewisser tyde geworden. Nu vorsake gy süluest syne ewicheit in den 41. vñ 42. Artickeln desser Inquisition/ derhaluen is he in der tyde geworden/ vnd also / edder gebaren/ edder gefaren: Gemaket edder gebacken/ vnd folgenden sterfflick edder vnsterfflick. Is he vnsterfflick vnd wert nicht in synem Hemmel jwen Bucke ersticket edder vorsmoret/ wann gy en vpfknappen / Wat dringet jw dann so vaken eilike Nye tho maken?

Is he sterfflick vnd wert vordouwet/ Wor bliuen dann syne trāwe Dener mit der Gödeliken Ehre? Int Begesühr.

En/ segge gy/ Wy bedaruen soleskes Disputerens nicht/ de Catholische meninge vnd Sententie is genoch. Dat is/ wol so/ dat juwe gewalt vnd grote worde allene gelden. Ein Christ auer gedencet dar enjegen/ Wol balde gelöffe/ de wert balde bedragen / vnd dat de ewige Fröwde vnd Salichheit / by rechter Gödeliker ehre gewonnen/ vnd by valschen Bahn vnd Affgöderye sy verlären.

Grund is vch Hilliger Gödeliker Schrifft bewysset/ mit wat Recht vnd Fogen de Einige vnd Ewige Söne des Vaders Gödelike Ehre in Himmel vnd vp Erden enefange:

Wann

Wann wy Christen den juwen Sacramente de helffte Ehre/ vnd de anderen helffte dem ewigen Könige geuen scholden/ Möste men des gewissen grunde vnd tüchenisse hebben/ darmit men nicht in aller beide / edder allene in des einen/ ewige Vngnade vnd Torn vorsinken möchte. So geuet vns vaste vnbewechlike Argumenta/ edder bewyß/ dat wy juwen Sacramente oek sodane ehre schüldich sint.

Darup geue gy diih Antwort: Vmme der jegenwardichheit Christi willen. D Neen/ Leuen Heren/ dat Argument is vele tho franck. Dann so ick/ sw lete gudt syn/ Jw Wissebroth wer ein Sacrament (dat nicht gescheen kan) vnd gy alle arth vnd wyse/ na welcker Christus synen Creaturen jegenwardich is/ in juwen Sacramente bewyset hadden / so folgede noch nicht/ dat ide darümme scholde vnd möste mit Gödliker ehre gedenet werden/ vth dessen orsaken.

Orsake darümme de Papisien er Wissebrode ate Gede sit west ehren.

1. Thom ersten / Is de jegenwardichheit Christi in juwen Sacrament allgemeyn / so isset so weinich darümme anthobeden / als Himmel/ Erde vnd alle Creaturen de darinne sint/ welcken Christus oek / als warhafftiger Godt mit dem Vader vnd Hilligen Geiste / alle jegenwardich is.

Dat brod is vmmen aerth arth der jegenwardichheit Christi Gede ate ehren werth.

2. Darnegeß/ so Christus in juwen Sacramente lyfflick jegenwardich were (dat men sw nicht gestendich is) möchte dat so weinich derwegen angebedet werden / als de Tempel tho Jerusalem / der Phariseer Hüse / edder de Wege / Krübbe/ Junckfröwlike Lyff vnd Schoe Marie syner Moder/ Esel darup de H E R E tho Jerusalem in getagen is / vnd dergeliken / van welcken nenes vmmen syner jegenwardichheit willen/ Gödlike Ehre entfangen heßte/ Vele weniger sw Sacrament/ dem he noch nicht so na gemesen is.

Hier. 23. 24. Act. 17. 27. Heb. 3. 3. & 6.

3. Thom drüdden / De jegenwardichheit Christi vmmen der Sacramentliken voreiniginge willen stretchet siel oek so wyth nicht / datt dat Paschelam / Dat Water vth den Vesse / im Jordan / Döpestene / edder Brodt vnd Wyn

im rechten gebruke / darümme in des ewigen Königes stede geehret werde / Ick swige sw Missebroth / dar nichts Sacramentliks inne is.

Johan. 14
23.
1. Cor. 3.
16.
1. Cor. 6.
19.
2. Cor. 6.
19.
Apoc. 19.
S. 22.

4. Wider is: dann de segewardicheit Christi in juwen Sacramenten Geistlick / dörch sunderlike genaden? Dat were noch nicht genoch / dewyle Christus in den Engelen vnd allen synen Hilligen gelbūigen geistlick wonet / als in synen Tempel / (dar sw Missebroth nūmmere mehr thokamen kan) vnd syne Ehre densāluen nicht mede delect / de se ock mit nichte begeren noch annemen.

5. Thom vōfften vorsehe ick my / Gy werden nene Persōnlike voreyninge des brodes mit deme Könige aller Königen sw dichten vnd inbylden / sintenmal dat ewige wort des Vaders neen wesen edder Substantien buten der einmal angenamē Mīnschlīke Natur in ewicheit annemen were / de ock sāluest in erer waren egeschop blyffe / de der vnersfōrschlīken Gōdliken Maiesstet / als ein Creatur nicht gelick werden kan.

6. Edder wolde gy sw gern mit der Transubstantiation behelpen? So wete gy wol / dat desāluē van allen Catholischen noch nicht angenamen is / vnd gy alle / sw der billick schemen mōten.

Hier. 2. 8.
Gades ei
del auer de
Brodgōgen
dener.
Obid.
vers. 11.
Gal. 4. 8
Psal. 69. 5
Hier. 10.
10. 11.

Darümme moth ick sw den Text voh der Bybelen vōrlesen darmit gy / sw brodigode / syne ehre vnd sw lohn dūdtlick beschreuen / idermennich (so vele mōgelick) bekant werden. De Presster gedachten nicht / Wor is de H E X E? Vnd de geleerden achtēden myner nicht / Vnd de Herde vōreden de lūde van my / vnd de Propheten wyssageden van Baal / vnd hengen an den vnnūttē Gōgen. Balde / Myn Volck heffe de herlicheit (Gades) vorāndert vmine einen vnnūttē Gōgen. Gy den vnd ehren dat van natur neen Gode is / sunder Dāuele / edder neste der Dāuelē. Hieremias secht / De H E X E is ein recht Gode / ein leuendich Gode / ein ewich Köninck. Vorflocht syn de Gōgen de Hemmel vnd Erde nicht gemaket hebben.

Matth. 4. 10.
Ezal. 42.
& 48.
Hier. 2. 28,
Indic. 10. 14.

Hier. 17. 5.

Juwe Godt/den gy Papen vpon Altar mit juwen henden handelen/hesse Himmel vnd Erde nicht gemaket/ Iſt derwegen vram Propheten vorbannet vnd vormaledyct. Scholde men hyr nicht exclameren vnd seggen/Packe dich Satan/dar sieit geschreuen/ du schalt Godt dynen H E R R allene anbeden vnd denen/denn ick wyl myne Ehre nenen anderen geuen? Vnd dich schöle gy tho lone hebben/dat sw ock neen ander Godt denn desse/den gy Göttlike Ehre angedan hebben/in juwen vtersen nöden bystan werde. D gy arme vnſinnige betouerde herten/Sint doch Heyden ne so deep in Affgöderne vorsapen/dat se so einem gesmerden lepken deges Göttlike Ehre angedan hebben als gy dohn. Vorſtöck sy de jenne/de syne höpeninge vpon Menschen settet/de doch dusent mal mer sint als juwe Elende Brodtgode/de sich der Müggen/Flegen/Müſe/&c. nicht erweeren kan.

De 35. Artikel.

Wo men den Kerspel lüden dat Sacramente geue/vp eine/ edder vp beyderley gestalt?

Antwort.

De Söne Gades hesse dat Sacrament vp beyderley gestalt ingesettet/säluest empfangen/ vñhgedelct vnd also tho dhon beualen? De Apostel sint dessem beuchl vnd Exempel ock trüwelict nagekamen/ als Paulus secht: Ick hebbe ide van dem H E R R empfangen &c. So vaken als gy van dessen brode eten/ vnd van dessen Ketele drincken &c. Iſt vns ock euen so wol beualen/syntis schuldich vnd dhont gerne.

Beide gestalt des Nachtmals. Matth. 26.
Luc. 22. 1.
1. Cor. 11. 23. 28.

De 36. Artikel.

Offt men Kerspelüde hebbe / de dat Sacramente ganz vorachten/ edder vnder einer gestalt nicht empfangen willen?

Antwort.

So jemandt de Hilligen Sacramenten vorachtet/ dar he

de na Christi insettinge rechte vnd rein bekamen kan: Desülue
is edder ein vorudret Hächeler / einer affgesünderden Seeten
vorwande: Edder ein Epicurisch godtloß Spötter vnd Welt-
kündt. De auer darüme affbliuen/dat em de Kelck entagen
wert / welck is ein Sacrament des Blodes Christi / sint nene
vorachter / noch tho lästere / Sunder sine rechte Sacrament
Begerer vnd Eerer / vnd tholauen/dat se Menschen tandt vor-
achten/So wol dorst als hunger hebben na den gansen Sacra-
ment/dat em vam Heren thogesecht is.

Einerley
gestalt alle-
ne/is neen
Sacrament.

Wo nß/
dich vñ trost-
lic de wor-
de des Kel-
ckes syn vnd
de Kelck sü-
uest.

Luc. 22.

Dann einerley gestalt is nicht ein Sacramente / darüme
dat Christi ordeninge dardörch geschendet / vnd de Gelouigen
beyde des wordes vnd vörnemesten dels des Sacraments bero-
uet werden/dewyle de worde des Ewigen Bundes/vnd de krafft
des Lydendes Christi vele mehr vnd düdtliker bydeme gebruke
des Kelckes / als des Brodes / den Gelouen thostercken/vthgedrü-
cket werden/Nemptlick/dat is de Kelck des Nyen Testaments
in mynem Blode/dat vor iw vnd vor vele vorgaten werde/tho
vorgeuinge der sünde. Wat kan einen armen Sünder trost-
liker syn im Hemmel edder vp Erden?

De 37. Artickel.

Offt men gelöue/vnd dat Volck ock also lere/dat nicht alle-
ne vnder einerley gestalt / idi sy des Brodes edder des Wynes/
sunder ock vnder deme allgeringesten krömeken edder dröpe-
ken dersüluen gestalt/dat ganze Lyff vnd Bloth Christi/vnd
dat vullenkamen Sacrament begrepen sy/ock nicht minn vn-
der eiuer/als beider gestalt entsangen werde?

Antwort.

Nenerley wyß den de sölecks gelöffe vnd lere/is ein blinden
leider/als gy sint. In iuwen egen Decret steit so ein Capittel.
Geladius papa secht: Wy kamen in erfaringe/dat etlike alle-
ne eine gestalt des Hilligen Lychams entsangen/ de sick vam

Kelcke

Beide ge-
stalt des Sa-
craments is
ock syn De-
cret des pau-
ste gebaden.
De conf. d.
2. c. Com-
minus.

Kelcke des Hilligen Blodes entholden. Welck ane twyuel (wowl my vnbelant / dorch wat Auergelouen se dartho gerden sint) Dat Sacrament edder ganz enfangen / edder sief genstlick daruan entholden schöten.

Dith Capittel wolde de Glosa gern allene vp de Prester dreyen / als dat desüluen nicht eine / sunder beyde gestalt enfangen möten. Auerst mit groten vnsogen / Dann Gelasius secht int gemein.

Inholt
des Capittels.

Erslick eine gestalt allene enfangen / sy ein Auergeloue.

Thom anderen / dat men dat Sacrament ganz enfanget / edder van beiden deelen sief entholde.

Thom drüdden secht he apentlick vor Kerckendeue / se syn Pape edder Leyen / de anders dhon / mit solcken worden : Dann secht he / dat ein einich Sacrament vnd geheymnisse scholde gedelet edder geschüret werden / kan ane grote Kerckendeuerye nicht irriten. By desser Sententien late sel ide ock berouwen. Darmit auerst ein Christlick Kerckendener nicht vor so einen Mann sögelick gescholden werde / schal he dat Sacrament vthdelen als ide Christus beualen hefft / Nemplick dat se alle so wol tho einem Geiste gedrencket werden / als se mit den ersten deele des Sacraments gespysset sint.

1. Cor. 12.

13.

De 38. Artickel.

Esse men ock na geholdener Communion / de ouerigen Ostien sampt allen Parteecken desüluen in de Sacraments büssen bylegge / vnd vp rechte tyde vor de spölinge in der Wisse mit Ehrbedinge plege vp tho eten?

Antwort.

Im negesten Artickel hebbe gy gesacht / in einen idelken frömeken einer Gestalt / sy dat ganze Lyff vnd Bloch

84.
Nisse p.
pen consecre
ren vpt nye
dar se süß
noch euerig.
Lichamme
de wülte heb
ben/als se
süßen seg
gen.

Christi/ edder dat ganze Sacrament. Ist derhaluen wunder/
dat gy sw mit so velen Erömessen vullenkamen Sacramenten
op ein mal nicht genögen laten/sunder vpt nye Consecreren, vñ
denn vor der Spölinge dat eine mit den anderen/dat ist/ein ganz
hupen Sacrament vnd Lichamme des Heren thogelike dö
ren tho sw nemen. Wann my nicht de folgende Artikel hin
derde/Würde ick achten/desse frage wer nicht van einem Man
ne/sunder wor van einer olden/dummen/vordwaleden Kloster
süßer vñ den wocken gespunnen.

De 39. Artikel.

Esst men oek gelbue dat in einer geconsecrerden Ostien/bu
ten dem gebruke/wenn se schone nicht gegeten werde/sy vnd
bltue dat ware Luff vnd Bloth des H E X E N/vnd darümme
dat Sacrament na den olden gebruke der Kercken billick/Godt
salich vnd notwendich in der Sacraments büßen/tho behoff
der Kranken schöle bygelache vnd vordwaret werden?

Antwort.

Dat ist ein kunststück der Hochgelerden Catholischen Theo
logen/vnd klappet als bast/De summa ist de Ostie sy buten dem ge
bruke oek ein sacrament/vnd schöle in der Büßen vp de fran
cken wachten. Wormede wert dat bewysset? Mit der Kercken
gewanheit.

De Sacramente sint vmmme des gebruktes willen ingesettet/
vnd sint buten densäluen nene Sacramente/sunder erdische
Elemente/ane Wordt/ane Thosage vnd Nütbarkeit. Dat
Hemmelbrodt was in bestemieder tydt den Kinderen van I
srael ein Herlick Sacrament/vull wunder vnd teken/auerst bu
ten der tydt bygelacht/wart ide vull wörme/vordarff vnd vorlof
synen gebreck. Dat wunderwater vñ dem Besse was dem
Minschen allene ein Sacrament/vnd nicht dem Behe/dat oek
darmede van dranck. Johannes döfste vñ den Jordan/Philip
pus oek vñ einen anderen gemenen Water. Nu was de

gankt

Buten d.
gebruke hene
Sacramen
ti.

Exod. 16.

20.

Name.

20. 8.

1. Corint.

10. 4.

Mat. 1. 9.

Act. 8. 36.

88.

ganke Jordan nen Sacrament / sunder allene dat Water / welck
 thom gebruke quam: Vnd dat silue Water dat den gedofften
 wedder van hye floth bleff dar na nen Sacrament / dar noch
 Johannes / noch Christus / noch Philippus noch alle de gedoffte
 weren / conscientien van maleden / wo men idt vorwaren mochte.
 dat ock vnmogelick was / Im Nachtmal hefft idt des siluen gestalt.
 Edder wolde men seggen / Christus hebbe mit synen Apostolen
 alle Broth / so vpon den dische segen wardich was / deger vpgete
 edder dat auerige mit den kromeken vnd Wyne in eine Sacra-
 ments Bissen vorwaren laten? Ja dat vnschuldige bloth in der
 besnidynge / de bloddige sweth im Garden / dat andere bloth / wa-
 ter vnd vuchtheit Christi am Crüge vnd süß vorgaten / is ne
 vpgesamelt noch vorwaret worden / ane vorlettinge syner Ehr-
 Berde vnd Hillicheit: Sintemal vnse salicheit nicht darinne
 ingesluten was / sunder allene im gehorsam / Smerde / Pyne / do-
 de des Söns Gades / dar mede he Gode versöndede / vnd vor vnse
 sünde genoch dede. Tho Constantinopel gaff men wandages
 oen Scholekinderen dat auergebleuene broth des Nachtmals.

Leuer wat holde gy Catholische van den kromeken / edder
 gangen Oltien / de vnderwylen de Müse sammeln vnd vpkrib-
 belen? Darup hebbe gy twyerley antworde / Thom ersien / de
 Müse eten den Eychnam Christi nicht / sunder de Accidentia /
 als de varwe / dichte / lange / brede / Danck hebbet. Hyr late gy jo gel-
 den / buten den gebrueck is idt nen Sacrament: Wat kan idt mehr
 syn / vorflaten hengesettee dar ock gar neen gebrueck is? Thom
 anderen gy hebben de kunst / andere wedder tho maken noch nicht
 vorgeten. Vnd dat is de beste trost / wat nodt dringet / w / den se-
 heneho setten?

Is dennoch hyr tho bedencken / wo eine euge vnd sorch / soldi-
 ge Conscientien de Catholischen hebben / vor de Sacraments
 Brodekromeken / vnd dennoch dat Broth des leuendes / Gades
 Worde / so weinich achten / vnd etlike kromeken van den siluen / so
 velen armen hungerigen herten nicht willen tho kamen laten?

Misse-
 pen hebben
 hare Con-
 scientien.

Iha der Hilligen Lychamme (Welckere Natur / Blodes vnd Geistes haluen vele mehr Christi Lufft / Fleisch / Knaken / Lechmate vnd Bröder sint / Matth. 25. 40. Joh. 20. 17. 1. Cor. 6. 15. & 17. Ephes. 1. 22. & Cap. 5. 30. als jenne krömeken) mit frölikem gemöte erworgen / vnd vp den Belde vor Rauen vnd Hunde vnbegrauen liggen laten &c.

De 40. Artickel.

Offt men ock vor recht geldue vnd de ler der Kercken annehmen / dar geleret wert / de Leyen vnd Prester / so se sünnen nicht Wisse holden / syn vsh der Insctinge Christi gar nicht schüldich beyderley gestalt tho empfangen. Vnd oft me ock bekenne / dewyle nicht weiniger vnder einer / als beyder gestalt begrepen sy / vnd genaten werde / dat dann de Gewonheit vnder einer gestalt tho communiceren / de so vele hundert Jare vnbewecklich im swange gangen is / dörrch eines edder merer sünnest erweleden motwyllen / ane laster der schüringe nicht könne vorandert edder vorworpen werden.

Antwort.

Wat de Prester so im Antichristendom sint / vnd Middeler wyle am Dische Christi mit der rechten Kercken nene gemeinschop hebben / empfangen willen / mit der gangen edder haluen gestalt vornöget syn / röret my nicht / als de nicht Christi / sünden des Antichristi beuehl holden. De Christen auerst möten notwendich eres **H E R E N** gebot hirinne holden / als de twen so vorscheyden **H E R E N** thogelike nicht denen Können / dar de eine secht drincket alle daruth: De ander / idt schal nicht gescheen / eine gestalt is genoch &c.

Auerst / gy Inquisiter / Holde gy de Apostel ock vor Prester Iha. Hebben se denn am Dische Christi men einerley gestalt empfangen / Dewyle se sünnen nicht Wisse holden noch Consecreren? Edder hebben se alle dortein / Christus / Judas vnd de ande.

Der Pape
Wissebroth
is nicht vor
ein Sacra-
ment tho
holden.

re darfülest tho gelike Wisse holden vnd vp de wyse beyde gestalt
entfangen. Segget ja edder neen. Edder wo vele hundert jahr
is juwe gewanheit van einer gestalt olde. Hest nicht de Gades
vorgetene Hunde Innocentius 3. erst den Leyen den Kelch
des Blodes Christi genamen vngeschrlic / Anno 1215. Ey
wat ein lange tydt. Vnse Christlike gewonheit van Kel-
cke / vnd gansen Sacrament is Dusen / Hundert vnd mehr
Jar older. hest dat beuehl Gades / vnd mach noch by juw nicht
gelden ? Dat Gode almechtich geklaget sy.

Dat gy darby hangen / desse juwe gewonheit sy vnbe-
wechlick so lange gebleuen / is (mit gunsten) erlogen.
Dann dat ick veler gelehrder Lude swige / so is vpon Concilio
tho Basel / Anno 1432. Sessione 30. de Com-
munion vnder beyder gestalt vor recht erkande vnd bestediget
worden.

De 41. Artikel.

Esse men ock dat Lyff vnd Bloth Christi vp anderen tyden
als in der Wyffe make ?

Antwort.

Ich will der tydt nicht gedencken / darinne se ere Affgö-
derye mit der Wyffe dryuen möten / als vormiddach / sunder
als einen tande varen laten / van Christo mit der Dadt vor-
worpen / Dewyle he na den Eten des Paschelams / vpon A-
uent dat Hillige Auentmal gehalten hest / sunder einen gud-
hertigen Christen / desse vnnenschlike vormetenheit der Papen /
mit der grötesten dorheit vnd vierste Gadeslasteringe vor men-
get / tho erwegen heimgestelt hebben.

Eine fruchtbare / reyne / vnbesieckede Junckfrowe scholde
vch erem egen Geblore vnd Gade dat cinige / ware / wesentlike
Fleisch edder Lyff Jesu Christi / mit syner Godlike Natur
Persönlick voreiniget / entfangen vnd teelen / Auerst idt was

87.
Wancr De
Antichrist de
Leyen gena-
men hebbe
den telet.

De Wyffe
bruct van ei-
ner gestalt is
angefochten.

Dat Ma-
chirite Lyff
Christi is
nicht mit
henden ed-
der minsch-
liten worde
sprechen ge-
mater sun-
der gebare.

Esai. 7.

35.

Misspa-
pen sint
Schepper
eres egen
Scheppers.

In Ratio-
nali Di-
uinarum.
Matth. 8.

32.

der Natur vnd allen Creaturen tho vorricht en vnnögelick/
darümme möste de Hillige Geist vnd Krafft des allerhögesten
mit syner allmechtigen erschyninge dit allergröteste werck vull-
bringen. De Catholischen Prester auerst können minn tho
kamen/ vnd in einer haluen stunde/nicht einen/twe edder drei/
sunder etlike hundert Eychamme Christi Jesu maken/ane swar
arbeit vnd möy. D gy vortwyulde Minschen bedreger vnd
spötter Gades/scholde de Sonne/Mane vnd alle Sterne eren
schyn hyrbor nicht vorlesen / dat gy juw vor schepper juwes
Scheppers dören vohgeuen. De solckes gelöuen/sint duller als
de besetene Swyne/de sicc in de See Genezareth vordrenckeden.
Gyelende Narrenpreter/Wann juwe Römische Kattenköninck
mit iw vnd alle juwen geliken in einen klumpen thosamen ge-
gesmolten weren/londe gy doch nicht eine lose flegen edder müg-
gen maken/Jck swyge/dat Lyff vnd bloth Christi.

De 42. Artikel.

Effe men bekenne dat allene de Prester in der Catholischen
Kercken geordineret/rechte Dener des Sacraments syn/vnd
nicht Leyen edder Klercke de allene de klenen Wyinge entfan-
gen hebben. Vnd dat men vörnemlick de worde der Consecra-
tion auer Broth vnd Wyn spreke/dat oec de gewyede Prester/de
in der Catholischen Kercken Communion sint dat Lyff vnd
Bloth Christi nicht maken/denn allene in der Misse?

Antwort.

Two dinge werden gesocht mit dessen Artikel. Thom er-
sten/dat alle minschen van der bedeninge des Sacraments voh-
gemünstert werden/vohgenamen de Gewyede Prester. Thom
anderen dat de Lide auerredet werden/De worde der insettinge
des Auentmals gehören nicht tho den Minschen edder Com-
municanten/sunder thom Brode vnd Wyn.

Vor dat erste/sint se twar so gar nicht tho vordrencken dat
se de Jungen Klercke (vnd vele mehr de Leyen) tho dessen werck als

lehr.

lerfungen nicht tholaten willen/sunder sich dat allene/als Meis-
ster knechtē/vorbeholden hebbe/angesehn/dat vyff worde tho spre-
ken so grote Kunst nicht is/vnd de Bursse balde naspelen kōnde/
darauer dat Handwerck in vorachtunge kamen mochte. Dat
wehr vor de Kōfen nicht.

Wy auerst seg gen in den Euangelischen Kercken/de Predi-
ge des Euangelij/sy de grōtste Dfferkunst im Nyeu Testament/
Darmit Petrus vp einen dach Christo Dre dusent Menschen
bekerde vnd thobrachte/dat gewislic neen Kinderwerck was.
Vnd de desse Kunst vām Hilligen Geise/de allene gude Pre-
ster maket/geleret hebbe / kōnne vnd mōge dat Nachtmal in sy-
nem ordentliken berope vnd denste ock wol bedenken.

Thom anderen / willen desse Sacrificuli/de wōrde der In-
settinge/schōlen auer Brodt vnd Wyn gespraken werden/Gelick
als hadde Christus syne worde van lyden vnd steruen thom
Brode vnd Wyne geredet / dat doch nicht hören/vorstahn/
noch gelōuen kan/deme ock nichts am lyden Christi gelegen
was noch is/vnd nicht vele mehr vnd allene tho den Apostolen
vnd anderen Menschen/de Sūnder sint/hören/vorstahn/gelō-
uen/ vnd dōrch synem dodt salich werden. Nu feren de vor-
bysterde Wisse Papen dit ganz vmmē/leren dat volck nicht/vnd
mumunelen latynische wōrde thom orlosen doden Brode/dat
doch nichts daruan vaten kan: Sint also mit den Mißbruke
des wordisprefens thom Gōkenbrode in der vorflōchten Wisse
den Tōuerbūrssen gelick/de ock dōrch wordisprefent de Crea-
turen Gades voranderen willen. Iha sint vele erger/dewyle
jenne sich nicht vndernemen Gōder tho maken/noch ere Wer-
cke anderen an tho beden vpdringen / als de Antichrist mit sy-
nem anhangē.

De 43. Artickel.

Offe men ock gelōue/ dat den gedōfften Menschen/de in
sūnden sint gefallen/vpt hōgeste nōdich sy/ dōrch dat Sacra-

M

mente

89

De grōt-
teste offer-
kunst.

Rom. 15. j

16.

Acto. 2.

41.

De Wor-
de des H.
Nuentmāts
hören thom
Menschen/
vnd nicht
thom Brode
daruan se tū
gen.

Wisse Pa-
pen vnder de
Tōuerers ge-
trefet.

Concil.

Trident.

mente der Bote/Gade vorsonet tho werden/Dewyle de Bote de
ander Tafel is / na dem Schepbröke?

Antwort.

Wat rech
te Borhe
is.

Hie. 31. 18

Psal. 51.

12.

Math. 3

Acto. 2.

Johan. 13.

De rechte Bote is eine hertlike Künne edder leidtdragen
auer de begangene sünde/darmit de Himmelsche Vader vortör-
net/vnd de Ewige dode vordenet is. Volget vp erkennisse
der sünde vnd straffe dersüluen / is eine frucht der Nden ge-
borth dörch den H. Geist im Gelouen. Christus/Johannes de
Döper vnd alle Apostole hebben vor der Döpe Bote geprediget
vnd vorgeuinge der sünde dörch den gelouen/vnd de Botferdi-
gen darup gedöffe. Wann nide Bote ein Sacramente we-
re als de Papisten willen/ folgede dat se vor der Döpe ein Sa-
cramente entfängen hebben/vnd also de Döpe nicht sy ein Sa-
cramenti initiationis solum sed & confirmationis darmit
se nicht allene de Hillige Döpe vth erem gebruke setten/sunder
oek erem gedichten Sacramente/ der Vermelinge vele tho na
grasen / vnd den hals süluest affsteken. Willen se auerst tuf-
schen der Bote de vor der Döpe her geit/vnd de na der Döpe fol-
get/einen vnderscheit maken/als ide schynet/vnd de lesen alle-
ne thom Sacrament stüffen / so were iha billick / se bewyseden
ide vth dem worde Gades/vp dat men mit guden geweten en
volgen könde. Se möchten vele sögeliker des HEREN Christi
Bohtwaschinge thom Sacrament vorordnet hebben/welcks na
der Döpe vnd Nachtmal geschehen is/vñ eine Ceremonie was/
mit solcken wordē. Wol gewasschen is/bedaruet nicht mehr/dan
dat en de Bote gewosschen werden. Auerst dat mach den Heren
van Catholischer Kercken velichte nicht ingefallen syn.

So misbruken se oek de gelikenisse S. Hieronymi auer
Danielem/dar he secht/Poenitentia est secunda tabula post
naufragium, quia si quis veltē innocentix in Baptismo
perceptam peccando corrūpit, poenitentix remedio repa-
rare potest. Dann so weinich de H. Mann de krafft der Döpe

dörch

dörch münſchlic gebreck der gedöſſten ganz vphueet / mit einem vorlaren Schepe vorliſende / ſo weinich maket he ock de Bote tho einen Sacramente egentlic tho reden. S. Paulus redet vele Herliker van der H. Döpe / als dat ſe ſich vpt ganze leuendt des Münſchen ſtrecke / den olden Adam tho döden / den ſünden aſſteruen vnd als ein nye Creatur Chriſto tho leuen. De H. Ere Chriſtus leidet ſilueſt der Döpe krafft beith int dodtbedde / dar he ſecht. Wol gelöuet vnd gedöſſt iſ / ſchal ſalich werden. Darup ein iber gelöuiger ſpreken kan: Ick gelöue vnd bin gedöſſt / Darüme werde ick ſalich werden. Vnd darby heſſt de lere van rechſchapen Bothe eren heilſamen gebrück / in deme dat de gedöſſten Chriſten eres ampts vnd plichts tho gedencen dardörch vormancet werden / als / gelöuen / ſünde myden / vnd weiß ſe darin gefallen / wedder vppſahn vnd ein Godtſalich leuendt thovören / wedder anfangen. Bederuē derwegen neen ander Sacramente / dann dat H. Auentmal im rechten gebruke vnd Chriſtliker vorſamlinge / tho entfangen.

91.

Rom. 6.

De 44. Artikel.

Offt men ock dat Volck vaken thom Sacrament der Bote vormanc / vnd vnderrihte einen iſiken Chriſten Münſchen / dat he vormöge der Kerckenmandats ſchüldich ſy in allen hogen Feſten / edder thom weynigſten / eines im Jahr / Nemlic vpon den Paſchen / ſyne ſünde tho Bichten vnd dat Nachtmal tho entfangen?

Antwort.

Chriſtus heſſt ſynen Jüngeren beuahlen Bote / tho Predigen vnd vorgeuinge der Sünde in ſynen Namen. Deſſe ſtemme (Dhot Bote / dat Hemmelrike nahlet ſich / Item: So gy nene Bote dhon / ſo möte gy alle vmmekamen / vnd vorlaren werden) Klinget ſtedes in der Chriſtliken Kercken / mit deſſem Prophetiſchen tröſtliken anhangen / ſo waar als ick leue / ſpreckt de H. E. N. E. : wil ick nicht des Sünders Dode /

Luce 24.

47.

Matth. 9.

Marci 1.

15.

Luc. 13. 3.

Ezech. 18.

92.
Wat de
Christen tre-
cken schöle
thom gebre-
te des 9.
Nachtmals.

Matth.
24. 28.

sunder dat he sief bekere vnd leue. Dat Nachmal wert ock vaken gehalten ane ansehn der Babylomischen affgödischen Festen/ sunder in bequemen vnd gelegen tyden. Dartho bedaruen Christen nene Minschlike Mandate/ sunder de hunger vnd dorst/ de söricheit des H E X E N/ de auerswencklike fruchte der spysse vnd drancks schölen de herten dusent mal mehr trecken vnd dryuen/ als Minschen Mandate vnd lose gewanheit. Wor dat Ahf is/ dar vorsammelen sief de Adeler.

De 45. Artickel.

Offe men ock den gebreck der Drenbicht in syner Kercken beholde. Vand offe ock etlike syn de nümmer edder selden bichten/ vnd lifewol thom Nachmal ghan?

Antwort.

Dan rech-
ter Bicht/
Wat/ Wo/
Banner vnd
menn men-
Bichten
schöle

Gades beuehl is/ dat ein sündich Minsche in rechter Bothe syne sände bekennet/ nicht allene vp Paschen edder andere Festdag/ sunder dachlikes Gade den rechten Prester/ de sände vorgeuen kan. Dat geschüt wann wy beden vnd Gade danken/ als men den nümmer ein Vader vnse ane Bicht kan spreken/ De- wyle men secht/ Vorigiff vns vnse schult &c.

De Dren-
bicht is ei-
n in den bes-
sten netten/
dar de Ant-
christ de me-
stn güder
deser Werlt
mede gefis-
chet heffte.

Auerst de Inquisiter reden van der Drenbicht / de den Presteren heimlich geschüt/ vnd ein van den besten vordel is der gansen Cacolischen Kercken/ niche allene vmmen der Bichtpenninge willen/ de so vele nicht vpbringen/ sunder vth anderen orsaken. Dann mit der Drenbicht erkündigen sy allent wat vnder den Minschen vmmegheit vnd vorborgen is/ dar nach se dann ere nette meisterlick stellen können. In der Bicht erfahren se/ wo de Frouwe jegen den Mann/ vnd de Mann jegen de Frouwen gesinnet sy. Van der Frouwen erkündigen se/ Offe de Mann Catholisch edder Lüttersch/ der Geistliken vrendt edder fründt sy. Edder is eine Dögetsame Frouwe den Presteren vordecktich/ so können se de ganze sake/ edder dörch eren Echten Mann/ edder Lyfflike Kinder/ edder Gesinde/ Naburen

vnd

vnd frundschoep vthoischen. In der Bicht hebben se acht/ vnd können lichelick sehen/ tho welcken gebreke de Personen am meisten geneget syn vth Minschlifer swachheit/ vnd ere Kuncckelsuse behende darna stellen. In der Bicht kamen se in gewisse lünde/ wat Keiser/ Könige/ Potentaten/ Fürsten vnd Heren im Schilde vören. In der Bicht weten se ere Römische bouen Kramerne/ lögen/ lose valsche Lande künstlich vort tho setten dūr genoch an dat Marckt tho bringen/ de armen thoslagen herten vordan darmede tho vorwunden vnd ganz fangen tho nemen/ de doch alle nicht einen fliegenvoth werde sint/ vnd dat Begeführ tho lone geuen.

Wat der rechten Bicht im worde Gades voruater/ belanget/ is de dreyerley. De erste/ dar ein arme Sünder vth der tūchenisse synes egen gewetens/ vintē syner sūnde willen erschrecket/ Gades torn vnd den Ewigen dode frächet/ vorsteit darby wol/ dat he synes depen bösen hertes haluen vnd groter swachheit nicht alle vorsta wat sūnde vnd vnrecht gedahn sy/ vnd darūmme vnmögelick de sūnde alle tho ertellen: Trede derwegen demōdich vor den Thron der Gnaden Gades/ steit vor syne borst/ klaget sich sūluest an/ bekende sine sūnde int gemein/ bich vmmē Gnade vnd vorgeuinge dōrch den Middeler Jesum in gelouen/ vnd geit ane Presterbicht vth den Tempel rechtuerdich in syn hūß.

Dreyerley
Bicht im
worde Gades

Hier. 17.
Psal. 19.
E. 25.

Luc. 18.

De ander Bicht geschūt in der gemene/ wann/ einer nach dem he dōrch apentlike sūnde desūluen geergert bedrōuet vnd vortōrnet heffe/ wedder tho sich sūluen kūmpe leth vor sich byden/ bekendē syne sūnde apentlick/ Lauet syn leuendē dōrch de Gnade Christi tho beteren/ vorsōnet also de Gemene vnd wert wedder angenamen thor Communion.

1. Cor. 5.

Math. 18.

16. 17. 18.

3. Cor. 2.

5. 10.

De drūdde arth tho Bichten is/ wan sich partye mit ein ander vorsōnen vnd de schuldige syn gebreck vnd seyl bekent/ vmmē vorgeuinge bitt (vnd wor idt nōdich vnd mögelick) wedderstadinge deith/ synen Broder an gemenen schaden gudes edder Ehren.

94.
Matth.
18. 15.

Matth.
5. 23.

Jacob. 5.
16.

Darvan de schriffte secht / Sündiget dyn Broder an dy / so straffe en tüsschen dy vnd em allene / Höret he dy / so heffstu dynem Broder gewonnen. Höret he dy nicht / so nim noch ein edder twe tho dy / &c. Wenn du dyne gaue vpt Altar offerst / vnd werst alldar ingedenck / dat dyn Broder wat wedder dy hebbe / so lath alldar vor dem Altar dyne Gaue / vnd gha thouören hen / vnd vorsone dy mit dynem Broder / (Secht nicht / Bichte den Papen / den du neen leide gedhan heffst) vnd kum dann / dyne Gaue tho offeren. Darhen ock de Spröke Jacobi gemenet is / Bekennet iuw vnder anderen / de Sünde / vnd bedet ein vor den andern. Buten desse dryerley arth tho bichten / is van nichten.

Hyruth schal nemandt sluten / als lope in Euangeischen / recht Reformereden Kercken / idermennich / ane sonderlike edder gemene proue thom Dische des H E R R N / Sunder weten / dat dar alle dinc ordentlick / lehrhaffich vnd trösllick thor beteringe vorrichtet werde / Darvan jekunds meldinge tho dhon / vngelegen / &c.

De 46. Artickel.

Effte men ock dat Volck lehre / van rechten gebruke der lesten Olyesmeringe / Vnd dith Sacramente nba der Kercken Agende / mit Beden vnd Letanyen / den Krancken mede deele?

Antwort.

Seß. 4. 2.
Wunder
Krafft des
Wlyes.

Ibid. c. 1.

Dith is vpt Concilium tho Trent gegründet / dat hyruan also ludet : So jemandt secht / dat de hillige Saluinge der Krancken nicht bringe de gnade Gades / noch sünde vorgeue / noch linderinge bringe : Sunder sy vopgehoret / vnd sy wandages allene eine Gaue gesundt tho maken gewesen / de sy vorstoket. Item : Dat men de Krancken sinere / an Dgen / Ohren / Nesen / Mundt / Lenden vnd Hende / seggende / Dorch dith Hillige Sacramente möte dy Godt vorgeuen / allent

wat

wat du mit Ogen / Ohren / Nesen / Lenden vnd Munde gesündiget heffst. De Catholischen Scribenten seggen / Dat sich de Däuele mechtich trollen / wann de Oly ankame.

Dat is grote Olye krafft / de he vth der Natur nicht hebben kan / sunder vā Myelbisschoppe erlanget heffet / Als darmede se de groten saken (wo gemelde) vthrichten. De Catholischen geuen my orsake / mit der aueruth hogen vnd gestwinden commendation vnd anprysunge eres Olyes / eine kleine frage wedder vōr thostellen.

Frage an
de Catho-
lischen.

Dewyle tho besorgen / veler Krancken Herte syn vā dem Hilligen Geiste Christi Jesu nicht gereiniget / sunder hūchelisch / vnbothsferdich / Godtloß / halbsstarck / hangende an den Antichristischen Surdege / in vyentschop vnd grimmigen Nyde wedder den Sōn Gades vnd syne Gemene / vnd darūme ane twyuel waninge der vnreinen Geister. Effte se dann wyslick handelen / dat se ere Ogen / Ohren / Nesen / Munde / mit den Däuel jagen / den Olye besmeren / vnd also deme bösen Gaste vnd Hufswerde im herten / allen paf / wege vnd straten berennen / vnd mit starcken Bolwerke in syner herberge tho bliuen gewaltsamer wyse nödigen vnd vororsaken? Edder offte se desiluen eine ander porten vngesmeret apen laten / dardörch he sich packen möge / wann em de dörchdringende hillige Olye neger kumpt? Ick hedde byna schimplick vōp dat Schant nārrische vōrguent geantwordet / &c.

Dewyle de Catholischen Smerer / de hillige Schrifte / er Gōkelwerck tho besiedigen / inuōren / vnd maken / dat simpele herte / so grote dinge by deme stinckenden smerwercke söfken / will vnd moth ick ein weintich vā den Sprōken handelen / de se mißbruken / vnd vorsōken / effte ick etliken framen Minschen eine walgeringe vor dem Caolischen Bette anbringen möchte.

De erste sprōke ludet also: Vnd se (de Apostole) gingen vth / vā predigeden / men scholde bote dhon / vā dreuen vehl dāuel vth / vā

Mar. 6
12.33.

salueden/vele seken mit Dlye/vnd makden se gesunde
 Dith Exempel vormenen de Papiſten mit erem Dlye na-
 thouolgen/deme se doch im allergeringsten nicht gelick sint.
 Thom ersten is vngelickheit in den Personen/Dann jenne we-
 ren van Godt geeschede/vnd ordenlick bestalte Prediger vnd
 Jünger Christi. Dariegen de Wylbiffſchop mit den Papien is
 nicht geropen/syn ampt is nicht van Godt/sunder vau Römi-
 schen Antichristo. Thom anderen is groth vnderſcheit tüf-
 schen der Apostolen Dlye vnd des Papiſts. Der Apostolen
 Dlye was ein dapper helende reyn Creatur des H E X E N:
 Der Papien Dlye anerſt is ein besvoren betouert ſtinkende
 tüch. Thom drüdden/in der krafft/dann van Apostolen ge-
 saluet/worden gesunde/stunden vp vnd gingen daruan. Auerſt
 vau Papien gesmeret steruen gemeinlick balde henwech. De
 Apostel salueden van welcken se gude höpeninge des leuendes
 hadden. De Papien smeren allene de jennen/dar kein höpeninge
 des leuendes sunder des dodes is v m me Vigilien gelt tho beka-
 men. De Euangelist secht nicht/Christus hebbe den Apostolen
 ein Gebodt de francken tho saluen gegeuen/vele weyniger ein
 Sacrament darmit ingesettet/noch vele minn thosage gegeuen
 dat de saluinge vorgeuinge der sünde bringen scholde/welcks
 alle de Papien erdichtet hebben.

Jacob. 5.

De ander spröke vth der Epistolen Jacobi/ is desse/ Is je-
 mandt franck/ de essehe tho ſick de OIdesten van der Gemeine/
 vnd late se auer ſick beden/vnd ſick saluen mit Dlye/in den Na-
 men des H E X E N/ vnd dit gebeth des gelouens/wert den
 francken helpen/vnd de H E X E wert ene vprichten/vnd so he
 sünde gedahn/werden se em vorgeuen syn/dar de Apostel ock
 nicht gedencket eines Wylbiffſchops smerpots insünderheit
 dartho gesettet? Sunder secht van eilicken vth der gemeinte/de
 he nicht Preſter sunder OIdesten nömet. He schriffte ock noch
 Dlye noch saluinge de krafft tho/sunder deme Gebede/Glouen
 vnd dem H E X E N süluest/welckes alle wedder der Papien
 apenwerck stridet. So

So is jenne Dlye/edder van natur ein krefftige Medicin/
 (als etlike gelerde willen) gewesen/edder ein Symbolum vñ vth-
 wendich teken der krefftigen werckinge des Hilligen Geists/dar-
 up Myrakel vnd teken volgeden/ vnd ikunds keinen gebreck
 hefft/ dewyle des Geists werckinge vorlangest (in dessen valle)
 vppgehoret hebben. Willen dann de Papen gewonnen hebben/
 so möten se de francken vprichten/ als de Hillige Apostel secht.
 Edder wy seggen dat se vth dessen Dlye ein Sacramente tho
 maken/ so weintich besöget syn/ als vth Marien Magdalenen
 Saluen. Vam Wunder Water/ Joh. 5. 3. Vam sliche vnd wa-
 ter Siloan/ Joh. 9. 6. Vam vthspyn Christi/ Mar. 7. 33. Van
 d' Duuen/ de sich vpp Christum in syner Döpe settede Math. 3. 16.
 Van S. Petrus scheme/ Act. 5. 15. Van S. Paulus Neseböcker/
 dar Süke vnd franckheit vor wyken mösten Act. 19. 12. Daruth
 hadden de Catholische als wol Sacramenta maken können/
 als vth den Dlye/ wann se idt nicht vorgeten hadden.

De Letanye is eine vam grötesten lasteren des Beests/ dar-
 inne se dryerley minschen anropen. Erstlick/ Hilligen der Ly-
 chame in der Erden/ de Seelen auerst im Hemmel sint. Thom
 andern/ ere egen gecanonizerde Hilligen/ dar vnder vele hückeler
 (als tho besorgen) gewesen vnd gebleuen/ thor Helle gesuncken
 syn. De ropen se an/ &c. Thom drüdden/ ropen se sodane
 Hilligen in erer Letanye an/ de newerle in der Natur gewesen
 sint/ erer egen bekentnisse nach/ als S. Jürgen/ Cathartinen/
 Christopherum/ &c. Nu gedencke frame Christ/ wo vele den
 francken mit der Letanye gehulpen werde/ nemplicck euen so vele
 als mit den Dlye süluest. Godt helpe den synen.

Van der
Letanye.

Der Cas-
schottischen
Hilligen.

De 47. Artikel.

Dfft men ock de vnderrichte/ so sich im Ehestandte gedencen
 tho begeuen/ dat se schüldich sint im Gelouen vnd Religion et-
 nich tho syn: Wyder wat vor Ehre de Mann der Frouwen/
 vnd de Frouwe deme Manne schüldich sy?

Antwort.

Ja. Dann de gelöuige schal billich vp Gades Geboth se-
 hen / darinne vngelike Ehe in Religions saken ernstlick vorba-
 den wert. Du schalt dy mit den Heyden(vnd mit Papisfen)nicht
 befründen: Juwe Döchter schöle gy nicht geuen eren Sönnen:
 Noch juwe Sönhs eren Döchteren: Dann se werden juwe
 Söns my affellich maken/ dat se andern Göden denen/ so wert
 dann des H E R E N torn ergrimmen auer juw/vnd juw bal-
 de vordelgen / &c. Einer giffte sich in de vterste gefahr/de ei-
 nen vngelöuigen Ehegaden trüwee / Judic. 3. Genes. 27. 47.
 1. Reg. 11.

De 48. Artickel.

Effte me se ock dremal in dren vorscheiden Söndagen tho-
 vören affündige.

Antwort.

Iha. Dewyle alles ordenlick thogahn schal / is heimlike
 Eoplerye vordechtich/vnd ein jeder schal synes stands bekant vnd
 gewiß syn/allen thokämftigen besorgliken vnlusten by tyden tho-
 begegen/&c.

De 42. Artickel.

Effte men ock gelöue/dat de Vasten van der Kercken ingeset-
 tet/tho holden syn/vnd dat men desülucen/allene de vterste noch
 vthbescheden/ane Sünde nicht breken köne?

De 50. Artickel.

Effte men ock vam Predigstole vorfündige/welcke dage vnd
 tyde van der Kercken ingesettet syn / vnd dat Volck flitich vor-
 mane de tho holden / vnd sich gehorsamlick entholde des Flei-
 sches?

Chrestlic
 Vasten.

Antwort.

De trüwen Prediger vormanen dat Volck thom vasten
 vnd metigen nüchteren leuende. Nicht vp eitlike/sunder vp al-
 ler tyde / vnd stedes/na der Regulen Gödelikes Wordes. We-

set nüchtern / vnd waket / wente juwe Weddersaker de Dinnel
zeit vmmehet / als ein Brummende Löwe / vñ socht wen he ver-
slinge.

99.
1. Pet. 5. 8.

Dat wy verlöchen dat vngödelike wesent / vnd de Welcliken
lüste / vnd tüchtich / gerecht vnd Godtsalich leuen in desser werlde.
Hödet juw dat juwe hertenicht besweret werden / mit fretende
vnd supende. Also ock in Bedeldagen van der Welclicken Aue-
richeit beualen. Jone / 3. Joel. 2. 1. Corinth. 7.

Tit. 2. 12.
Luce 21

Der Hüheler Vasten auerst / Als van fleische eten / vñ etli-
ke tyde siel tho enthouden vñ Menschen gebaden / grot vordenst
vnd Hillicheit darby söken vnd dichten / is im worde Gades vor-
worpen. Salich is de / de siel süluest nene Conscientien maket /
in deme dat he annimpt. Den Reinen is alle dinck rein. Dat Ny-
ke Gades is nicht eten vnd drincken. Wol auerst daranne twy-
uel / vnd eth doch likewol / De is verdömet / wente idt geschäch
nicht vñ den Gelouen : Wat auerst nicht vñ den gelouen ge-
schäch / dat is sünde.

Vasten
der Hüh-
heler.
Rom. 14.

So latet juw nene Conscientien maken auer Spysse edder
auer dranck / edder auer sonderliken Byrdagen. Nömet ock spys-
se vorbeden / eine Düuelsche lehr. Vnd Christus secht : Wat in
den Munde geith / vorunreyniget den Menschen nicht / sunder
wat daruth geith. Auermal : Wann gy vasten / so schöle gy
nicht suhr sehen als de Hüheler / &c. Jdt is warlich ein köstel
vasten / alles de vülle hebben / mannigerley Vische / gesaden vnd
gebraden eten / Wyn vnd Beer darby supen / des Fleische allene
siel enthouden. Etlike Pharisäische Hüheler / freten siel des Mid-
dages vull / vnd des Auends holden se Collation mit Kre-
selingen / mannigerley Knapfoken / anderen vñ hertlesen Kruth-
foken / Nogen / Rosyn / allerhand Confecten vnd Suckerge-
backe : Mit starcken Wyne vnd Köbelgedrencke / &c. Dat hol-
den se vor nene Maltydt / sunder moth heten / Wyn werdi-
ge Herr eth man eines des Dages. Vnd is der Armen
Sweth vnd Bloth / de er leuedage nicht einmal so wol getheret

Colof. 2.
1. Tim. 4
Matth.
15.
Matth 6.

hebben/als desse Phariseer in erem vasten/&c. Hebbe ick so ein vasten gebaden? spreck de H E X E.

De 51. Artickel.

Effte men oek gelouue/dat de Kercke den gebrueck vor gelouige doden tho bidden/van den Apostolen ontfangen hebbe? Vnd le- re/dat Volcke daruor tho bidden?

Antwort.

Nenerley wysh. Der Apostolen Schrifte maken van gelouigen Doden nenen twyuel/ dann se sint in frouden/ völen kein leidet/sint in der handt des H E X E N/im frede/in Abrahamis Schoth/im Himmel/volgen dem Lamme Gades na/in ewiger salicheit/sollen nimmer gerichtet werden.

Tros dat an ein Wordt edder Syllaben vth Apostolischer Prophetischer Schrifte darjegen vpbringen können.

De 52. Artickel.

Effte men oek daruor holde/dat de Catholische Kercke recht gelouue/ein Begefähr tho syn / darinne der Vorstoruen Seele gehalten werden / dar se mit Almissen vnd Godesalicheit der leuendigen gelouigen / vor allen auerst mit dem angenehmen Opffer des Altares vorlöset werden?

Antwort.

Neen. Den Heidischen fabulen mit des Antichristi drömen/der Voldergeister/Lögen vnd Düuelschen Miraculen alle ne bestediget Wert neen recht Christen Minsche gelouen.

De Christlike Kercke / de allene erem Brädigam Jesum Christum höret/ heffe ne gelouet/ kan oek nicht gelouen/dat tüschen dem Dode der Gelouigen/ vnd Hemmelscher froude ein Begefähr sy/darinne Se gepiniget/vnd darna dörch Minschen daruth vorlöset werden/Darüme dat de H E R e in synem worde einen ungelicken andern trost den synem nagelaten heffe.

De van allen sünden gereiniget is/ bedaruet nicht dörch dat Begefähr vnd Qual gereiniget werden. Dat Bloth Jesu Christ reiniget ons van allen sünden. Darüme is dat Bühr den

Vor de deden schat men nicht bidden.

Apocal.

14. 13.

Sap. 3. 1.

Sap. 5. 5.

Luc. 2. 29

Luc. 16.

22. 25.

Apocal.

14. 4.

Iohan. 5.

24.

Concil.

Triden.

Seß. 9.

Begef

fährs ge

rüch.

Psal-45.

Wedd. 1

dat Vapissi

sche erbaute

Begefähr.

11 Ioh. 1:7

gerenigeden/nicht nödich noch tho besorgen.

De an den Söne Gades gelouet/schal nicht gerichtet werden. Dat Begesühr is ein gericht. Darümme sint de gelouigen fry daruör.

De vth den dode int leuend kamen/geraden nicht int Bähr. De Gelouigen ghan vth den dode int leuend. Darümme kamen se nicht int Bähr/dann leuend vnd Bähr/Pyne vnd fröwde/synt nicht ein dinc/ können ock nicht tho gelike im einföldigen subiecto syn/præsertim in excellentissimis gradibus. Wo geschreuen stiet/Warlick/warlick ic segge iw/wol myn worde höret/vnd gelouet den de my gesant hefft/de hefft dat Ewige leuend/vnd kumpt nicht in dat gericht/sunder he is vam dode thom leuend hendörch gedrungen.

De saligen doden bedaruen nener vorlösing. Salich sint de doden de im H Eren steruen. Derhaluen bedaruen se der erdichteden vorlösing nicht.

Ine Begesühr kamen/is neen gewin/als de Catholischen säluest bekennen. Steruen auerst is der Gelouigen gewin. Derhaluen kamen senticht int Begesühr.

Christus is nicht im Begesühr. De gelouigen sint na erem affscheide by Christo/volgen dem Lamme Gades. So sint se iho nicht im Begesühr. Wat de Apostel van siet säluest secht/Schölen siet alle Christen thoegen / vormöge des völgenden Sprökes. Ic werde rede geoffert/vnd de tydt mynes affscheidis is vorhanden/ic hebbe einen guden kamp gekempet/Ic hebbe den loep vullenbracht/Ic hebbe Gelouen holden.

Nu vordan is my bygelechte de Krone der gerechticheit/de my de H E R E an sennem dage/de rechtsferdige Richter geuen wert/auerst nicht allene mysunder ock allen de den dach syner erschynunge lehf hebben.

So is nu vth der hilligen Schrifft bewysset/dat vor der gelouigen Seelen neen Begesühr sy. Darümme sind vngelouich vnd vertwuelde Lüde/alle de gelouen / dar sy ein Begesühr.

101.

2.
Ioh. 18.

3.

Ioh. 5.24

4.

Apoal.
14. 13.

5.

Phil. 1. 21.
Phil. 1. 23.

6.

Apoal.
14. 4.
2. Tim. 4

7.

Alle
Ab Bege-
rührs gitt.

So ist ein recht gelöblich Christi/de vor de vorstoruen biddet.
V. sint alle Narren/de den Wissepapen gelt geuen/de Seelen
mit erer Wisse tho vorlösen. Dat Begeführ bringet den Ca-
tholischen alle ere Güder vnd Inkünste / Darümme holden se
so mechtich darauer. Albertus Magnus schrifft/ De Ryken
hebben nicht so grote pyne im Begeführ als de armen/Dann
de Ryken hebben vele Gründe/de Armen nicht. Dat sint grepe
vnd anflege/welcker maken dat de Gülden klingen/vnd de See-
le im Begeführ springen vñ danken/als de grote angeankerde
Gößen tho Mönster im Dome.

Luce 16.
25.

Auerst ide ist den vnbarmerhizigen vnd gyrtigen Prestern
neen grot rhom / dat se vp der Ryken gelt vnd Seele so wol
vnd stüch wachten/vnd der Armen Seelen vorgeten. Wowol
de Schrifft secht / des Ryken Manns Seele/de Gründe vp Er-
den genoch hadde/sy gepnyget/vnd darjegen des armen Laza-
ri Seele sy getröstet.

De 53. Artickel.

Triden-
Con. Seß.
6. c. 3.

Esst men ock gelbue/dat de Hilligen/de mit Christo herschen/
recht als Vörbiddet angeropen werden / vnd dat er Gebeth by
den allgemenen Heren vele gelde: Dat ock dersäluen Reliqui-
en vnd Belde in den Kercken schölen gehalten werden?

Antwort. 1. Van anropen der Hilligen.

Anropin-
ge des vn-
sichtbaren je-
genwärtigē
almächtigen
Geistes ist
ein Gades-
pene.

Ioh. 4. 24

Psal. 50.

15.

Iohan. 16.

De anropinge ist ein Gadesdenst / den neen recht gelöblich
Wünsche van Gade wenden/vnd vp Creatur richten kan/ edder
mach / hebben des ock gar nichts tho thonde/dann so stüch ge-
schreuen: Kop my an in der noth/so will ick dy erredde/vnd
du schalt my prylen. So gy den Vader wat bidden werde in my-
nem Namen/so werdt he ide juw geuen/&c. De Vader hefft
juw süluest leff. Idt ist dem Vader eine grote vorhöninge/
wann syn Kindt dörrch andere personen wat begeret / vnd süch
nicht leuer / dann dat de Kinder süluest tho synem schote vnd
angefichte kamen/&c. So ist de leue des Himmelschen Va-

ders

ders unbegriplick gröter segen vns/als der lyffliken Alder vren
ere Kinder.

Darnegest is vns Iesus Christus thom einigen Vörbid-
der/Patron vnd Vörspraken vorordent/dörch des Namen wy
bidden schölen. Tho densäluen wysen vns de Hilligen säluest/
seggende: So jemand sündiget/so hebbe wy einen Vörspraken
by den Vader/Iesum Christi den Gerechten/vnd dersälue is de
Vorsönige vor vnse sünde/ nicht auer allene vor de vnse/sun-
der vor der ganzen Werlde. Item: Dewyle wy dann einen gro-
ten Hogenprester hebben/Iesum den Söne Gades/de tho
Himmel gefahren is/so latet vns holden an de bekentnisse.
Dann wy hebben nicht einen Hogenprester/de nicht künde mit-
syden hebben/mit vnser swachheit/sunder de vorsocht is/allent-
haluen/gelick als wy/doch ane sünde. Darüm latet vns hentho-
reden/mit frymödicheit tho den Gnadenstol/vp dat wy barm-
herticheit empfangen vnd gnade vinden/vp de tydt/wann vns
hülpe noch syn wert.

Thom drüdden/Nemen sich de jegenwerdige Engelse/der
Gödtliken ehre nicht an/vele weniger de Seele der Geloüigen/
de vchr van vns sint/vnd dörch sich nichts weten wat wy vp
Erden maken edder reden:

Sint derhaluen de Papijten ane gelouen vnd Leue an Godt
den Vader/den se vorlaten/vnd vele mehr gudes thom Creatu-
ren als tho ein säluest sich vorsehn. Ane vortrüwent vnd höpe-
ninge vp den Söne Gades/de dar ropt vnd spreckt:Kamet alle
tho my &c. Ick bin demödich van herte/so jemand dörfet/de ka-
me vnd drincke. Ick bin gekamen/dat se dat leuende hebben:Al-
lent wat my de Vader gegeuen hefft/dat kumpt tho my: Vnd
de tho my kumpt/den will ick nicht vthstöten? Geloüen ock den
Hilligen säluest nicht/de se van sich na Christum allene den
ewigen vorspraken vnd Gnadenstole wysen/als gehöret is/vor-
rücken den anderen dat mal/vorkeren den wech tho Godt/wol-
den ock gern den Geloüen/Leue/Höpeninge vnd vortrüwen der

103.

Thom
de eini-
Vörbid-
der.

Iohan. 16.
1. Ioh. 2. 2.

Hebr. 4.
14.

Wo gro-
te grüwete
vnder an-
pinge der
Hilligen
schulen.

Matt. 11.

Iohan. 7.

Iohan. 10.

Iohan. 6.

ersten vp Godt erem Hemmelschen Vader in erem herten
 dempen / löschen / delgen / döden vnd vthraden / dat erer ne-
 ner tho em trede vnd salich worde: Handelen als jenne / de tuf-
 schen Kinderen vnd OIderen vyentschop vnd Missträwen an-
 richten / vnd vam OIderen de Kinder jamerlick voruören. Dat
 mögen wol Minschendeue syn.

2. Van den Reliquiis.

Groth wunder issiet / dat desse grote Wyse Lude sich nicht sche-
 men vnd solecke sähery / van dodenknaen tho desser indt heruör
 bringen / dar se süluen wol weten / dat ide mit deme tüge / dat se
 Hillichdom heten / ydel bedroch is / als dat vertein Negelē dar-
 mede Christus ant Crüze geslagen / werden vp vorscheiden stede
 gewysēt / vnd noch ein Verderthom daruan gesmedet. S. Iohannis
 höuet schal vp dren örderen syn / so he doch man Ein gehadt heffe.
 Vam H. Crüze is mehr hols / dat ide want by ein were / alle
 Mönstersche wagen nicht vören kondē. So sint ock mehr Relecke
 als ein vorhanden / dar Christus mede Nachtmal schal geholden
 hebben / so doch de Euangelisten men eines gedenccken. Dē mehr
 Spere als eine / dar mede syne Syde geapent. So is wol bekant
 wo den druncken Raskapen / de dat Hillichdom plochten vñie
 vören / dat vormeinte Hillichdom vaken genamen / vnd ere Bes-
 scher mit anderen löringen wedder gestoppēt syn / dar mede se e-
 uen wol Markt holden / vnd arme Lude Bereren könden. Sint
 also de meisten knaen des Papistischen Hillichdoms vñ der
 schinnēkulen / van Verden / Hunden vnd anderen Beesten / de se
 Ehren / anbeden / auer wyth lande na reisen in der Bedeuarth /
 trost / hülpe / vnd erreddinge by söken : Synds nicht beter wert.
 Vnd wann ide schon knaen der Hilligen weren (dat se nünner
 bewysen können) so issiet men Erde vnd stoff / dartho aller minschen
 fleisch vnd gebente werden moth / &c.

Vnder dem auerst de Catholischen mit gedachte Hillichdom
 Vyr holden / Wo schicken se dann sich mit den hilligen im Hem-
 mel vnd vp Erden? Antwort. Van der olden hilligen vottstap-

Wänder
 vnd setzgam
 Hillichdom
 Der Papen.

Papisten
 Ehren döde
 knaen / vnd
 sint döden
 vnd leuendi.

pen vnd dapperen guden Exempelen / syn se so wyth vnd veyr /
als Betsal van Christo. Item: Wat de Hilligen gredet vnd
schriffelick na sich gelaten hebben / wert van den Catholischen
vor lögen vnd Fabulen gehalten / vnd willen dennoch groten
danck mit vorebringe erer Knaken anrichten. De leuendigen
Hilligen auerst vorachten / haten / hönen / baüen / vor sagen / vor
folgen / vangen / pnygen / bernen / erwörge se / vnd werpen de
aschen int water. Wörden den Heimelschen Hilligen ock so dhon /
wenn se erer im gelicken mechtich weren. Darup höret de Sen
tencie Christi. Weh iuw Schriffgelerden vnd Phariseer / gy
Hücheler / de gy der Propheten Graue buwet / vnd smäcket de
Graue der Gerechten / &c. (Vnd dödeden den H E X E N der
Propheten.) Gy Slangen vnd Diergesteche / Wo wolde gy
der Hellschen vordammisse entrennen ?

3. Van Belden.

De Belde sind Twyerley. De Malkunst vnd Contersey
tinge wert nicht gestraffet / sy eine gaue Gades / vnd wol tho dül
den / so veyr se blifft binnen grensen Götlicher Gebaden. So syn
ock der pur Creaturen Belde vnd Historienwerck / im Politi
schen börgerliken gebruke / sry vnd nicht tho straffen.

De anderen Belde / als na dem vsichtbaren / vbegripliken
Göttliken wesende / Godt Vader / Söne vnd hilligen Geiste /
vnd anderen Creaturen / in Kercken tho setten / vnd tho ehren
gemaket / Sint vum Düuel / dullen Götlosen Heiden / Afgö
dischen Jöden / Ketteren vnd Römischen Antichrist / erdacht ge
bunden vnd ingeuöret. Vnd darwegen van Godt / allen Pro
pheten / Patriarchen / Hilligen Köningen / Apostolen vnd fra
men Christen vorbaden / vorworpen / in stücken geslagen / vor
brandt / vnd ordentliker wyse (edder süß na Gades vorhencknisse)
affgeschaffet: Vnd de Göhendener mit tydliker plaage gestrafft
vnd ewich vordömet / de nene Vöte gedhan hebben. Also: Vor
stöckt sy / de einen Göhen edder geaaten Belde maket / einen grü
wel des H Eren / ein werck der Werckmeister hende / vnd settet

1. 66.
Baruc. 6.
Sap. 4.
Apocal.
22. 25.
Hier. 10.
Rom. 1.

2. Cor. 6.
1. Ioha. 5.

Kercken
rechte Hyrad

Psal. 115.

Trident.
Conc. Sess.
3. can. 5.

ide vorborgen/ vnd alle Volck schal antworten/ vnd seggen/ Amen. Vorstöcket syn de Göder/ de Hemmel vnd Erde nicht gemaket hebben. Do se sich vor Wyse holden/ sint se tho Narren geworden/ vnd hebben vorwandelt de hertlichkeit des vnuorgentliken Gades / in ein Velde gelick den vorgentliken Menschen/ vnd der Bögele/ vnd der veeruötigen vnd krupenden Deerte. Darüm hefte se ock Godt hengegeuen/ in eres herten lüfte/ in vnreinnichheit/ tho schenden/ ere egen lyue an sich säluest. De Gades Warheit hebben vorwandelt in Lügen/ vnd hebben gehret vnd gedenet/ deme dat geschapen is/ mehr dan den Schepper/ de dar gelauet is in ewicheit/ Amen. Wat hefte de Tempel Gades vor eine gelikenisse mit den Affgöderen? Kinderken/ hödet juw vor den Affgöderen. Auerst na dessen vnd vntelliken tuchenissen Gödelikes Wordes/ fragede Hadrianus nicht/ do he de Wilde anthobeden vörstelde/ Anno 774. Noch dat Concilium tho Trent/ welck gebürh Velde tho hebben/ vnd mit entblötunge des höueds vnd knebögen desäluen tho ehren. Dem volgen alle olde vnd junge Ghyfner/ Doeken vnd Puppenknechte/ (der sich de kinder mit der tydt/ wañ se older werden/ tho schemen plegen.) Stöten den Disch des HEEREN vomme/ dryuen vnd vorbannen de Dener des Wordes vnd vele thohörer vñ eren Kercken/ welker dat schöneste Hyradt der Kercken syn/ vnd setten summe Götzen vnd vormaledyede stücken vnd Gnabbeköpfe wedder in de stede/ de vele kösten/ vnd vaken van der Armen gude gemaket werde/ dar nichts dan vallschheit/ bedroch vnd lögen anne is/ hebben Dren vnd hören nicht/ Mullen vnd reden nicht/ Sint gräwele vnd eraernisse / Neste der Düuelen vnd vnreinen Geister in den Mordekulen.

De 54. Arttckel.

Esse men ock de Procelssion, vp gewönlife Festdage/ mit Crügen vnd Vanen/ ock mit Byewater holde?

Antwort.

Neen. Dann wol hefte ide beualen? Wor tho schalt denen?

Weme

307.
Hier. 6. 3.
Phil. 3. 18.

Weme is darmede geholpen; de leddichgenger mögen spazeren/wann vnd wo se willen. De Chorjacht/Bette starcke Hengeste vnd vyende des Crüzes Christi hebben ere lichte Crüze skun- des woll tho dragen/ere Bennelijn slegen tho laten/als de wedder de gewalt/Kercken vnd warheit eine lange tyde wunnen spel gehat hebben/ tde wert auerst nicht lange dären/wat gelds? Christus wert dat werck ein mal vorstören/vnd vnlanges.


Andrad.
Wyewaters
trafft.


Van Wyewater schryuen de Chatholischen/dat eine sündelike Godelike krafft darinne sy/make gesund/vordryue krankheit/vorjage Däuele/delge dagelike sünde/dho grote Tcken/lösche den brandt mer als gemene water. Sy vp Behe/Boder/vp woningen pütten vnd dobengrauen kostel dinct &c. Is alle des Däuels spot vnd schimp/ deme dären Blode des vnschuldigen Lammes Gades/dat sodane krafft allene hefft/tho spyte/hohn/vnd thor vorfleneringe erdacht/is ein beswaren/betouert dinct wedder Gades wordt/vnder dy schal neen beswerer syn/darmede nicht de Däuel vordreuen/sunder gelocket vnd gewyret wert. Auerst de wapen vnser Riddereschop sint nicht fleischlick/sunder mechtich vor Godt/tho vorstören de Beuestingen/dar wy mede vorstören de anslagen vnd alle Högedede/de sich erheuet wedder de erkentnisse Gades &c. Vor allen dingen ergripet den schilt des Gelouens/mit welkeren gy können vthlösscheu alle vürige Pyle des Bösewichts/vnd nemet den Helm des Heyls/vnd dat Swert des Geists/welcker is dat Wordt Gades &c. Sodanige wapen sint nicht so balde tho maken vnd tho erlangen/als dat Wyewater/&c. Godt auerst des Fredes/de van den Doden vthgeuöret hefft den groten Herden der Schape/dörch dat Bloth des Ewigen Testaments / vnser H E X E N Iesum/de make juw geschicket in allen guden wercken/tho donde synen willen/welkeren sy Ehre/van Ewicheit tho Ewicheit/
Amen.

Deut. 18.
11.
2. Corvint.
10. 4.
Ephes. 6.
16.
Heb. 13.
20.

Faint, illegible text, likely bleed-through from the reverse side of the page. The text is arranged in several paragraphs and is mostly obscured by the paper's texture and fading.

... multo exordium per... end...
... von ...
... end...
... end...





Ligatura gath pte z sham 112

17th Nov 1756

I have the honor to acknowledge the receipt of your letter of the 11th inst. in relation to the above mentioned matter. I am sorry to hear that you are not well, and hope you will soon be able to attend to your business. I have been thinking of writing you for some time, but have been so busy that I could not find time. I am well at present, and hope these few lines will find you the same. I have not much news to write at present. I am, Sir, your obedient servant,

156-157

17th Nov 1756

